


تحریک آزادی تے پاکستان

وچ

پنجاب دا حصہ



تحریک آزادی تے پاکستان

وج

پنجاب دا حصہ

شفقت تنویر مرزا



پرنسٹر پبلشر محمد آصف خاں نے پاکستان پنجابی ادبی بورڈ ،
 ۱۱۶/۱۵ آؤٹ فیل روڈ لاسور سی برکی آرٹ پرنسٹرز ۴۳ یسٹنگ روڈ
 لاہور توں چھپوائی

پہلی وار ۱ اپریل ۱۹۹۳ء
 ۱۵ روپے

۲۲/۶/۹۳ / ۱۰/۱۱/۹۳

تحریک آزادی تہ پاکستان

وجہ

پنجاب دا حصہ

شفقت تنویر مرزا

پاکستان پنجابی ادبی بورڈ
ٹھکانہ، آؤٹ فال روڈ
لاہور

نور محمد علی خان

میرزا محمد علی خان

میرزا محمد علی خان

میرزا محمد علی خان
میرزا محمد علی خان

پنجاب دی عزت
احمد خاں کھرل درے ناں

ویروا

<u>نمبر</u>	<u>مضمون</u>	<u>صفحہ</u>
۱	پنجاب، تے دھاڑوی	۹
۲	جغرافیہ	۱۸
۳	مغلاں، مگروں پنجاب دا رول	۲۵
۴	افغان، سکھ تے انگریز	۳۵
۵	۱۸۵۷ء — احمد خان کھن	۴۶
۶	پنجابی تے غیر پنجابی	۵۱
۷	مسلمان، ہندو تے سکھ	۵۸
۸	۱۹۱۹ء — وا مارشلس لاء	۷۱
۹	پاکستان دا نقشہ تے ناں	۸۶
۱۰	طالب علم، زنانیاں تے انجمار نویں	۹۴
۱۱	مولانا فرمانی توں آزادی تائیں	۱۰۷

پہلی گل

محکمہ بیاحت و اطلاعات، حکومت پنجاب دے سیکرٹری پروفیسر کرامت علی خاں ہوری تحریک پاکستان دی سلور جوبلی سانگے اک اکٹھا سدا۔ گل ایہ ٹوری گئی کہ ایس سلور جوبلی نوں کیوں منایا جائے۔ بورڈ ولوں لکھتی روپ وچ اوتھے کئی سمجھا رکھے گئے۔ جیہڑے ساریاں سلاہے۔ چھیکڑ وچ پروفیسر کرامت علی خاں ہوراں ساریاں توں پچھیا کہ ایس سلسلے وچ اوہ کیہڑی کیہڑی کتاب چھاپ کے سیر رلاوے گے۔

کتاب لکھن لئی کجھ نہ کجھ ویلا وی لوڑیندا ہے پر دن ساڈے کول بوہت ای تھوڑے سن۔ شفقت تنویر مرزا ہوری ای اجیہ لکھیار نظریں پئے، جو ایس اوکڑ وچوں بورڈ نوں کڈھ سکے۔ اوہناں دا ترلا کیتا گیا۔

ایہ کتاب ہن تہاڈے ہتھاں وچ ہے۔ تئیں دیکھو گے کہ جس موضوع نوں اوہناں ۱۱۲ صفحیاں دے کلاں وچ سمیٹیا ہے، ایس بارے کئیاں جلدیاں وچ کتاباں لکھیاں جا سکدیاں ہن۔ پر سوجھوان لکھیار دا کمال ایہ ہے کہ اوس نے مڈھ لا توں ۲۳ مارچ ۱۹۴۰ء دی قرار داد پاکستان دا پچھوکر گھٹو گھٹ لفظاں وچ دس دے نال نال اجیہا کوئی

کچھ نہیں رہیں دتا، جس دل ساڈا دھیان نہ دویا ہووے۔
 میری جاچے مفاد پرست ٹوٹے نے پنجاب نوں بدنام کرن
 نئی جھوٹے بھائی نہیں سوں جان بچھ کے جینی واہ لائی ہے۔
 اوس نوں سنگیاں کرن لئی اچ ودھیری لوڑ ہے۔ تباڈے
 پتھلے دیوے توں اگانہ ہووے دیوے جگٹے چاہیدے ہن تاں جو
 پنجاب دی تاریخ اتے ہنیریاں دا جو پرچھاٹواں گھتیا گیا ہے
 اوس نوں پاڑیا ونجے تے روشن کچھ لوکاں موہرے دھرے
 جاون -

محمد آصف خاں

پنجاب تے دھاڑوی

آزادی دے جُدمِ وِج یا تحریکِ پاکستان اندر پنجاب دا کیمہ حصہ اے ۔ اوہنوں سمجھن تے اوہرا کُل پاؤن نئی ایہہ جاننا ضروری اے کہ پنجاب گزرے زمانے وِج کیمہ سی ؛ ۱۹۴۷ اندر کیمہ سی تے ہُن کیمہ اے ۔ ایہدیاں بیک نامیاں تے وڈیاں کیمہ ہن تے کیوں ہن ، برنامیاں کنیاں تے کیوں ؛ پنجاب دا جغرافیہ ، مذہب ، زبان تے معیشت کیوں کیوں بدلدی رہی ، پنجاب کس کس راج نال بدھا رہیا تے کدوں آزاد رہیا ۔

ماہراں دا آکھن ہے کہ انسانی وستوں دی دھرتی اُتے شروع ای پنجاب دی سواں وادی (راولپنڈی) توں ہوئی ۔ تاریخ موجب کئی آبادیاں ، رستلاں تے تہذیبیں دی لانگھ رہیا اے ۔ تاریخ آکھدی اے پئی دُنیا دیاں مڈھ قدیمی وڈیاں تہذیبیں وچوں وادی سندھ دی رستل وی اے ۔ جس دا نشان سندھ وِج مومن جو دُرو تے پنجاب اندر ہڑپہ (ضلع ساہیوال) تے گنوری والا (ضلع بہاولپور) ہن ۔ تاریخ توں ای ثابت ہوندا اے کہ پنجاب ، سرحد تے سندھ ای شروع توں انیسویں صدی تائیں بدیسی دھاڑویاں دا نشانہ بن دے

رہے۔ لہندے وٹوں بجھ توں مشہور حمد یونان دے سکندر دا اے
پر اوس توں وی پہلاں کئی ہور مشہور دھاڑاں وی ہن جنہاں دی
لڑی رنج دی ہے۔

۱۔ شام دی ملک سہیرا دا حمد ۲۔ مصر دے سیسوپٹراس دی چڑھت
۳۔ ایران دے سائرس دا حمد ۴۔ ایران دے دارا دی دھاڑ
۵۔ سکندر یونانی دا حمد ۶۔ یونان دے اینٹوکیس تیجے دی یورش

۷۔ یونان دے یوکرائڈس دی چڑھت
۸۔ ترکستان، یونان تے افغانستان دے حاکم ڈیمیٹریس دی چڑھائی

۹۔ پارتھین ارشاک اعظم ثانی دا دھاوا

۱۰۔ ستھین تے ساکا قبیلیاں دا حمد

۱۱۔ ایران دے نوشیرواں دی چڑھائی ۱۲۔ منغل خان دا حمد

۱۳۔ سبکتگین دا دھاوا ۱۴۔ محمود غزنوی دے حملے

۱۵۔ شہاب الدین غوری دیاں چاڑھاں ۱۶۔ چنگیز خاں دا دھاوا

۱۷۔ چنگیز خاں دے وارثاں دے حملے

۱۸۔ تیمور لنگ دی چڑھائی ۱۹۔ ابوبکر مرزا دا دھاوا

۲۰۔ بابر دا ہندوستان نوں فتح کرنا۔

۲۱۔ بہایوں دا پرتن ۲۲۔ نادر شاہ ایرانی دا دھاوا

۲۳۔ احمد شاہ ابدالی دے حملے

۲۴۔ سکھاں دے سبے شاہ زمان دا حمد

ایہ دھاڑوی یا دھاڑاں تان لہندے وٹوں آئیاں، چڑھدے
تے دکھن وٹوں وی پنجاب اُتے حملے ہوئے۔ مشرق وٹوں پنجاب

اُتے آفری حملہ ۱۹۶۵ء وچ ہویا۔ ایس توں پہلاں پچھلی صدی اندر انگریز
 وی ایسروں دی آئے۔ اوہناں توں پہلاں ۳۰۵ ق م (حضرت عیسیٰ مسیح
 توں پہلاں سہے دی گنتی نوں "قبل مسیح" ق م آکھیا جاندا اے)۔
 وچ چندرگپت موریا تے ۳۹۵ء وچ چندرگپت دوم تے ۱۸۵ء
 وچ مرہٹے پنجاب اُتے آئے۔

ایہ گل وی بڑی مزیدار اے پئی کئی دھاڑوی جنہاں اندر
 سکندر یونانی شامل اے پنجاب وچ روکے گئے۔ جے پنجاب
 اوہناں نوں روک کے پرتا دتا تاں ٹھیک نہیں تاں اوہ دلی تائیں
 کسے کولوں وی نہیں ٹھتے گئے۔ سکندر یونانی نوں وی پنجابیاں ای
 ڈکیا تے لڑائی توں تنگ آ کے اوہ راوی تے بیاس دے وچکارے
 علاقے وچوں ای ساہیوال، ملتان تے سندھ راہیں واپس چلا گیا۔ اوہ
 پنجابی دے اک تیرناں زخمی ہویا۔ ایہ گل تاریخی طور اُتے پختی
 اے پئی جیہنوں پنجاب اندر نہیں ڈکیا جا سکيا، اوہنوں راس کماري
 تے آسام تائیں کوئی نہیں ڈک سکيا۔

ایہناں کھڑاں اگے جنگ اکبر بادشاہ نال وی کیتا ہئی
 داناں کدی نہ اوہ ڈولا نے

احمد آہندا ہے۔ مہراں لٹیاں ہن سلطان سکندر دیاں

اوتھوں دے مال اساراں

پنجاب تے سندھ وادی دی معلوم تاریخ وچ ایٹھے دو ای
 مذہب ودھے پھلے نیں۔ اک بدھ مت جنھوں بھارت دے ہندوواں
 نہیں منیا۔ اوہ بھارت دے صوبہ بہار وچوں نیکل کے پنجاب راہیں

چین ول تے سندھ راہیں نکل کے اوتھوں آگے گیا ۔ دوجا مذہب اسلام آے جو محمد بن قاسم توں وی پہلاں اپڑنا شروع ہو گیا ۔ پنجاب اندر اسلام اک تان سندھ ولوں تے دوجا افغانستان ولوں آیا ۔ انج ایہ سندھ ، پنجاب ، بلوچستان ، کشمیر تے سرحد اندر رُج کے ودھیا پھلیا ۔

۱۹۴۷ء وِچ پنجاب تے مغربی پاکستان دے دوجے صوبے وچلے ہندوستان یا بھارت توں کیوں وکھ ہوٹا چاہوندے سن یعنی پاکستان قائم کرن لئی مذہبی ، معاشی تے دوجیاں سبباں توں وکھ ہو کر کیہہ کیہہ سبب سن ۔ اک وڈا سبب ایہ وی سی کہ ایہناں علاقیاں بڑا گھٹ ویلا ای وچکارے بھارت دی وڈیائی یا حاکی متی سی ۔ ساڈھے چار پنج ہزار ورے وچوں ایہ علاقے (پنجاب ، سندھ ، سرحد ، کشمیر ، بلوچستان) صرف ست سو بارہاں ورے بھارت ناں نہتی رہے ۔ پنج سو بارہاں ورے مسلماناں دی حکومت ہیٹھ ، سو ورے انگریزاں (عیسائی) دے سمے تے باقی سو سال موریہ خاندان (بدھ مت) دے مٹن والے زمانے اندر ۔

اج دے پاکستان تے اج دے بھارت دے وچکار وکھیاں یا لڑائی یا یُدھ دا اصل سبب ہندوواں دے وڈ وڈیریاں دا وپار سی ۔ اوہناں دے دِلاں اندر ، وسوں وِچ تے مذہب پاروں نہ بدھ مت لئی کوئی تھاں سی ، نہ مسلماناں لئی ۔ اوہناں واسطے پنجاب تے دوجے علاقے ملیچھ لوکاں دے علاقے سن ۔

اک مشہور مسلمان سیانے "البیرونی" بھارت دی سیر کیتی تے
 اوہدے اُتے اک وڈی کتاب وی لکھی جیہدے اندر اوس لکھیا ہے
 "ہندو قوم اندر اک بھیڑاے۔ ایہ بڑی مغرور تے آپ ہدہری
 اے۔ اوہناں دا عقیدہ ہے کہ صرف اوہناں دا دلیں پاک لے
 باقی ہر ملک ناپاک اے۔ اوہناں دی زبان وچ بدیسی نوں
 ناپاک یلچھ آکھیا ویندا اے۔ مطلب جے دوجا ملک پلٹ لے
 تے اوہ ہر وسنیک وی پلٹ ای ہویا۔ ایسے پاروں مشہور
 ہندو سیانے نرادر سی چودھری لکھیا اے۔ "ہندو (بڑی
 متعلم تے فرد پرست قوم اے۔ جو بندہ ایہناں وچوں نہیں
 ہوندا ایہناں دی نسل دا نہیں ہوندا، اوہنوں اپنے وچ نہیں
 گندے۔ اوہ دنیا دیاں سبھ قومیں توں آپ نوں اچا سمجھدے
 نہیں۔"

ہندوواں دی اک ہور پاک کتاب "مہا بھارت" وچ
 لکھیا ہے۔ "گندھار اتے باونا راج دا پنجاب تے پاکستان
 دے دوجے علاقے، تے رنگل (سابقہ مشرقی پاکستان) ہن
 بنگلہ دیش، دنیا دے مہا مجرم تے گناہ گار خلقت دے علاقے
 نیں۔ اوہ براہمن دی وڈیائی مندے نیں نہ اوہناں دے قانون
 دی پاٹا کر دے نیں۔ وکھ زبان بولدے نیں۔ ایس کارن آریا
 اوہناں توں نفرت کر دے نیں، اوہناں نال میل ملاپ تے
 ساکا چاری دی مناہی ہے۔"

جدوں آریا لوک دھاڑوی بن کے اینہاں علاقیاں وِج آئے،
ہر پر ورگے شہراں نوں برباد کر کے آپی آباد ہوئے، تہ اوہناں
ایس علاقے دی بڑی تعریف کیتی، اک ہور پاک کتاب اتھروید
وِج لکھیا ہے :-

” سلام اوس دھرتی نوں جس وِج غلے، چاول تے جوں
دی لہر بحر اے، جتھے پنج قوماں آباد نیں۔
جتھے بدلاں پاروں ہریاول تے آبادی اے۔“

ایسے طرح اک ہور مقدس کتاب، ” رگ وید“ وِج پنجاب
نوں ستاں دریاواں دی دھرتی آکھیا گیا اے جس اندر پنج قوماں
آباد ہن۔ اینہوں خوبصورت دھرتی آکھیا گیا ہے۔ پر ایسے رگ وید
وِج آکھیا گیا اے کہ جو چڑھدے (بنگال)، ول رہندے ہن
تے جو لہندے (مغربی پاکستان، کشمیر، سرحد، سندھ، پنجاب، بلوچستان
وغیرہ) ول رہندے ہن، اوہناں اندر انساناں والے کوئی
وصف نہیں۔ اوہناں اتے گنگا، سرسوتی، جمنا، کورو، کشیتر دے
راہ بند ہوئے۔“

مہابھارت اندر لکھیا ہے :- ” اوہ ملکہ جتھے پنج دریا وگدے
نہیں اوتھے کوئی آریائی اک دو دیہاڑے واسطے وی نہ جاوے
اوہ نہ ویداں نوں مندے ہن نہ قربانی دیندے نیں۔“

انج ہندوواں اپنے مذہب پاروں دی پنجاب، سندھ تے
پاکستان دے دوجے علاقیاں نوں ” اپنے دشمن، پیچھ (ناپاک)
تے بے دین“ علاقے متھ لیا۔ انجے ای چڑھدے ول بنگال

دے علاقے نوں وی ناپاک آکھیا تے وچکارے علاقے نوں آریہ
 ورت یا بھارت آکھیا۔ ایہو سبب ہے کہ بھارت دے سارے
 ای پوتر (پاک) دریا بھارت اندر ہن۔ پنجاب دا کوئی دریا اوہناں
 لئی پاک نہیں۔ اوہناں دے سارے تیرتھ تے درگا ہواں وی
 دریائے ستلج توں پار ای نہیں۔ وچکارے تے دکھنی بھارت
 وچ مثلاً ہدری ناتھ، کوروکشیترا (ہریانہ) کاشی یا بنارس، ممقرا،
 سر دوار، پریگ (الہ آباد) اجودھیا (سارے دے سارے یوپی
 اتر پردیش اندر) ناویہ (منگلی بنگال) کنگ (اوڑیسہ) دوارکا
 سوماتھ (گجرات) اوتیکار، اجین (سی پی یا مدھیہ پردیش) تے
 جنوب اندر کانچی تے رامیشورم۔

ایسے علاقے اندر ہندوواں چھت چھات والا نظام بنایا۔ بندیاں
 نوں چار تھائیں ونڈیا۔۔

۱۔ مذہب والیاں نوں برہمن آکھیا تے کہیا "ایہ برہما دیوتا دے
 ہر وچوں جے نیں۔

۲۔ حاکم، سپاہی، کھتری یا کشتری، ایہ برہما دے سینے
 تے بانہواں والی تھاں توں پیدا ہوئے ہن۔

۳۔ تاجر تے واہی نیہی والے نوں ویش آکھیا گیا، جو برہما
 دے ڈھڈ تے لتاں وچوں پیدا ہويا۔

۴۔ تے شودر اوہنوں آکھیا گیا جو محنت مزدوری، صفائی تے
 باقی تیناں دھراں دی ٹہل سیوا کردا سی۔ شودر برہما دے

پیراں وچوں جمیا ہے۔

ایس ہندو ونڈ نوں نہ بُدھ مت منیا، نہ اسلام مندا اے۔
 ایس ونڈ نوں وچکارا لاتے دکھنی بھارت مندا سی پر پنجاب، سندھ،
 سرحد، کشمیر، بلوچستان تے بنگال نہیں سی مندا۔ پنجاب تے بھارت
 دے ایہ فرق ایہ مکرراتے ایہ دکھیویں اودوں ہور وی اگھڑ
 پئے جدوں ویہویں صدی دے شروع وچ ای انج لگا جیویں
 ایہو ہندو دھرم پورے برصغیر اُتے مڑھن دا حید کیتا جا
 رہیا ہے۔

اک کانگریسی لیڈر سوامی ستیا دیو اونہیں دینیں آکھیا، —
 ”دھرم پاروں لازم ہے کہ قرآن دی تعلیم نوں ساری دُنیا اُتے
 مُکا دتا جاوے۔ اوہی تھاں مسلماناں نوں راشٹریہ دھرم سکھایا
 جاوے۔“ کانگریس دے اک ہور وڈے آگو لوکمانیہ تلک
 نے شیواجی دا اک یادگار جلوس کڈھوایا۔ گان دے کوہن دی
 مناہی لئی تحریک چلائی۔ مسیت سیانے راجہ وجایا نے ۱۸۹۷ء
 (بارہ ورھے پہلاں) وچ آکھیا — ”سیواجی، افضل خاں نوں
 قتل کر کے کوئل پاپ نہیں سی کیتا۔“

اک ہور لیڈر لالہ ہر دیال ایم اے آکھیا — ”جدوں تائیں
 ہندوستان بدیسی مذہب اسلام توں پاک نہ ہوسی، ہندوواں
 نوں وی سکھ دی نیندر نصیب نہیں ہووے گی۔“
 دوجے پاسے مہاتما گاندھی ہوری آکھ رہے سن — ”ہند
 دے لہندے چڑھدے وچ اک وی اجیہا ہندو نہیں جو
 ہندوستان وچ گان کوہن دی مناہی نہ چاہوندا ہووے۔“

گاندھی جی آپ دی بھارت اندر رام راج دی آس گڈی بیٹھے سن
 تے ایس گل دی گواہی پڑت نہرو ہواں اپنی کتاب اندر دتی ہے۔
 ایہہ حال سی جدوں قائد اعظم پنجاب اندر آ کے ایہہ گل آکھی۔
 "اسلام تے ہندو دھرم صرف دو مذہب ای نہیں، اصلوں ایہہ
 دو وکھرے ویہار (نظام) ہن۔ ایہہ (ہندو مسلمان) آپس وچ
 شادی نہیں کر دے۔ نہ اک صنف بہرے کے روٹی کھاندے نیں۔
 ایس پاروں میں کھلے سمجھا ناں اپنیاں کہ ایہہ دونوں وکھ وکھ
 تہذیبیاں ناں جڑے ہوئے نیں، جیہناں دا ٹڈھ ای ٹکرائدے
 وچاراں تے حقیقتاں ناں بھجھا اے جو اک دوجے دی ضد
 نیں، اوہناں دی تواریخ وکھ وکھ اے۔ اینہاں دے بیرو
 جنگی ڈھولے تے واراں، تے وڈے تاریخی کارنامے سمجھ
 وکھ وکھ تے جدا جدا ہن۔ اک قوم دا ہیرو دوجی قوم
 دا دشمن ثابت ہوندا اے تے اک قوم دی جت دوجی دی
 ہار منی جاندی اے۔"

ایس زمانے پنجاب اندر ہندوواں دی نیشنل گارڈ تے راشٹریہ
 سیوک سنگھ دے سوا کچھ دیکھے ہوئے ممبر سن، جیہناں دا ایمان
 سی۔ "ہندوستان ہندوواں دا ملک اے۔ ایس اندر صرف ہندو
 قوم ای رہ سکدی ہے۔"

جغرافیہ

دیکھن والی گل ہے کہ ایس ہندوستان وچ مسلماناں تے
پنجاب دی کہی تھاں سی ۔ جغرافیہ آل دوالا ، زبان ، مذہب
تے سیاسی ، سماجی تے معاشی پچھوں پنجاب کتھے کھڑوتا سی ؟
یا پنجاب ہے کہی سی ؟

پنجاب تے سندھ دے ناں دریاواں توں بٹے ہن ۔ سندھ
دریائے سندھ پاروں تے پنجاب ۔ پنج آب ۔ پنج پائیاں یا پنج
دریاواں پاروں ۔ ایران دے حاکم داریوش جدوں ایس علاقے
نوں جت لیا اوہنے ”کوہ بے ستون“ والے کتبے اُتے ایہہ
ناں لکھیاں والی دھرتی لکھیا ۔ بسن لوکاں
دا وچار ہے کہ ”گو“ توں ای لفظ گوٹھ تے کوٹ نکلے
ہن جیویں سیاکوٹ ، شہزاد کوٹ تے چنی گوٹھ یا پیر گوٹھ ۔
”رگ وید“ دی گل پہلاں آئی ہے ۔ ہندوواں دی ایہ
مقدس کتاب کجھ کجھ پنجاب دے علاقے وچ ای لکھی گئی ۔
ایس کتاب اندر ایس حکم (پنجاب) دا ناں پست سندھو
یعنی ستاں دریاواں دی دھرتی لکھیا گیا ہے ۔ ست دریاواں

دی صوت انج ہے ۔

۱۔ سروتی یا اکرہ جو سک گیا ایہی راہ وچ ضلع
بہاول نگر تے چولستان تے اوتھوں تھتے سندھ وچ عمرکوٹ
(امرکوٹ) آوندے سن ۔ راہ دے نشان اج وی ہے نہیں۔
۲۔ ستیج جو قصہ توں تھتے ول پاکستان دی سرحد اندر
آوندا ہے ۔

۳۔ بیاس جو مشرق پنجاب اندر ای ستیج نال مل جاندا ہے۔
۴۔ راوی جو گورداسپور (مشرقی پنجاب) توں لاہور دے
اُپر تنائیں دوہار ٹلکاں دا بتا (سرحد) اے ۔
۵۔ پنجاب ۔ ۶۔ جہلم تے ۷۔ سندھ ۔ پارسیاں دی پاک کتاب
”اوستا“ وچ ایس دریا تے علاقے دا ناں ”ہست ہندو“
دیا گیا ہے ۔ ”س“ دی تھاں ”ہ“ نے کل لئی اے
تے ف دی پ نے ۔ ایہدا مطلب ہے ست دریا ۔
مسلماناں دے سے آکے ایہدا ناں پنج دو آب یا پنجاب
رکھیا گیا ، ایہدے اندر پنج دو آبے ہن ۔

۱۔ دو آب بست جاندھر (ستلج تے بیاس دے وچکار)

۲۔ دو آب باری (بیاس تے راوی دا وچکار علاوہ)

۳۔ دو آب رچنا (راوی تے چنھاں وچکار)

۴۔ دو آب جج (پنجاب تے جہلم دے درمیان)

۵۔ دو آب سندھ ساگر (جہلم تے سندھ وچکار)

۱۳۱۵ء وچ فارسی دے مشہور شاعر استاد تے صوفی

امیر خسرو ہوراں ایس علاقے دا ناں پنج آب (پنجاب) لکھیا ہے۔
 امیر خسرو بہتا چر ملتان رہے تے اوتھے ہر مغلاں دے محلے
 پاروں پھڑے گئے۔ اوہناں شہزادہ سلطان تغلق دی موت
 اُتے پنجابی زبان اندر اک جنگ نامہ یا مرثیہ وی لکھیا جنھوں
 وار آکھیا جاندا اے۔ ایہ ”وار“ حالے تائیں کسے نوں ملی
 نہیں۔ اوس سے پنجابی نوں ”ہندوی“ آکھیا جاندا سی۔

پنجاب دے ناں توں ہٹ کے ہن اسیں دکھو دکھو
 زمانیاں وچ ایہدی سیاسی ونڈ نوں دیکھنے ہاں۔ جدوں
 محمد بن قاسم سندھ ولوں آیا اوس سے پنجاب اندر ملتان
 سبھ توں ودھ سی۔ اوتھے اک آزاد حکومت سی۔ لاہور یاں
 ملتان دا حصہ سی یا کشمیر دا حصہ۔ فیر مسلماناں مغلاں دے
 سے وچ پنجاب دا کجھ حصہ (ملتان والا) سندھ دے بکھر
 (سکھر) والے صوبے نال رہیا۔ پھر ملتان دا صوبہ الگ
 سی۔ لاہور دا الگ تے سرہند (مشرقی پنجاب دا وکھرا) کجھ
 علاقہ صوبہ پشاور نال

سکھاں دے زمانے وچ پنجاب دیاں حذاں اندر پشاور
 ڈیرہ جات ہزارہ، ملتان، کشمیر، جموں، تبت، لداخ، کوہ سلیمان
 ہماچل پردیش (بھارت)، کانگڑہ دے علاقے تائیں کھتریاں
 سن۔ پر پنجاب دے ستلج پار دے علاقیاں اُتے انگریزاں مغلاں
 توں قبضہ لے لیا سی۔ دلی دے حاکماں انگریزاں نوں
 کھل دے دتی پئی اوہ پنجاب دی سرکار نوں ڈھا لاون لئی

لدھیانہ تائیں میٹرے آ وینجن ۔ رانج انگریزاں پہلاں مشرقی پنجاب
 رستج توں پار اتے ہریانے اتے قبضہ کیتا۔ پھیر رنجیت سنگھ
 دی موت مگروں ۱۸۴۹ء وچ باقی پنجاب تے سرحد اتے وی
 قبضہ کر لیا تے صوبے دیاں حلاں رانج بٹایاں گئیاں ۔

نمبر شمار	ڈویژن	ضلع	تخصیصات
۱	دہلی	دہلی	مہرولی ، علی پور ، بلم گڑھ
		کرناٹ	پانی پت ، ریسوتی ، گہڑ وڈھ
		گرڑ گاؤں	جھاؤ سا ، ریلواری ، فیروز آباد ، پلوان نوح
۲	حصار	حصار	ہانسی ، حصار ، بروالا ، بھوانی ، فتح آباد
		رہنک	سانپہ ، رہنک ، گولانہ ، بھجر
		سرسہ	فاضلکا ، سرسہ ، سہووالہ
۳	انبار	انبار	کھڑ ، انبالہ ، جگادھری ، زلین گڑھ ، روپڑ
		لدھیانہ	جگراؤں ، لدھیانہ ، سمرالہ ، پکھووال
		تھانیسر	پپلی ، کیتھل ، لاڈو ، گولہ
		شملہ	کوٹ کھائی ، شملہ ، بہرولی
۴	جالندھر	جالندھر	پھلور ، جالندھر ، نکودر ، نواں شہر
		ہوشیار پور	گرڈھ شنکر ، ہوشیار پور ، اونہ ، دسویہ
		کانگڑا	نور پور ، ہری پور ، ندون ، کٹو
۵	امرتسر	امرتسر	ترن تارن ، امرتسر ، اجنالہ ، رعبہ
		گورداسپور	بٹالہ ، گورداسپور ، پٹھانکوٹ ، شکر گڑھ

ڈویژن	ضلع	تحصیلات
۶ لاہور	سیالکوٹ لاہور فیروز پور گوجرانوالہ	ڈسکہ، سیالکوٹ، پسرور، مظفر وال شرقی پور، لاہور، چوکیاں، قصور موکھا، فیروز پور، نیرہ، ملکتر حافظ آباد، گوجرانوالہ، وزیر آباد
۷ ملتان	ملتان گوگیرہ جنگ منظف گرہ	سائے سحر، ملتان، شجاع آباد، لودھراں، میسی سیدوالہ، گوگیرہ، حجرہ شاہ مقیم، پاکپتن، ہڑپہ چنیوٹ، جنگ، شورکوٹ زنگیہ، مظفر گرہ، بیت پور، کوٹ ادو
۸ ڈیرہ اسماعیل خان	ڈیرہ اسماعیل خان ڈیرہ غازی خان بنوں	دیباخان، ڈیرہ اسماعیل خان، کلاچی، ایبہ، ٹانک رانگر، ڈی جی خان، کوٹ مٹھن، داخل عیسیٰ خیل، بنوں، مکی مروت، میانوال
۹ راولپنڈی	راولپنڈی	حضرو، راولپنڈی، مری، پنڈی گھیب فتح جنگ، گوجر خان، کہوڑ
۱۰ پشاور	جہلم گجرات شاہ پور پشاور	پنڈ دادن خان، جہلم، چکوال، تہ گنگ کھاریاں، گجرات، پھالیہ ساہیوال، شاہ پور، بھیرہ، جابہ خالصہ، پشاور، خشک، حداد، راولپنڈی یوسف زئی، ہشت نگر اینگر، کوٹ ہری پور، مانسہرہ

۱۹۰۱ء وچ پشاور ڈویژن تے ادھر ڈیرہ اسماعیل خاں ڈویژن
 نوں جوڑ کے اک وکھ صوبہ (شمال مغربی صوبہ سرحد - این ڈیویو ایف پی)
 بنا دتا گیا۔ ۱۹۱۲ء اندر دلی وی صوبہ بن گیا۔ اوہ پنجاب جو
 ۱۹۴۷ء تائیں اک پاسے انگریز توں آزاد ہون لئی جید کر رہیا
 مہی تے دوجے پاسے دلی تے گنگا جمنہ دی سرکار تے وڈیائی
 نوں لاء کسٹن دا چارہ کر رہیا سی تے جو ۱۹۴۷ء وچ وڈیا
 گیا اوہی انتظامی حیثیت رنج سی —

ضلع

ڈویژن

- | | | |
|---|----------|---|
| ۱ | انبالہ | انبالہ، ریتک، حصار، کرنال، گوڑ گاؤں تے شہد |
| ۲ | جاندھر | جاندھر، کانگرہ، ہوشیار پور، فیروز پور تے لدھیانہ |
| ۳ | لاہور | لاہور، گوجرانوالہ، شیخوپورہ، سیالکوٹ، امرتسر تے گورداسپور |
| ۴ | راولپنڈی | راولپنڈی، گجرات، جہلم، کیمیلپور، میانوالی، سرگودھا |
| ۵ | مٹان | مٹان، منٹگمری، لائلپور، جھنگ، مظفر گڑھ، ڈیرہ غازی خان |
- آزادی نے پنجاب توں قربانی منگی تے پنجاب دو حصیاں وچ
 ونڈیا گیا، اک پاکستان تے اک ہندوستان۔ اک پاسے
 انبالہ تے جاندھر ڈویژناں تے دو ضلعے لاہور ڈویژن دے امرتسر
 تے گورداسپور — پر آزادی تے تحریک پاکستان اندر دوہاں
 پنجاباں اپنا اپنا حقہ پایا۔ اج پاکستان دی کُل آبادی دے
 پنج فیصد اوہ لوک نیں یا اونہاں دیاں اولاداں نیں جو ۱۹۴۷ء
 دی آزادی پاروں مشرقی پنجاب توں ہجرت کر کے پاکستان آئے

بکھڑا سبھ ککھ لٹا کے پاکستان آئے۔ اج وی جدوں تحریک
پاکستان فتح ادا اپنے جھتے دا ذکر کر دے نیں تاں اوہناں
پسے پنڈاں شہراں تے دستیاں دے ای ناں پسندے نیں۔
ساڈے شاعراں ادیبیاں دے ناں ناں اج وی لدھیانوی،
امرتسری، جالندھری، ہوشیار پوری، کرنال، انبالوی، فیروز پوری،
رہنما، گورداسپوری، بٹالوی جیسے ناں دسدے ہن کہ آزادی
توں پہلاں اوہناں دا تھاں ٹھکانہ کبھڑا سی۔

پنجاب فتح ککھ وڈیاں وڈیاں ریاستاں وی سن جو ککھ ککھ
آزاد وی سن۔ ایہناں وچوں بہاولپور سبھ توں وڈی مسلم
ریاست سی جو پنجاب دے چڑھے وکھن ول سی، مشرقی
پنجاب وچ وڈی ریاست پٹیالہ سی، جتھے مسلماناں دی گنتی
گھٹ سی۔ سکھاں دے دوجی وڈی ریاست کپورتھلہ سی، جتھے
مسلماناں دی گنتی دوجیاں کولوں ودھ سی۔ نابھ، جیند، فریدکوٹ
سبھ سداہ ریاستاں سن۔ ضلع کانگڑہ فتح چنبد، منڈی، سکیت
نیکیاں نیکیاں ہندو ریاستاں سن۔ اک ہور چھوٹی جیہی مسلم ریاست
مالیرکوٹہ سی۔ آزادی مگروں مشرقی پنجاب اندر مسلماناں دے
تقلام دا بہتا کارا پٹیالہ، نابھ، جیند تے کپورتھلہ دے
سکھ حکمراناں کروایا۔ دوجے بنے ریاست بہاولپور آئے
اجیہا کوئی الزام نہیں۔

مُغلاں مگروں پنجاب دارول

آبادی پاروں آزادی توں پہلاں پنجاب دی پوزیشن دا ذکر
 وی ضروری ہے تے ایتھوں ای ایہ وی گویں دی لوڑ اے
 پٹی پنجاب اسمبلی اندر مسلماناں تے دوجیاں دا حصہ کتنا سی۔ ایس
 لئی پٹی پنجاب دی ونڈ تے وڈھ ٹک دا اک سبب لے
 اسمبلی اندر دا حصہ وی سی جو فرقہ وارانہ ایوارڈ موجب کانگریس
 تے مسلم لیگ دوہاں منظور کیتا۔ ایہدا اک سبب ایہ وی سی
 پٹی جیہناں صوبیاں وچ مسلماناں دی آبادی بہوں گھٹ آہی۔ اودھناں
 نوں دوسرے صوبے جیہناں اندر مسلماناں دی آبادی وڈھ آہی
 اپنا کچھ حصہ دتا۔ رانچ صوبیاں وچ مسلماناں تے باقیاں وچکار
 گل رانچ بنی۔

صوبہ	مسلماناں دی فیصد آبادی	نمائندگی بندہ	سی سیٹاں	مسلماناں دیاں سیٹاں
پنجاب	57	49	175	86
سندھ	72	58	60	34
سرحد	91	72	50	36
بنگال	54.7	47.6	250	119

صوبہ	مسلماناں دی فیصد آبادی	نمائندگی فیصد	کل سیٹاں	میسلماناں دیاں سیٹاں
یوپی	15	30	228	66
بہار اور سی	14	24	175	42
سی پی	7	13	112	14
آسام	33	33	108	34
بمبئی	9	17	175	30
مدراں	7۶۹	12	210	29

۱۔ بھوپتان اندر مسلمان ستاسی فیصد توں وی ودھ سہ پر
 اوتھے اسمبلی کوئی نہیں سی نہ اوہ پورا صوبہ منیا جاتا سی ایس
 پاروں اوتھوں دی نمائندگی دوجے صوبیاں نوں نہیں دتی پئی ۔۔
 صوبہ بنگال سیکھ توں وڈا صوبہ سی پر اوتھے پوری مسلمان
 وزارت بنن دا سوال ای نہیں سی ۔ ایس مگروں یوپی تے
 مدراس آوندے سہ ۔ فر پنجاب دا نمبر سی اتھدی برابری
 بہار اُڑیسہ بل کے یا بمبئی گجرات بل کے کردے سہ ۔
 پنجاب کلا صوبہ سی جس اندر دو دھڑیاں (اصل فتح تہ دھڑے
 مسلمان ، ہندو تے سکھ) مسلماناں نوں غیر مسلماناں توں گھٹ
 رکھ کے آئینے سامنے کھڑا کر دتا سی ۔ انج ایس صوبے نوں
 پاکستان بناون فتح بڑا فیصد کن کم دکھاون دی ڈیول دی گئی ۔
 پنجاب دی اک آدھ ہمد صفت وی خاص سی ۔

۱۔ انگریز دی سول تے فوجی مشینری اندر پنجاب دا وڈا حصہ
 سی ، خاص کر فوج اندر ۔

۲ - پنجاب دی زراعت سببوں انگریزوں نوں دوجیاں صوبیاں نوں غلہ دیون دی آسانی سی ۔

۳ - اوس سے پنجاب دی فی جی آمدن برصغیر تے دوجیاں صوبیاں توں ودھ سی ۔

راج پوتہ تے پٹھاناں مغلاں ، انگریزاں تے پھیرا ہے ۔ راج
وتح ہمیشہ پنجاب نے سرکاری خزانے وتح سبھ توں ودھ ٹیکس
جمع کرے ۔ فی جی آمدنی وی ایتھے ای ودھ ہوئی ۔ ایہ گل
بھارت وتح مشرقی پنجاب تے پاکستان وتح مغربی پنجاب دوہاں
دی خاص ہے (

یوپی دے سید طفیل احمد ” انجمن حمایت اسلام “ لاہور دے
۱۹۳۵ء دے جلسہ وتح آکھیا ۔ ” پنجاب کے مسلمان زمیندار
ہماری سوسائٹی (مسلمانوں) کی سب سے اہم جماعت ہیں ۔ سب
سے اہم اس لئے کہ زمینداری سلطنت کی جزوِ عظم ہے ۔ اس
صوبہ (پنجاب) میں مسلمان غرضہ دارانہ سے زمین پر قابض ہیں ۔ پنجاب
میں وہ دو تہائی اراضی پر قابض ہیں ۔ کاشت کے مواقع کے اعتبار
سے نہ صرف ہندوستان میں بلکہ دنیا بھر میں پنجاب کے برابر
زرخیز کوئی صوبہ نہیں اور اب بیس ہزار میل کی نہروں نے تہ
۱۹۳۵ء کے وسائل کو بدرجہ زیادہ بڑھا دیا ہے ، پنجاب کے مسلمان بلحاظ
عہدہ ، تعلیم ، قوت ، جسمانی قوت اور جرأت و مردانگی کے نیز
بقول سرسید مرحوم بلحاظ ” اپنی زندہ دلی “ کے دوسرے صوبوں
کے مسلمانوں سے ممتاز ہیں ۔ موجودہ حالت میں مسلمان پنجاب

نہ صرف اپنے صوبہ میں نہایت جوش اور سرگرمی سے قومی و تعلیمی
 خدمات سرانجام دے رہے ہیں بلکہ ان سے دوسرے صوبوں
 کے مسلمان بھی مستفید ہوتے ہیں۔ اس مادی دنیا اور عالم اسباب
 میں مصیبت کے وقت مسلمان ہند کی نظریں آپ پر پڑتی ہیں۔
 ایسے صدی دے شروع توں ای پنجاب دے مسلماناں نے
 خیال بدلے سن۔ مسلماناں دے ہتھوں ہندوستان دی حکومت
 نوں تکلیاں مدت گذر گئی سی، حاکم انگریز سی، جو دوجے مسلمان
 ملکاں نوں یا جت بیٹھا سی یا اپنا محتاج بنائی بیٹھا سی۔ اگوں
 جو نظر آوندا سی اوہ ایہہ سی پٹی جمہوریت لاگو ہووے گی
 تے جمہوریت دا مطلب اے ودھ گنتی والیاں دی حکومت۔ پوے
 ہندوستان دل ویکھدے تاں ودھ گنتی ہندوواں دی بندی سی،
 ہندو جمہوریت دے ایسے پاروں بڑے قائل ہو گئے سن۔ مسلمان
 ہزار ورے تائیں ہندوستان دے حاکم رہے سن تے ہندوواں نوں
 ہرا کے حاکم بنے سن۔ ہن اوہناں نوں نظر آوندا سی پٹی سرکار
 تاں ہندوواں دی ای بنے گی۔ ایس توں مسلماناں نوں ایہہ
 خوت وی سی کہ ہندو اللہ جانے کیہرے کیہرے اصل تے
 گھڑے گھڑائے جرماں دی سزا مسلماناں نوں دیون گے۔ مسلماناں
 دے ذہن اندر سپین دی وی اک مثال سی جتھے مسلماناں کئی
 سو سال حکومت کیتی۔ اخیر یورپی عیسائی آبادی اوہناں نوں سپین
 وچوں مار کڈھیا یا مسلمان ہون والے سپینی غیر عیسائی ہو گئے
 تے مسلماناں دا ہونجا انج پھریا کہ مسجد قرطبہ وریباں مہیتاں اوتھے

رہ گئیاں پر مسلمان اک وی نہ رہیا ۔

۱۸۵۷ء وچ انگریزاں تے مگروں بندوواں جو سلوک مسلماناں

نال کیتا اوس پاروں مسلماناں دا اک ذہن بننا شروع ہويا ۔
پانی پت دے شاعر خواجہ الطاف حسین حالی دی نظم "حماس" ایں ذہن دی عکس ہے ۔ اوہناں آکھیا : —

ہم کو ہر جوہر سے یوں بالکل معرّا کر دیا
تُو نے اے آب و ہوائے بند یہ کیا کر دیا
ہمیں ہمیں لے آریا ورت ان سواروں کے سپوت
جن کی دوڑوں سے ہیں واقف تیرے دشت و کوہسار
سیرتیں تُو نے بدل دیں مسخ کر دیں صورتیں
آبرو تُو نے ڈبو دی کھو دیا تُو نے وقار
کر دیا شیروں کو تُو نے گوسفند لے خاک بند
جو شکار افغن تھے آکر ہو گئے یاں خود شکار

بھیر حالی ہوراں حضور صلم توں التجا کیتی : —

اے خاصہ خاصانِ رسل وقتِ دُعا ہے
اُمّت پہ تیری آ کے عجب وقت پڑا ہے
جو دین بڑی شان سے نکلا تھا وطن سے
پر دیس میں وہ آج غریب الغر با ہے

حالی ہوراں ہندوستان نال شکوہ کیتا پٹی ساڈے اوہناں

مسلماناں توں اُٹکا ای ناکارہ کر دتا اے بیہناں دے گھوڑیاں
دیاں دوڑاں توں تیرے جنگل نے جھل واقف ہن توں ساڈے

مسلماناں دے وصف گما دتے۔ صورتاں بدل دتیاں تے عزت ای
نہا دتی۔ شیراں نوں ویچھے بنا دتا، جو شکار کرن واسے سن ہندوستان
وچ آپے شکار ہو گئے۔

ایتھے حالی ہوری رسول کریمؐ اگے بیتی کردے نیں کہ ہندوستان
وچ اوہناں دی اُمت اُتے بڑا ای اوکھا ویلا آیا اے۔ دین
داسلام، بڑی شان نال اپنے گھروں لکھیا سی اج اوہ پردیس
وچ رُل گیا اے۔

حالی ہوری اوس زمانے دے بڑے معتبر سیٹھ سن۔ اوہ
خاص کر یوپی، دتی تے اوہر دے مسلماناں دی نبض اُتے ہتھ
رکھی بیٹھے سن۔ اوہناں دے دل دی بُجھ کے حالی ہوریاں اک
ہور نظم لکھی۔

اوداع لے کشور ہندوستان عبث نشاں

رہ بچکے تیرے بہت دن ہم بدیسی مہماں

حالی ہوری تاں پڑ پھٹن اُتے کلی بیٹھے سن تے سلطان باہو

دے ایس مصرعے والی حالت بنا لئی سی کہ:—

”تاڑی مار اڈا نہ باہو ایس اپی اڈن ہارے ہو

حالی ہوریاں نوں برصغیر وچ (گھوگھٹ اُردو بولن والے علاقیاں

اندر) مسلمان لکھاں توں وی ہولے نظریں آتے جیویں سلطان باہو

ہوریاں ای آکھیا ہے۔

”شالا مسافر کوئی نہ تھیوے کتھ جنھاں تھیں بھائے ہو“

جننا پار دی ایس ذہنی حالت نوں پنجاب تے بنگال والیاں

ہور عرج ویکھنا شروع کیتا تے پنجابوں علامہ اقبال دی آواز اُٹھی ۔
 علامہ اقبال ہندو مسلمان کچھ دھرو یا گنگا جمن وادی تے سندھ وادی
 دے پرانے کوہر نوں دوستی وِچ بدلن دا چارہ کردے گزرے
 نہیں :-

ہندی ہیں ہم وطن ہیں سارا جہاں ہمارا
 ہم بلیس ہیں اس کی یہ گاکستان ہمارا
 ایس ویلے تائیں آل انڈیا نیشنل کانگریس بن گئی سی۔ ۱۸۸۵ء
 وِچ اک انگریز افسر ہیم کانگریس بنائی تے اوہوں ہندوستان وِچ
 آباد ساریاں قوماں دی نمائندہ جماعت آکھیا پر تہوں سرسید احمد خاں
 آکھیا۔ ”کانگریس ثابت نہیں کر سکی کہ اوہ مسلماناں دیاں
 سدھراں تے وچاریاں دی دی نمائندہ ہے۔“ گل صحیح سی
 سرسید احمد خاں وی ہندوستانوں بددل ہو کے مصر وِچ جا
 وِشا چاہوندے سن ۔ مولانا حالی دے شعر مطابق ”الوداع
 اے کشورِ ہندوستان“ پر فیر اوہناں نوں ایہو مت آئی
 کہ نہیں اپنی دھرتی اُتے کھڑو کے کھ کرنا چاہیدا اے ۔
 کانگریس دی پہلی آزمائش اوہدے بنن توں ویہ ورھے مگروں
 ای آگئی ۔ بنگال بڑا وڈا صوبہ سی ۔ انگریزاں اوہدے دو صوبے
 بناون دی کوشش کیتی ۔ مسلمان ایس ونڈ دے حق وِچ سن تے
 ہندو خلاف ۔ کانگریس ہندوواں دا ساتھ دتا ۔

۱۷۵۷ء وِچ بنگال دے مسلمان حاکم سراج الدولہ نوں انگریزاں
 ہرا دتا ۔ اوس مگروں بنگال دے مسلماناں اُتے منیبتاں ای

ٹٹ پٹیاں - ہندوواں انگریزاں دی ایسی مسلمان دشمنی توں پورا فائدہ
 کھٹیا - سرکاری نوکریاں لٹیاں ، مسلمان دیاں زمیناں قابو کیتیاں تے
 زمیندار بن بیٹھے - بنگال مسلمان بے روزگاری تے غریبی دے کھوہجے
 وچ کھٹجھ گئے - ہندو زمینداراں تے ساہوکاراں مسلماناں کوں بہت
 کج کھوہ لیا - بنگال دے اک آگو تیتومیر نے بنگال دے غریب
 مسلمان کساناں نوں نال رلا کے زمینداراں (وڈے زمیندار ہندو بن
 گئے سن) دے خلاف جہاد دا ہوکا دے دتا - تیتومیر دے
 جہاد گروں انگریزاں دی فوجی طاقت نے ہندو زمینداراں نوں بچا
 لیا - انج مسلماناں (یا کساناں مزارعیاں دی) دا یُدھ کسے بنے
 نہ گھ سکیا -

بنگال بڑا وڈا صوبہ سی - انتظام نوں چنگی طرح چلاوٹ واسطے
 انگریز اوہنوں دو حقیقاں اندر ونڈ دتا - مشرقی تے مغربی بنگال -
 پڑھدے بنگال وچ مسلماناں دی گنتی ودھ سی تے ہندے ول
 غیر مسلمان دی - اوہناں دیاں زمینداریاں مشرقی بنگال وچ سن ، غیر
 مغربی بنگال وایاں نوں اپنیاں حق لٹیاں لئی کجھ مال مشرقی بنگال
 توں ملدا سی - ایس کارن ہندوواں تے کانگریس ایس ونڈ دے
 خلاف رولا پا دتا -

دو بے پاسے پنج ورے پہلاں پشاور ڈیرہ اسماعیل خاں نوں
 اکٹھا کر کے پنجاب ناہوں کٹ کے اک وکھ صوبہ سرحد بنا دتا گیا -
 ایس ونڈ اُتے نہ کانگریس نہ کسے ہمد تنظیم کھپ پائی کیوں جو
 انج پنجاب اندر مسلماناں دی گنتی گھٹ جاندی سی تے ہندوواں

دا اثر و دھ جاندا سی - فیر پنجاب دی ۱۹۰۱ دی ونڈ اُتے کوئل
 رولا نہ پیا پر بنگال دی ونڈ اُتے بڑا ہلا گلا ہویا۔ ہور تے ہور
 م۔ وی مارے گئے - ۱۹۰۵ وچ کانگریس چلکتے وچ جلسہ
 کر کے ایس ونڈ دی نندیا کیتی تے انگریز نوں قبضہ موڑن لئی آکھیا۔
 مسلماناں ایس منگ دا ساتھ نہیں دتا۔ تہ ہندو مسلم فساد شروع ہو
 گئے۔ بنگال مسلماناں اُتے ہندوواں بڑے ظلم کیتے۔ ونڈ مک گئی۔
 بنگال دی ایسے ونڈ پاروں ۱۹۰۶ وچ ڈھاکہ اندر اوہ مسلم لیگ
 جمی جس ۱۹۳۰ اندر قرارداد لاہور منظور کر کے چڑھدے وچ
 بنگال تے آسام تے لہندے وچ سرحد، سندھ، بلوچستان، پنجاب
 تے کشمیر دا اک اک کوکھ کوکھ ملک بناون دی منگ کیتی۔ ایسے
 مسلم لیگ ۱۹۴۷ وچ پاکستان لے ای لیا۔ پنجاب دے ای اک
 مہتر میاں محمد شفیع ہوراں ۱۹۰۶ دے ڈھاکہ دے جلسے وچ
 ایہا ناں " آل انڈیا مسلم لیگ " رکھیا سی۔

ایسے مسلم لیگ دے فیصلے موجب مسلماناں دے چونتی^{۳۴} آگواں
 وائسرائے نال ملاقات کیتی، ایس وفد اندر پنجاب ولوں جیہڑے
 بندے سن اوہناں وچ شیخ غلام صادق تے خواجہ یوسف شاہ (امرتسر)
 میاں محمد شفیع (لاہور)، خلیفہ محمد حسین تے کرنل ماجد خاں (پٹیالہ)
 تے ملک عمر حیات ٹوانہ (سرگودھا) شامل سن۔ اوہناں دیاں منگاں
 انج سن۔

۱۔ مسلمان اک کوکھ قوم نیں جیہناں دے وکھرے فائدے نیں۔
 سانوں بڈی سردی مطابق حق نہیں بلیا۔ پنجاب سندھ تے مشرقی بنگال

وچ مسلماناں دی گنتی بوہتی سی پر ایس گل نوں وی لانجھے کر دتا گیا اے۔

۲۔ ہندوستان دیاں ساریاں صوبیاں وچ مسلماناں نوں نوکریاں دا بنڈا حق دتا جاوے۔

۳۔ ائی کورٹاں تے چیف کورٹاں وچ مسلمان جج لائے جاون۔

۴۔ کیٹیاں (بلدیات) وچ مسلماناں نوں آبادی مطابق سیٹاں دتیاں جاون۔

۵۔ وائسرائے دی کونسل، ایگزیکٹو کونسل تے یونیورسٹیاں وچ مسلماناں نوں بھرویں تھاں دتی جاوے۔

۶۔ مسلم یونیورسٹی بناون وچ ہتھ وڈایا جاوے۔

بنگال اندر انگریزاں تے مسلماناں دا ٹکرا ۱۷۵۷ء وچ ہویا۔ ۱۹۰۵ء

وچ ایہوں ڈیڑھ سو ورھا بیت گیا سی۔ پلاسی دی لڑائی ۱۷۵۷ء

اندر ہوئی۔ مسلماناں تے انگریزاں دی فیر ۱۷۹۹ء وچ دکھن اندر

مسلمان ٹیپو سلطان تے انگریزاں دا بیدھ پیا۔ فیر ۱۸۳۳ء وچ سندھ

دے مسلمان حکمراناں نال انگریزاں نوں لڑنا پیا تے اخیر وچ ۱۸۵۷ء

اندر وظیفہ خوار مسلمان حاکم بہادر شاہ ظفر ای انگریزاں دی باغی فوج

واسطے اک علامت بنیا۔ مگدی ایہہ پٹی ڈیڑھ سو ورھے وچ انگریزاں

دیاں بہتیاں لڑائیاں مسلماناں نال ای ہوئیاں سن۔ ایس پاروں مسلماناں

تے انگریزاں وچ اک وڈی وتھ سی۔ ایس وتھ وچ ہندو تے

انگریز دی ساکا چاری گومسھی ہو کے ودھدی رہی۔ غیر مسلمان وچوں

انگریزاں نوں صرف سکھاں نال واہ پیاسی۔

افغان، سکھ تے انگریز

پنجاب دے مسلمان اوزنگ زبیب دے مرن مگروں دوہرے
 عذاب وِج سن، اک پاسے نالائق تے ظالم مغل حکمران تے اوہناں
 دی حکمرانی دے ڈھنگ تے دُوبے پاسے سکھاں دی گھر مَس.....
 نمک باہروں ایرانوں نادر شاہ تباہی بن کے پنجاب اُتے آیا۔ پھر
 احمد شاہ ابدالی دے ہلیاں کسراں پوری کر دتی۔ نادر شاہ تے
 احمد شاہ دیاں حمیاں دتی والی سرکار نوں ہمد بے وِسا کر دتا جس
 پاروں اک پاسیوں مرہٹیاں تے دُوبے پاسیوں سکھاں سر چُک گیا۔
 دتی لٹی نادر شاہ نوں بلایا گیا۔ ایہدا حال شاعرِ نجات نے اِنج بیانیا ہے۔
 نہ کیتی نمک حلائی، زوف تورانیاں

اوہناں گھر چوغتے دے بالی، آتش آن کے
 رقعہ لکھ زوالی، نادر شاہ نوں

میدان دل دا خالی، بودا بادشاہ
 دُوبے باریں راہ نیں گوندلاں بچوتاں آہے
 تے دِلو تے سیدو وڈھیاں اسمانیں سائے
 اوہناں ہمت کیتی سُر مہیاں چک سیوں ٹنگھائے

ایمن آباد دے گورنر آکھیا :۔

منصور نظام الملک دی جڑھ مڈھوں جائے
 جین بال مہتابی چور نوں گھر آپ دکھائے
 ایسے ملک پنجاب وِج چڑھ کھم چلائے
 پرایتھوں بھجا کند دے جگ لعنت پائے
 پر سر دینا منظور ہے جے بند نہ جائے
 لاہور وِج نادر شاہ بنا لڑائیوں نہی جت سکيا۔ لاہوی سپاہیاں
 بارے نجات آکھدا :۔

اوہ مارن تیغیاں گرزیاں کہوکت سمانے
 لشکر پٹی اے بدولی اٹھ حیرت جانے
 کل امیر ولایتی ہو گئے حیرانے
 اسان دتی کیکر پہنچا گھر گھر ہنگامے

سکھ مذہب پنجاب وِج پیدا ہویا۔ ایہہ مودھی گورو بابا نانک
 دی مسلمان دی اوئی ای عزت تے مان کر دے سن جہنی سکھ۔ پر
 مگروں دتی دے نااہل مغل حاکماں تے سکھان دے مذہبی آگواں
 وِچکار ویر ودھدا گیا۔ گورو گوبند سنگھ، بندہ بیراگی تے مغل بادشاہ
 شاہ عالم وِچکار وڈیاں لڑائیاں ہوئیاں۔ وڈی وڈھ ٹک ہوئی۔
 پنجاب وِج سارے پاسے حال و پاہریا پے گئی۔ دتی دے مسلمان
 حاکماں تے سکھان دا ایہناں لڑائیاں پاروں ۱۹۴۷ وِج سکھان مسلماناں
 دا ساتھ دیون دی تھاں بندوواں دا ساتھ دتا۔ ایسے ویر کرو دھ وِج
 سکھان قائد اعظم وٹوں خالی چیک والی پیشکش وی نہ متی تے

مَڑ ۱۹۴۷ء وِج پنجاب دی بڑی ای بے ڈھنگی ونڈ ہو گئی ۔
 سکھاں دے شروع زمانے وِج وڈی افراتفری ، شرش ، قتل ،
 برچھاگردی تے مسلماناں ہندوواں تے دویے مذہباں وایاں دی بے نرمی
 دا زمانہ سی ، پر جدوں رنجیت سنگھ دی سرکار بنی (ایہہ وی عجیب گل
 ہے کہ افغانستان دے حاکم شاہ زمان پنجاب اُتے حملہ کیتا ، رنجیت سنگھ
 اوہدا ساتھ دیتا تے شاہ زمان جاندیاں جاندیاں رنجیت سنگھ نوں حاکم
 بنا گیا) تے ایس علاقے دے لوکاں نوں کجھ ہوش آ گئی ۔ کجھ
 امن بنیا ۔ اوس سے رنجیت سنگھ ودگا حاکم وی غنیمت سی ۔ رنجیت سنگھ
 ۱۷۹۹ء توں ۱۸۳۹ء تائیں پورے چالھی ورھے پنجاب اُستے حکومت
 کیتی ۔ اوس ویلے ایس حکومت وِج ، صوبہ سرحد ، ملتان ، جموں کشمیر
 دا علاقہ وی شامل سی ۔ پنجاب وچوں ستلج پار مطلب لے انبالہ ڈوئرن
 تے ضلع فیروز پور رنجیت سنگھ توں پہلاں ای مُغلاں کوں نکل کے
 انگریز دے قبضے وِج آ گئے سن ۔ ایہہ زمانہ پنجاب واسطے کجھ
 سوکھے ساہواں دا زمانہ سی ۔

رنجیت سنگھ دے مرن مگروں پھیر خانہ جنگی شروع ہو پئی ۔ انگریز
 ستلج دے چڑھدے کندھے بڑے زمانے دا اپڑیا ہویا سی ۔ سکھاں
 دی خانہ جنگی توں سکھ وی بے زار ہو گئے سن ۔ دوجیاں قوماں
 مسلماناں ، ہندوواں دی تاں گل ای چھڈ دیو ۔ کٹ مار ، وڈھ ٹھک ،
 ڈاک ، زمانیاں نال وادھا ، مستیاں دی بے ادبی ، مسلماناں نال
 ظلم ستم ۔ ۔ ۔ رنجیت سنگھ آپنی وی کمزور رہے تے مسلماناں نوں
 وی پٹ سٹیا ۔ انگریزاں نوں ایہا موقع رتب دیوے ۔ انگریزاں

تے سکھاں وچکار جنگ لگ پئی، پر جنگ وچ پنجاب دے بچتے اُتے
 پٹ و دھدے گئے، اوہناں وچکار پہلی لڑائی ۱۸۴۵ء وچ لگی،
 جدوں سکھاں آپن ستلج (سرحد) پار کر کے انگریزاں اُتے حملہ کر دتا۔
 جنگ فیروزپور توں ویہ میل دور (MUDKE) مکہ لائے ہوئی۔
 ۱۸ دسمبر دی ایس جنگ اندر سکھ مار کھا گئے۔ ایسے سال ۲۲ دسمبر
 نوں فیروزپور شہر دے نیڑے پھیر معرکہ پیا۔ سکھ پھیر مار گئے۔ سکھاں
 پھیر پلور دے کول ستلج پار کر کے ۲۱ جنوری ۱۸۴۶ء نوں لدھیانے دے
 لاگے علی وال وچ انگریزاں نوں مار دتی۔ ۲۸ جنوری نوں سکھ ہور
 اگانہہ ودھ گئے۔ علی وال کول بیدھ پیا۔ سکھ مار گئے۔ ۱۰ فروری
 نوں فیروزپور توں ۱۰ ویہ میل دور بھراواں وچ سکھ انگریز مقابلہ ہویا۔
 سکھ مار گئے۔ ستلج دے لہبے کنڈھے آ گئے۔ انگریزاں اوہناں دا گھرا
 نپیا۔ ۱۸ فروری نوں اوہناں قصور اُتے قبضہ کیتا۔ ۲۰ فروری نوں
 لاہور اُتے قبضہ کر کے میاں میر کول فوجی اڈہ بنا لیا۔

ایہناں جنگاں اندر سکھاں و توں ہندو تے مسلمان وی وڈی
 تعداد وچ لڑے پر سکھاں دی آپس دی پٹت تے
 سکھ سرکار دے یورپی وزیراں تے کانڈراں (مسز لال سنگھ
 تے مسرتیجا سنگھ) ای سکھاں نوں تباہ کرا دتا۔ پنجابی دے اک
 شاعر شاہ محمد نے "جنگ نامہ ہند پنجاب" دے عنوان نال اک وار
 لکھی جس اندر دیسی فوج دی بہادری دی بڑی تعریف کیتی پر دیا
 گیا اے پئی کیوں سکھ سرداراں زانی جنداں اپنیاں نال
 ای غداری کیتی۔

مٹھی میٹی سی ایس پنجاب دی جی، ایہناں کھل دتا آج پاج یارو
 عرضی نکھی فرنگی نوں کُنج گوشے پہلاں اپنا سکھ آئند واری
 تیرے ول میں فوج نوں گھسنی آں کھٹے کریں توں ایہناں دے دند واری
 پہلاں بار داکلک نوں مل ساڈا آپے کھا غتہ تیں تھیں آئی گے

جتنی ہوداں تے کراں پنجاب رنڈی ساڈے دیسی دے وتج چاکر داں
 چھڈاں نہیں لاہور وتج وٹن جو گے سنے وڈیاں افسراں احمد داں
 شاہ تمہرا آ میاں میر بیٹھے وتج دیسی تے تھاں نکاریاں دے

اک لوک پتہ ہے ۔

ویرے پار سمندروں آئے

رو پیاں پنچے ندیاں

اکھیاں سچ گتیاں فی رو رو

شہروں لوکیں ندرے نہیں

انگریزاں دے ظلم کوں

۱۸۴۶ء دی انگریز سکھ لڑائی مگروں ۴۹ - ۱۸۴۸ء وتج دوہاں

دھراں اندر دوجی جنگ ہوئی - ملتان اندر انگریزاں دے خلاف

ناہری ہوئی - سکھ تے انگریز افسروں مارے گئے - انگریزاں نواب

بہاول پور دے نواب بہاول خاں تے سکھ افسراں دی مدد نال

ملتان تے ڈیرہ غازیخان وتج بغاوت دہائی - جدوں رنجیت سنگھ

دی رنڈ رانی بنواں نوں انگریزاں دیس نکالا دتا تاں سکھ اک

واری پھر پھر گئے۔ پھر ملتان تے پشاور اندر بغاوت ہوئی۔ سکھاں
افغانستان دے امیر دوست محمد نوں حملہ کرن لئی آکھیا کہ اوہ پشاور
تائیں قبضہ کر کے اپنی سرکار نال جوڑ لوے۔ دوست محمد ابنے کیتا
تے انگریزاں نوں اٹک دے قلعے وچوں وی باہر کڈھ دتا۔

ملتان اُتے ۷ ستمبر ۱۸۴۸ء نوں انگریزاں دوجی وار ہتہ ہويا۔
شہر نوں گھیریا تے اخیر ۲۲ جنوری ۱۸۴۹ء نوں ملتان فتح کر لیا۔ پھر
لاٹھی وزیر آباد دے لاگے رسول نگر وچ ہوئی۔ سکھ تے انگریز برابر
رہے پر سکھ ہتھیانہ ہٹ کے دریائے جہلم دے لاگے جا لگے
جیتھے ضلع گجرات اندر چیلیانوار وچ ایہناں دی ڈاہڑی جنگ ہوئی۔
دوواں دھراں دا بڑا نقصان ہويا۔

لیتھے سکھاں دے اک وڈے جرنیل الہی بخش کوں وی
ہتھیار سٹوٹے گئے۔ شیر سنگھ بچ گیا۔ اُس گجرات کوں چٹھاں پار
کر کے لاہور جانا چاہی کہ انگریزاں تار لیا تے اونہوں چٹھاں
تے گجرات شہر دے وچکار ڈک لیا تے زوردار حملہ کیتا۔

۱۷ فروری ۱۸۴۹ء نوں سکھاں تے انگریزاں وچکار ایہ اخیر
جنگ سی۔ انگریز چھا گئے۔ اونہاں رنجیت سنگھ دے پتر دلیپ سنگھ
نوں لندن بھیج دتا۔ پنجاب تے سرحد ابنے ای انگریزاں تھلے آ
گئے تے انج ای ہندوستان دا حقہ بن گئے۔ ریاست جموں و کشمیر
انگریزاں ڈوگریاں ہتھ وچ دتی۔

۱۸۴۹ء توں ۱۸۵۷ء تک دے ست ورھے پنجاب لئی بڑے
جراں پھوں اند چین لے کے آئے سن۔ پنجاب دے پھٹاں نوں

مرہاں نال پُوریا جا رہیا سی - پنجابی مسلمان اک پاسیوں سکھاں دی
 افراتفری تے ظلم توں آزاد ہوئے - اوہناں نوں پہلاں وی نال اہل
 حکمراناں پاروں ایہہ ون وی دیکھنے پئے - افغان حکمراناں دیاں
 چڑھائیاں اوہناں دا کک توڑ دتا - ایسے پاروں پنجاب اندر اک
 اکھان بڑا مشہور اے -

کھادا پیتا لاہے دا ، باقی احمد شاہی دا

مسلمان ہون دے باوجود افغاناں پنجاب دے مسلماناں نال دھرو
 کیتا - ایس پاروں پنجاب دے مسلماناں لئی ایس توں دکھ ہور کوئی راہ
 نہیں سی کہ اوہ انگریز نوں حاکم من لیندے - جیویں ۱۸۵۷ء توں پہلاں
 باقی سارا ہندوستان انگریز دی غلامی وِچ آ گیا سی تے انگریز نوں حاکم
 من یا گیا سی - انگریزاں پنجاب نوں گنگا جمن تے برہم پسترا دی
 وادی وچوں بھرتی کیتی گئی فوج دی مدد نال فتح کیتا سی - ایس
 واسطے پنجاب دے مسلماناں تے پنجابیاں دے دلاں وِچ انگریز نال
 آئے دیسی (ہندو مسلمان) افسراں تے لوکاں نال کوئی پیار نہیں سی -
 فیروہی مسلماناں نوں اپنی کھسی حکومت یاد ضرور آوندی سی - پنجاب
 وِچ انبار ڈوئین وی شامل ہو گئی تے دتی وی -

مئی ۱۸۵۷ء وِچ انگریزاں دے خلاف جنگ آزادی شروع ہو گئی
 پنجابی بھادیں اک سو ورھے توں بڑے پریشان لگے آوندے سن -
 پھیر وی پنجاب اندر قائم انگریز چھاؤنیاں اندر انگریزاں دے خلاف
 کارروائی ہون لگ پئی یا ہلچل ہوئی - اک پنجاب انگریزاں دی
 مدد کر رہیا سی - ایہہ پنجاب وڈے وڈے لوکاں دا (ہندوواں)

سکھاں تے مسلماناں دا پنجاب سی ۔ ایہہ انگریزاں دے وفادار سن ۔
 ایس وفاداری پاروں اوہناں جاگیراں ، مربے تے نوکریاں کھیاں ۔
 دوجے پاسے غریب پنجاب سی ۔ ۱۸۵۷ء دی جنگ وچ پنجاب
 دے سکھاں تے ہندوواں انگریزاں دا ساتھ دتا تے انگریزاں اوہناں
 دی ای سرپرستی شروع کیتی سی ۔ ۷۷ دے دے کے مسلماناں دا اک
 دھڑا انگریزاں دے خلاف سی تے اوہو انگریزاں دے خلاف لڑیا ۔

میرٹھ ، دلی تے انبارہ وچ جنگ آزادی شروع ہون مگروں میان میر
 لاہور وچ انگریزاں نوں دیسی سپاہیاں توں دھڑکا لگا ۔ انگریز افسراں
 نوں ہتھیار بند رہن دا حکم ہویا ۔ دیسی فوج نوں پریڈ وچ بلایا گیا
 تے اوہناں توں ہتھیار رکھوائے گئے ۔ ۱۳ مئی نوں ایہناں نہتے ترے
 ہرزہ فوجیاں نوں بیرکان وچ تار دتا ۔ ایس لئی پٹی خفیہ راہیں پتہ
 لگا سی کہ ایہہ سپاہی بغاوت کرن والے سن ۔ پنجاب دیاں چھاوٹیاں
 اندر جنگ اک ہفتے منصوبے مطابق ہون والی سی ۔ پر کسے طرح
 انگریز نوں سوہ لگ گئی ۔ ایس کارن کئیاں چھاوٹیاں اندر معاملہ وگڑ گیا ۔
 جس دن لاہور اندر دیسی سپاہیاں نوں نہتا کیتا گیا اوس دن
 دیگر ویلے فیروز پور چھاوٹی وچ گڑ بڑ ہوئی ۔ پیادہ دیسی فوج نے
 گورد بارود قابو کرن دا جیلہ کیتا پر انگریز فوجیاں ویلے سر تیاری
 کر کے دیسی سپاہیاں دی اک نہ چلن دتی ۔ دیسی فوجی چھاوٹی توں
 نکل کے شہر وچ آ گئے ۔ لٹ مار کیتی ، کچھ شہری جائیداد ساٹی
 ایہناں دچوں کچھ پھڑے گئے ۔ کچھ مارے گئے ۔ کچھ قسورے جیہے
 دہلی پہنچ گئے ۔ لاہور توں فرار ہون والیاں نال ایہناں دا

ملاپ جاندر وِچ ہویا ۔ ایہہ پھلور ول گئے تے ادھنوں ہور
ساقیاں نال جل کے دتی ول چلے گئے ۔

لہبیاں شہر اندر انگریزاں دے خلاف جذبہ بولتا سی ۔ ایہتھے
انگریز دی حاکی نوں چاٹھی دے توں ودھ ہو گئے سن ۔ لوکاں
ایہتھے انگریزاں دے خلاف جلسہ جلوس دا وی انتظام شروع کر
دتا پر انگریز افسراں چھیتی ای صورت سانجھ لئی تے لوک بے وس
ہو گئے ۔

طمان اندر وی دیسی فوج دے رنگ ڈھنگ دیکھ کے انگریز
ڈر گیا ۔ اوس اک رجمنٹ کولوں ہتھیار سٹا لے پر دوجی رجمنٹ
رولا پا دتا پر گل سرے نہ چڑھ سکی تے انگریزاں تترت
ای ایہناں نوں قابو کر لیا ۔

سیالکوٹ چھاوٹی اندر دیسی سپاہیاں جولائی دے مہینے انگریزاں
دے خلاف بڑا زور دا ہلا ماریا ۔ سارے انگریز افسراں مجبور ہو کے
قلعے اندر ٹھہر لہتی ۔ ایہتھے صوبیدار رحمت خاں مجاہداں دا سرخیل
سی جو فاضلکا (فیروز پور پنجاب) دا رہن والا پٹھان سی ۔ دتی
دا مشہور جرنیل سخت خاں اوہڑا پتھریریسی ۔ ایہناں دیسی سپاہیاں
کئی انگریز افسراں نوں مُکا دتا ۔ ایہناں دیاں قبریں اج وی
سیالکوٹ دے قلعے تھلے موجود ہن ۔ رحمت خاں جدوں راہ صاف
دیکھنی اوہنے شکر گڑھ راہیں راوی دریا پار کر کے دتی ول جاوٹ
دا پروگرام بنایا ۔ جیہناں دیسی سپاہیاں جہلم دی چھاوٹی اندر نابری
کیتی اوہ وی سیالکوٹ والیاں نال آک رلے سن پر انگریزاں سمجھ

کچھ بھال یا ، انگریزاں ، سکھان ، دوسری دیسی وفادار فوج تے مقامی
 وڈیریاں دی مدد نال ایہناں مجاہدان نوں داوی دے کنڈھے اُتے
 گھیریا ۔ اک دیہاڑے بڑی زور دی لڑائی ہوئی ۔ انگریزاں نوں کُتھے
 علاقیاں ووں سُکھ سنبھال گیا سی ۔ ایس لئی اوہناں بوہتی فوج داوی
 دے کنڈھے لے آندی ۔ ایہ اوہ تھاں ہے جتھے ۱۹۴۷ء وِج
 آزادی مگروں منرب پنجاب آوٹ والے مسلمان مجاہدان دی وڈی
 وڈھ ٹمک ہوئی تے ایتھے ہی ۱۸۵۷ء وِج مسلمان مجاہدان دا
 خون ایس دھرتی تے ایس پانی نوں رنگ گیا ۔ انگریز دی جت
 ہوئی تے ویکھیں وِج پنجاب اندر امن قائم ہو گیا ۔ پر اوہیں دُنی
 مری (راولپنڈی) وِج انگریزاں دے خلاف جھکڑ جھل پیا ۔ پر
 ضلع ساہیوال (سابق منٹگمری) دا ایہ کم تاں اچھا ہے جس اُتے
 نہ صرف ہر پنجابی بلکہ ہر غیر پنجابی وی فخر کرے گا ۔ ایس قصبے
 توں ایہ دی بھال ہو جاندی ہے کہ پنجاب دیاں مسلماناں انگریز
 نوں اپنی آسانی نال قبول نہیں سی کیتا ۔

جدوں انگریز دے خلاف جنگ آزادی دیاں خبراں ساہیوال وِج
 اپڑیاں اوس ویلے ضلع کچھری گوگیرہ وِج ہونیدی سی ، اودوں
 داوی دے دُوبے کنڈھے (ضلع لائل پور تے ٹوبہ ٹیک سنگھ)
 دے وشنیک سردار احمد خان کھل نے لوکاں نوں انگریزاں دے
 خلاف جنگ کرن لئی ونگارنا شروع کیتا ۔ اوہنے ستلج دے
 کنڈھے وسدے قبیلیاں نوں وی رلن لئی آکھیا پر اوہ نہ کوئے ۔
 انگریز ڈپٹی کمشنر ، احمد خان کھل دیاں کاربیاں اُتے نظر رکھنی شروع

کر دتی ، رضا کار پولیس دی بھرتی شروع کیتی ۔ دو سیکھ وڈیریاں
 بابا کھیم سنگھ تے سمپورن سنگھ انگریزاں نوں لڑن لئی جتھے دیتے ۔
 احمد خاں کھل وی اندو اندری لڑائی دی تیاری کردا رہیا ۔ دلی
 تے پنجاب اندر انگریز گڑھیاں پیٹر نجاسی ۔ احمد خاں کھل پھر
 وی تیاری کردا رہیا ۔ اوہنے بہاولپور دے نواب نوں وی مدد
 لئی آکھیا پر اوتھوں کوئی جواب نہ آیا ۔

۱۸۵۷ء — احمد خاں کھرل

شاموں دھیرے کا آگرے دی جیل توں نٹھا
اوہ گھر بچھدا رائے نٹھو دے احمد خان دا
اس ویا آن سٹایا مارے بندوستان دا

رائے احمد گھل کے بیرو، کاٹھیے، ویہنی وال، ماہنی سیال
بگھیے، دٹو، کھرل، بیوس کول بٹلا

انگریز برکے آہندا ہے : رائے احمد دیویں گھوڑیاں
تیری لندنوں بکھ لیاوساں نیک نامیاں
رائے احمد آہندا ہے : رتاں، جھوٹے گھوڑیاں
ونڈ کے نہ دتیاں

ہونڈیاں بٹ دے وچ ساہ سلامی

پڑھدے رائے نوں پرھیں پیاں، ٹھکینڈیاں،
متھا پیا لیناں این نال سرکار دے

ایہناں انگریزاں اگے راجے رنجیت سنگھ نوں تختوں لاء یو ای
مولراج رنگے وی دھکے گئے، خزانے لیا نیں کھوہ انعام دا

احمد خاں شہید ہویا تاں سر پنجاب دے نوں برطانیہ چا گھتیا لے بٹھ

برکلی آکھے : اساں داخاں دے دتے مونہہ کر دیا لے
اُتے کیتی چڑھ سواری

ایہ گل سن کے گڑھ آیاں فٹیاں تھاپی ڈھول تے ماری
تے مڑنیمینوں کڈھ برکلی نوں سیٹوس
جیویں مٹ وچوں پھھا لیندا جھول للاری

آخر ۸ جولائی ۱۸۵۷ء نوں پاک پتن دے اک پنڈ لکھنؤ توں
جنگ آزادی شروع ہوئی۔ جو یہ قبیلہ حکومت نوں معاملہ دیون توں
عاقی ہو گیا۔ سرکار اوہناں نوں قید کر کے گوگیر جیل وچ تار دتا۔
۲۴ جولائی نوں احمد خاں کھل گوگیر جیل ای توڑ دتی تے بندیاں
نوں چھڑا دیا۔ ہُن اک پاسے سرکار دی پڑیس تے فوج تے دھبے
پاسے احمد خاں کھل تے اوہدے ساتھی۔ انج لڑائی شروع ہو
پئی۔ ایس لڑائی وچ پنجاہ توں ودھ بندے مارے گئے۔ احمد خاں
نواں جیلہ کرن لئی غائب ہو گیا۔ ایس ویلے انگریزاں دیسی سرداراں
نوں بلا کے آکھیا پئی اوہ بناں اجازت گھروں باہر نہیں نکل سکے۔
۱۷ ستمبر نوں کمالیہ اندر سارے سرکاری سرداراں دا اکٹھ رکھیا

گیا۔ کما یہ اوس زمانے ضلع گوگیرہ (ساہیوال) نال تجڑیا ہو یا سی ۔
 احمد خاں کھل نے سبناں سرداراں نوں غیرت دوائی تے آکھیا تاں
 جلسے دا ہائیکاٹ کرنا اے ۔ جلسے دا ہائیکاٹ ہو گیا ۔ جو سردار
 کماہیے اپڑ گئے سن اوہ راتو راتیں نکل گئے تے اپنے اپنے
 علاقے وِج جا کے لوکاں نوں انگریزاں دے خلاف اٹھ کھلوون
 دا ہوکا دیندے رہے ۔ احمد خاں کھل بارے کماہیے دے سردار
 سرفراز خاں کھل انگریزاں نوں ساری خبر اپڑا دتی ۔ سرفراز خاں تے
 احمد خاں دے قبیلیاں وِج پراٹا ویر وی لگا آوندا سی ۔
 ۱۰ ستمبر نوں ڈپٹی کمشنر گوگیرہ نے ملتان دے کمشنر تے ہڑپہ
 تحصیل دے اسسٹنٹ کمشنر نوں اطلاع دتی تے اگلے دیہاڑے برکے
 نوں گھوڑ سوار دستیاں نال احمد خاں نوں پھڑن اُتے منج دتا ۔
 ڈپٹی کمشنر داسنیہا جو بندہ لے کے ہڑپہ ول تڑیا اونہوں محکمہ پورہ
 وِج سرداراں روک لیا ۔ دو بجے پاسے احمد خاں کھل نے برکے
 نوں کسنیہا بھیجا پئی اوہ دتی دے بادشاہ شاہ ظفر دا وفادار اے
 تے انگریزاں دی غلامی نہیں بندھا سکدا ۔ اوس کے احمد خاں نال
 بڑے لاک سی ۔ برکے بے دتا ہو کے گوگیرے اپڑیا ۔ ڈپٹی کمشنر
 نے ضلع دفتر تے خزانہ تحصیل ول بھیجا ۔ جیل دے قیدی اک
 نال دی سراں وِج بند کیتے تے برکے دے نال آپنی احمد خاں کھل
 دے پنڈ جھامرے اُتے چڑھ آیا ۔ احمد خاں اوتھے نہیں سی ۔
 جھامرہ نوں ساڑن دا حکم ہو یا ۔ لوکیں پنڈوں نکلے ۔ ویہ بندے
 پھڑے گئے تے ست سو ڈنگر دی انگریز اپنے نال لے گیا ۔

۱۹ ستمبر نوں احمد خاں کھل دے پچھتے انگریز فوجی افسر جی جیسپر دے تھتے سکھ بٹالین لاہوروں گوگیرے پہنچ گئی۔ ۲۰ ستمبر نوں اوہنوں راوی ول بھیجا گیا۔ احمد خاں اوہے دن وٹواں نال دل کے دریا پار کیتا تاں جو گوگیرہ اُتے حملہ کر سکے۔ ایس ویلے گوگیرہ وچ انگریز فوج دیاں چار کمپنیاں تے اک بٹالین ہے سی۔ احمد خاں نے ساتھیاں دے مشورے پاروں ہتھ بولن اگے پا دتا تے فتح پور دے جنگل وچ اڈیکن لگ پیا۔

۲۰ ستمبر نوں ڈپٹی کمشنر نوں پتہ لگا پئی احمد خاں جنگل وچ ڈیرہ لائی بیٹھا اے۔ انگریز فوج نے اک کیپٹن تے اک لیفٹیننٹ تھتے جنگل اُتے حملہ کیتا۔ احمد خاں نے حملے دا جواب دتا۔ انگریز فوج دے ویہ سپاہی مارے گئے۔ ایہدروں احمد خاں کھل تے اوہا دوجا ساتھی سازنگ وی مارے گئے۔ سرکاری مخبراں نوں وی قتل کیتا گیا۔ ایس اُتے اسسٹنٹ کمشنر برکلی نے سٹھ فوجیاں دے نال نقتیانہ، دھرانہ تے مردانہ سیالاں دے ویہ بندے مار دتے۔ اسسٹنٹ کمشنر برکلی اگلے دیہاڑے راوی دے کندھے کندھے محمد پور ول جا رہیا سی تاں جے نابراں نوں مکا دیوے — پر کوڑے شاہ دے لاگے مجاہداں نال دست پنجا ہو گیا۔ ایہتھے برکلی وی ماریا گیا تے پنجاہ فوجی وی مارے گئے۔ برکلی نوں مراد ولد دیل نقتیانہ برہی مار کے پار لنگھا دتا۔ ایس مگروں انگریزاں پھر بڑے زور نال حملہ کیتا۔ پنڈاں اُتے توپاں دے مونہہ کھول دتے۔ نقتیانہ، مردانہ، بھگیدا، ویہٹی وال، کھل تے وٹو

قبیلیاں دے بندے چُن چُن کے مارے - ۴ اکتوبر تائیں اٹھے
 واہ مارا ماری ہوئی - مگروں سینکڑیاں نوں ضلع بدر کیتا ، کالے پانی
 بھیجا گیا۔ پور سبھ سزاواں وچوں کوئی وی نہ چھڈی — افسوس والی گل
 ایہہ ہے کہ اسسٹنٹ کمشنر برکھے دی قبرتاں گوگیرہ وچ موجود ہے
 پر فیصل آباد تے ساہیوال دے شہیداں وچوں بہتیاں دیاں نہ قبراں
 رہیاں نہیں نہ اسی اوہناں دی یاد وچ کوئی مینار بنایا گیا اے۔
 اک نیکی جتنی یادگار ساہیوال وچ بنائی گئی ہے ۔

پر ساہیوال تے فیصل آباد دے احمد خاں کھل تے مراد نقیثہ
 بارے پنجابی وچ اینے لوک گیت (ڈھولے) نیں کہ پنجاب دی
 تاریخ دے کسے ہیرو دے ایڈے سوہنے گیت نہیں لکھے گئے ۔

پنجابی تے غیر پنجابی

۱۸۵۷ء تے اوس توں پہلوں دی واپری نے پنجاب دے مسلماناں دی پاٹدار آواز نوں نرم بنا دتا۔ اوہناں دیاں گردناں وچ انگریز ہنگالی تے پوربی فوج دے پھاہے ای نہیں سن۔ انگریز نے جو نوکر شاہی بنائی سی اوہدے پاروں ای گنگا جمنہ وادی دے ہندوستانیوں نوں پنجاب دا رنگا حاکم بنن دا موقع بھہ گیا۔ ڈویژن اندر صورت رائج سی۔

فوج

پوربی، ہنگالی، ہندوستانی

انگریز

۷,۲۵۰

۲,۵۵۶

سول

پنجابی	ہندوستانی	کل	نمبر عہدہ
۱	۵	۶	۱۔ ایکسٹرا سٹنٹ کلکٹر
۹	۱۰	۱۹	۲۔ تحصیلدار
۲۷	۲۰	۴۷	۳۔ کوٹوال، تھانیدار

نمبر	عہدہ	کل	ہندوستانی	پنجابی
۴	تحصیل، تھانہ محتر		ادھے	ادھے
۵	سرشتہ دار ناظر، محتر، صد مقام		۶۰ فیصد	۴۰ فیصد

مقامی تے باہر لے دا جھگڑا کوئی معمولی گل نہیں ہوندی نہ اودوں معمولی سی نہ آج اے۔ پنجاب واسطے اوس ویلے وی ایہ مسئلہ اک چٹھا ہویا مسئلہ سی تے انگریزاں دے خلاف زور لاوٹ دا اک سبب ایہ وی سی۔

پورے پاکستان تے بھارت دیاں اسمبلیاں اند اودوں وی ایہ سوال کچھ جاندے سن تے آج وی کہتے جاندے نیں کہ کس محکمے اندر کتنے نوکر نیں تے اوہ کیہڑے کیہڑے علاقیاں تے قبیلے توں نیں۔ پنجاب اسمبلی جدوں بٹی تدوں توں ایہدے اند ایہ سوال ہوندے رہے۔ جمیوں جمیوں اپنے اپنے حق دی خبر ودھیری ہوئی اونویں اونویں ایہ سوال وی ودھدے گئے تے آزادی دی منزل نیڑے آون دے نال نال ایہناں سوالاں دی چال وی ترکھی ہو گئی۔ ۱۹۴۰ء وچ پنجاب دے سیکرٹریٹ دے محکمیاں اندر وڈے افسراں وچوں انگریزاں، غیر مسلماناں تے مسلماناں دی گنتی انج دسی گئی۔ —

نمبر	عہدہ	کل	انگریز	غیر مسلم	مسلم	مسلماناں دا فیصد حق
۱	سیکریٹری	۵	۲	۳	-	-
۲	ڈپٹی سیکریٹری	۱	۱	-	-	-

نمبر	عہدہ	کل	انگریز	غیر مسلم	مسلم	مسلمان فیصد حقہ
۳	اسسٹنٹ سیکرٹری	۱	-	۱	-	-
۴	انڈر سیکرٹری	۱	-	-	۱	۱۰۰
(ب)	بلدیات انڈر سیکرٹری	۲	-	۱	۱	۵۰
	ڈپٹی سیکرٹری قانون	۱	-	۱	-	-
(ج)	محکمہ تعمیر سیکرٹری	۱	۱	-	-	-
	انڈر سیکرٹری	۱	۱	-	-	-
	ایس ای	۱	-	۱	-	-
	اسسٹنٹ سیکرٹری	۱	-	۱	-	-
(د)	آپاشی اسٹنٹ سیکرٹری	۳	۲	-	-	-
	انڈر سیکرٹری	۵	۲	۲	۱	۲۰
	سپرنٹنڈنٹ	۲۷	۸	۱۴	۵	۱۸

جے پنجاب نوں انگریز راج دے شروع وچ دو جے صوبیاں
وچوں آندے افسراں تے کامیاں دا پھابا گل وچ پانا پیا تے
ہنن ایہہ اوکڑ آئی کہ پنجاب دیاں تیناں دھراں (مسلمان، ہندو تے سکھ)
دا نوکریاں وچ کیہ کیہ حقہ ہے۔ مسلماناں نوں اپنی ۵۶ فیصد آبادی
دے حسابوں گھٹ نوکریاں ملیاں تے ہندوواں تے سکھاں نوں
آبادی توں ودھ تے وڈیاں وڈیاں نوکریاں ملیاں (بھانویں
ایہدے وچ مسلماناں دا تقسیم پاروں رچھے رہن تے وڈے
وڈے زمیندار ہون دا سبب وی ہے) ۱۹۴۷ اند پنجاب پولیس
دی سی آئی ڈی دی برانچ وچ حساب کتاب رائج سی :-

نمبر	عہدہ	غیر مسلم	مسلم	مسلماناں دا فیصد حق
۱۔	ایس پی	۷	۱	۱۳
۲۔	ڈی ایس پی	۸	۳	۲۸
۳۔	انسپکٹر	۱۳	۷	۳۵
۴۔	سب انسپکٹر	۳۲	۲۱	۲۳
۵۔	اے ایس آئی	۳۰	۱۶	۳۵

ایس توں گویٹ لگ سکدا اے پئی انگریزاں دی نظروں غیر مسلم
کیہ سن تے مسلماناں دا تھاں کیہہ سی۔ مسلماناں دیاں سیاسی سرگرمیاں
بارے ایہہ سی آئی ڈی دا حکم کیہہ رپورٹاں بناوندا ہوتا ہے تے
اپنے مذہب والیاں نال کیہو جیہا سلوک کردا ہوتا اے۔ جدوں
۱۹۴۷ء وچ آزادی ملی، مسلمان تے غیر مسلمان ایس وچ ٹرپے۔
تدوں ایس محکمے دا نیاں کیہدے حق وچ ہویا ہووے گا۔

پنجاب دے مسلماناں اپنی آبادی چھونجا (۵۶) فیصدے حساب
نال اپنا حق منواون واسطے کیہہ کیہہ جتن لائے ہوئے نیں تے
کیہہ کیہہ آسے لیتے ہوئے سی۔ اوہناں وچوں اک تحریک ۱۹۲۹ء
وچ چلی۔ ایہہ ناں ای "چھونجا فیصد" تحریک سی۔ مطلب ایہہ سی
پئی پنجاب اندر مسلماناں نوں نوکریاں چھونجا فیصد ملنیاں چاہیداں
نیں۔ ایہہ تحریک ۱۹۲۹ء دے اخیر وچ اپن چیت ای اشتہاراں
داہیں ٹرپئی۔ چھونجا فیصد رضا کار تنظیم وی بنی۔ خاکی بند گلی دا
کوٹ، خاکی پتلون، سر آتے کھل دی خاکی ٹوپی اوہدے آتے
چھونجا فیصد دا بیج۔

ایہہ لہر سارے پنجاب اندر بڑی ترکھی ٹور ٹری۔ ہندوواں دیاں
 اکثر مذہبی جماعتاں خاص کر مہاسبھا، تے ہندو اخباراں دلوں راج
 کے مخالفت ہوئی۔ مسلماناں اندر وی کجھ حامی تے کجھ مخالف سن۔
 جو آپس وچ ای سنگد، پھسا لیندے ہوندے سن۔ ایس تحریک
 دا کجھ نہ کجھ اثر ضرور ہویا۔ اخیر ۱۹۳۵ء وچ پنجاب دے مسلماناں
 نوں قانون ساز اسمبلی اندر کجھ نہ کجھ حق مل گئے۔

پنجاب اندر مسلماناں تے غیر مسلماناں وچکار جو کجھ شروع ہوئی،
 اوہدا قصہ دکھ ہے۔ ۱۹۲۹ء دے لاگے ایس قصے دی اک کہانی
 علم دین دی شہادت وی اے جو ایس سال دے شروع وچ
 ای واپری۔ لاہور دے اک ہندو "راج پال" نے رسول کریم بائے
 اک کتاب بنائی تے چھاپی جیہدا ناں سی "رنگیلا رسول"۔ راج پال
 نوں مذہب دا بڑا ای جنون سی، ایہنے آریا سماجی تنظیم دا لڑ
 پھڑیا ہویا سی، جیہدا اکھٹا سی کہ وادی سندھ توں غیر آریا لوکاں
 (یعنی مسلماناں) توں پاک ہونا چاہیدا اے۔ ایس راج پال نے
 ایس زمانے وچ رسول دے ناں جھوٹیاں سچیاں لا کے مسلماناں
 نوں ای تاء دوايا۔ مسلماناں نوں بڑا دکھ سی۔ عام عدالت وچ
 مقدمہ چلیا۔ مجسٹریٹ نے معمولی سزا سنائی دی۔ مسلماناں نوں تسلی
 نہ ہوئی۔ معاملہ ہائی کورٹ وچ ٹر گیا۔ ہائی کورٹ دے اک سیکھ
 نج اپنے فیصلے وچ لکھیا کہ ایہ کتاب لکھنا تے چھاپنا کوئی جرم
 نہیں۔ راج پال نوں سزا نہ دی جاوے۔ ایس فیصلے آتے سارے
 صوبے بلکہ برصغیر دے مسلمان ویہر پئے۔ راج پال نے کتاب

و پچنی شروع کر دتی جتھوں مسلماناں نوں ہور کوڑ چڑھی ۔

لاہور دے محکمہ منہج، دا اک غریب مزدور قسم دا جوان علم دین راج پال دی ایس زیادتی نوں نہ جُڑ سکیا ۔ اوہنوں لگا کہ نہ انگریز حکومت تے نہ ہی غیر مسلم جج ایس معاملے وِچ انصاف کر سکداے ۔ اوہنے سوچیا قانون اپنے ہتھ وِچ کرو ۔ علم دین نے ۱۹۲۹ء نوں راج پال دی ہتھی وِچ وڑ کے اوہنوں خنجر مار کے کم پورا کر دتا تے آپنی گرفتاری دے دتی ۔ من وی لیا کہ قتل میں کیتا ہے ۔

عدالت وِچ علم دین اُتے مقدمہ چلیا ۔ جدوں ملزم آپنی اقبالی ہورے اودوں سزا توں بچنا محال اے ۔ جد تک مقدمہ چلدا رہیا مسلماناں تے غیر مسلماناں اندر کھیہہ بکھیہہ رہی ۔ عدالتاں علم دین نوں موت دی سزا سنائی ۔ علم دین اوہنوں سر میتھے اُتے رکھیا ۔ پنجاب دے لیڈراں علامہ اقبال تے سر محمد شفیع، علم دین نوں بچاؤں دا بڑا مل لایا ۔ آخر ادھناں محمد علی جناح (اودوں قائد اعظم نہیں سن بٹے) نوں لاہور ہائی کورٹ اندر علم دین دی وکالت کرن دا آکھیا ۔ اوہناں علم دین دا مقدمہ لڑیا پر ہے اوہ وی بے وس سن ۔ علم دین ہرجا راج پال دے قتل دا اقرار کر لیندا ۔ ایس موقعے اُتے جناح صاحب لاہور دے مسلماناں ساہمنے شاہی مسجد اندر تقریر وی کیتی ۔

علم دین دی سزا گھٹ نہیں ہوئی ۔

کوئی کہے سر شفیع نوں کریے ہے اوہ بوہت سیانا بعضے کہن اقبال وے ہن اچلو چلیے سارے پر محمد علی جناح دی بوہتیاں صفت سنائی

ایسے شاعر فضل کریم دسیا کہ —

جدوں شہید دی شان دے اندر قہقہے کئی ہزاراں
شاعراں نے سی شائع کیتے سوہیاں فتح اشعاراں
ایس مگروں مسلماناں اندر اک پاسے انگریزاں نال ویر ودھن لگا
تے دوجے پاسے ہندوواں دا کروہ ودھیا۔ ڈر سی پٹی مسلمان
کوئی تہا ای ریپٹر نہ پا دیون۔ علم دین نوں میانوالی جیل بھیجا گیا،
اوہتھے پھانسی دتی۔ سرکار اوہنوں پولے پیریں لاہور لیا کے
دفن کرنا چاہندی سی پر مسلماناں نوں خبر ہو گئی۔ لاہور دے مسلمان
اک بن گئے سن۔ اوہناں علم دین دی لاش حکومت توں لین دا
پک کر لیا سی۔ سرکار ڈر دی سی لاش دین مگروں کوئی وڈا کارا
نہ ہو جائے۔ آخر علامہ اقبال، سر محمد شفیع تے دوجے وڈے
مسلمان لیڈر آپ گورنر کول گئے تے یقین دوا یا پٹی علم دین دی
لاش دے دیو۔ مسلمان کوئی ہنگام نہیں کرن گے تے سچھے طریقے
نال ایہنوں دفنا دتا جاوے گا۔ — بھانویں علم دین ورگا جنازہ
لاہور شہر گھٹ ای ویکھیا ہے۔ ایڈی خلقت تے تپی ہوئی
خلقت، فساد فیروہی نہیں ہویا۔ دلاں فتح دیا ایہ جذبہ ۱۹۴۷
دی ونڈ دی صورت فتح ساہنٹے آیا۔ علم دین دی شہادت مگروں
اک سال اندر ای علامہ اقبال الہ آباد وچ مسلم لیگ دے سالانہ
جلسہ اندر اک وکھ مسلم ملک دی گل چلائی (ایسے خطبہ ہائے آکھیا
جائدا ہے کہ علامہ اقبال ایس اندر ای پاکستان دا تصور دتا سی)۔

مسلمان، ہندوتے سکھ

پنجاب نوں ۱۸۵۷ء مگروں دو بلکہ تین طرح دی لڑائی لڑنی پئی۔ اک پورے پنجاب دے حقاں تے آزادی دی لڑائی۔ ایس لڑائی اندر مسلمان، ہندو، سکھ فرق ہون دے باوجود اکٹھے سن۔ دوجی لڑائی پنجاب دے مسلماناں نے اپنے حقاں تے برصغیر دے دوجے صوبیاں دے مسلماناں دے حقاں دی سی، تے اک تیسری لڑائی سی دنیا بھر دے مسلماناں دیاں اوکڑاں دی۔ پنجاب دا ہندو سکھ فلسطین، ایران، مصر یا ترکی دے مسلماناں نال دکھاوے دی بھردی کر سکدا سی پر جدوں ملک دے اندر اوہناں دامقابل مسلماناں نال سی اوہ دنیا دے دوجے مسلماناں بارے خیر دا جذبہ کیری رکھ سکدے سن۔ راج مسلماناں نوں بڑی پیچ دار لڑائی لڑنی پیندی سی۔ پھر وی اوہ پنجاب دے حقاں خاطر ہندوواں سکھاں نال نل کے جڈھ کر رہے سن۔ پنجاب دے حقاں نوں تاں انگریز نے شروع دن توں دُب کے رکھیا سی۔ پنجاب نال انگریز دی بدسلوکی دا اک قصہ تاں ایہ ہے کہ ۱۸۵۷ء توں لے کے ۱۹۰۹ء تاں جدوں جنگ آزادی نوں مکیاں دی بونجا (۵۲) ورھے گذر گئے سن

دو بے صوبیاں دے مقابلے اُتے پنجاب دے گناہ صاف نہیں سن
 کیتے گئے۔ ۱۹۰۹ وِچ وکھ وکھ صوبیاں نوں اپنی اپنی اسمبلی اندر
 جتنی نمائندگی دتی گئی اوہدے وِچ پنجاب نال ودھیکی لگی رہی۔
 ایس دا حساب تھتے والے نقشہ توں صیح ہو جاندا اے۔

چون نمائندگی فی صد

صوبہ	
بنگال	۵۳
بمبئی	۴۸
مدراس	۴۸
یوپی	۴۲
سی پی	۳۰
آسام	۳۰
پنجاب	۱۹

مرکزی قانون ساز اسمبلی وِچ وی دو بے صوبیاں دے بہتے
 ممبر آوندے۔ ہود تے ہود آسام تے سی پی ورگے چھوٹے صوبیاں
 راجہ گورنر دی تھاں چیف کمشنر دے صوبے اکھواندے سن اوچوں
 وی ممبر چونناں راہیں آوندے سن پر پنجاب ولوں سرکار ممبر متھ
 (نامزد کر کے) بھیجی تے چونناں راہیں بڑے ای گھٹ ممبر جاندے۔
 ایہہ دو بے صوبیاں دے مقابلے پنجاب دے بُرے لیکھاں یا
 حاکماں دی ودھیکی والی گل سی۔

غیر مسلماناں دے مقابلے اُتے مسلماناں دے بھیڑے نصیباں
 دی اک ہود گل دی ویکھ لوو۔ ۱۸۸۲ اندر سارے برصغیر اندر

کمیٹیاں دیاں چوٹیاں ہوئیاں ۔ ووٹ وی ہندو مسلماناں اندر سانجھے
تے امیدوار وی سلبجھے ، جیہنوں مخلوط چوٹ آکھیدا اے ۔ ایہناں چوٹیاں
اندر مسلماناں نوں چنگیاں سٹیاں لبھیاں ۔ ہندو پیسے تے تعلیم دے
زور تے انگریز دی مدد نال اپنے بہتے گنتی والے صوبیاں اندر
ای نہیں اوہناں صوبیاں اندر وی مسلماناں نوں رتچتے چھڈ گیا جتھے
مسلماناں دی گنتی وادھو سی ۔ اوہنیں دینیں سرسید جیوندے سن ۔
اوہناں ایہ کجھ ویکھ کے سانجھیاں چوٹیاں دی مخالفت شروع کر دی ۔
سرسید توں ہندوواں نوں پہلاں وی گئے شکوے سن ۔ ۱۸۶۷ء اندر
بنارس وچ ہندوواں دا اک جلسہ ہویا جس اندر متا پکیا کہ ہندی
نوں سک دی سرکاری تے تعلیمی زبان بنایا جاوے ۔ لکھن دا ڈھنگ
دیوناگری ہووے ، فارسی ، اردو نوں نصابوں باہر کڈھیا جاوے ۔
اس موقعے اُتے سرسید لکھیا ۔

” یہ پہلا موقع تھا جب مجھے یقین ہو گیا کہ اب ہندو مسلمانوں
کا بطور ایک قوم چلنا اور دونوں کو ملانے کی کوشش کرنا محال
ہو گیا ہے ۔“

۱۸۸۲ء دیاں چوٹیاں وچ جدوں مسلمان اپنے جائز حقائق توں
واہجے گئے تے انگریزاں دی لاگو کیتی سکیم تے ہندوواں دے
زور تعلیم تے جوڑ توڑ پاروں رتچتے رہ گئے تہہ دا نماندگی یا
جھٹے دا مذہبی روپ پھر گیا سی ۔ ۱۸۸۵ء اندر کانگریس بنی ۔ اوہ
۱۹۴۷ء تائیں سانجھیاں چوٹیاں دا ہوکا دیدی رہی ۔ ۱۹۰۶ء توں مسلم لیگ
بنی ۔ اوہنے مسلماناں دا حصہ وکھ کرن تے مسلمان ووٹاں وٹوں

مسلمان ممبراں دی چون دی منگ کیتی ۔ ایہ اوہ زمانہ سی جدوں
 محمد علی جناح تے علامہ اقبال دی چڑھدی جوانی سی ر جناح صاحب
 جس سال ۱۸۷۶ء تے علامہ اقبال دا ۱۸۷۷ء سی بمبئی ایہ پٹی
 اوہناں نوں جدوں سیاسی ہوشن آیا تاں اوہناں ایہ ویکھیا پٹی
 چوناں اندر مسلماناں نوں اوہناں دا بڑا سردا حقہ نہیں ملدا تے
 مسلماناں تے ہندوواں وچ اصل کھج دھرو ایسے گل توں ہو رہی لے۔
 برصغیر اندر جتھے جتھے ہندو بوہتے سن ۔ اوتھے اوتھے اوہ
 مسلماناں اُتے لڈوز پھیر دے رہے ۔ مسلمان گھٹ ہوندے ۔ ایس
 کر کے یا اکتا ای چپ رہندے یا بوہتا رولا پاندے ۔ مغلوط انتخاب
 یعنی سانجھیاں چوناں دے خلاف سمجھ توں ودھ رولا گنگا جمن وادی
 دے مسلماناں پایا یا پھر بمبئی والے پاسے ۔ اوہناں سانجھیاں چوناں
 دے خلاف کم کرنا شروع کر دتا ۔ جتھے مسلمان تے ہندو برابر
 برابر سن یا مسلمان کج زیادہ تے ہندو کج گھٹ سن ۔ اوتھے ایہ
 باہر رولا گھٹ پیا پر اندروں کھڑبا کھڑبی ودھدی گئی ۔ جتھے
 مسلمان بوہتی گنتی وچ سن بیویں سرحد تے سندھ ایٹھے مسلماناں
 کولوں تھوڑا بہت کھس وی جاندا تاں اوہناں نوں ہرکھ نہ ہندا،
 اوہ ہے ای ایڈی گنتی وچ سن ۔ رنج اوہناں دا کوئی وڈا
 نقصان نہیں ہندا سی ۔

پنجاب دے حال دا تھوہ ۱۹۱۲ء اندر چوٹیاں میونسپل
 کمیٹی دیاں چوناں توں الگ سکدا ہے ۔ چوٹیاں وچ مسلمان
 ووٹاں ادھیاں توں ودھ سن ۔ اٹھ ممبراں دی چون ہوئی سی ۔

مقابلہ ہوا تے اک مسلمان تے باقی ست غیر مسلمان چُنے گئے۔ کمیٹی دے کل بارہ ممبر سن۔ اُٹھے چُنے تے ترے اپنے سرکاری رُتبے پاروں تے اک، سرکار ولوں نامزد۔ سرکاری عہدے سن ایس ڈی او، تحصیلدار تے ڈاکٹر، ایہہ تینوں غیر مسلم سن۔ راج مسلماناں دی بھاری آبادی والے شہر چوئیاں دی کمیٹی اندر بارہاں ممبر غیر مسلم تے اک ممبر مسلمان سی۔

مسلماناں زور شور نال نوکیلیاں چوئیاں (جداگانہ انتخاب) دے طریقے دی منگ شروع کیتی۔ کانگریس ایہہ اُلٹ ساںجھے یا مخلوط طریقے اُتے زور دیندی رہی۔ کانگریس تے مسلم لیگ اندر بھنڈی وی ایتھوں ای پئی۔ دُوبے بنے کانگریس انگریز توں آزاد ہون دا نعرہ وی لاوٹ گ۔ پئی۔ ایس پاروں انگریز نال نفرت کرن والے مسلمان کانگریس وِج سن۔ مشہور لوکاں وچوں مولانا محمد علی جوہر، مولانا شوکت، مولانا حسرت موہانی، پنجاب دے مولوی غلام محی الدین قصوری، محمد علی جناح ایہہ سارے کانگریس وِج سن۔ دوہاں دھراں نوں اک یک کرن دیاں بڑیاں کوششیاں ہوئیاں پر ایہہ دنو دن اک دُوبے توں دُور ہون لگ پئیاں۔ قائد اعظم ایہہ فرق گھٹ کرن لئی کانگریس دے نال نال مسلم لیگ دے وی ممبر بن گئے۔ اوہ اک ویٹ وِج دوہاں پارٹیاں دے آگوسن۔ اوہ اینہاں دناں وِج بمبئی توں مرکزی اسمبلی دے ممبر سن۔ اوہناں دوواں جماعتاں دا لکھنؤ اندر اک جلسہ کرایا۔ دوواں وِج وچار وٹاندا ہویا۔ اک سمجھوتہ ہویا۔ کانگریس نے مسلماناں

لٹی وکھ چوٹاں دی گل من لٹی - ایہہ قائدِ اعظم دی ودی جت
 سی - مسلماناں لٹی وکھ چوٹاں تے سیٹاں والی گل تاں انگریزاں
 دی اسمبلی ۱۹۰۸ء وچ لٹی چوڑی بحث مگروں منی کھڑی سی -
 ۱۹۱۰ء وچ اک مسلم سیٹ آتے بمبئی توں قائدِ اعظم محمد علی جناح
 بلا مقابلہ چنے وی گئے سن پر کانگریس ایس اصول نوں نہیں
 سی مندی - اوہ برصغیر دے ساریاں بندیاں دی نمائندہ اکھواندی
 سی تے اوہنوں ایہہ ڈر سی پٹی اگوں جا کے ایہہ نوکھلایا دکھرا
 الیکشن طریقہ ادھ دے سکھ ای نمائندہ ہون دے دعوے نوں ای
 توڑٹے گا - اوس زمانے دے لاہور دے اک مشہور اخبار
 نے ایسے گل آتے اپنا ادارہ لکھیا -

” نوں پنجاب کونسل وچ صدر توں وکھ نو سرکاری تے
 پندہ غیر سرکاری ممبر ہن - ایہناں پندیاں غیر سرکاریاں وچوں
 پنج ہندو ، پنج مسلمان ، ترے سکھ تے دو یورپین نیں - رائج
 غیر سرکاری ممبراں دے ادھ توں وی ودھ حقہ ہندوواں تے
 سکھاں دا اے - جد کہ پنجاب اندر اوہناں دی اکھٹی آبادی
 ترمالی (۴۳) فی صد توں ودھ نہیں - پر مسلماناں دی آبادی اللہ
 دے فضل نال ادھی توں وی ودھ یعنی ”پچوٹیا (۵۵) فی صد
 ہے - پھیر ایہہ کیہ انصاف ہے پٹی اسلام والیاں نوں صوبے
 دی کونسل اندر غیر سرکاری ممبراں دا تیجا حصہ ملیا ہے یعنی پندیاں
 وچوں صرف پنج ممبراں دا حصہ - “

مسلماناں تے غیر مسلماناں اندر ایہہ سیاسی رنجش ودھن لگ

پئی۔ مسلمان ۱۸۸۲ توں لے کے اب تک دی اکثریت دی حکومت
 دے تجربے تے نتیجے توں وی ڈرے ہوئے سن۔ اتوں
 ساری دُنیا وِچ مسلماناں نال دھرد ہو رہیا سی۔ اک پاسے
 مسلمان آپس وِچ لڑ رہے سن (تُرک تے عرب) دوجے پاسے
 یورپ دیاں سامراجی مُلکاں برطانیہ، فرانس، ہالینڈ، پرتگال تے
 زارِ روس مسلمان مُلکاں نوں تھلے لائی بیٹھے سن۔ ترکی وِچ
 مسلماناں دی خلافت ٹوٹے ہو رہی سی۔ اوس زمانے جمال الدین
 افغانی ہوراں اک واری پھیر دُنیا دے مسلماناں نوں کھوہے وچوں
 کدھن دا کم چھوہیا، برصغیر دا دورہ کر بیٹھے سن۔ ایتھے دیاں
 مسلماناں اینہاں توں چوکھا اثر لیا۔

مسلماناں نوں اندرون ہندو دا ڈر سی، اوہ بوہتی گنتی وِچ
 جو سن، تے آؤں والے زمانے وِچ بوہتی گنتی والیاں دی ای
 سرکار ہوئی سی تے حکم چلنا سی۔ ہندوواں دا اک وڈا سارا
 طبقہ اوہناں دناں وِچ لکھن پڑھن تے بولن راہیں ایہہ بتا رہیا
 سی کہ مسلمان اپنی ہزار سال دی حاکی اندر ہندوواں تے دوجے
 غیر مسلماناں اُتے ڈھیر ظلم کیتے ہن۔ ایہدے بارے بنگالی ہندو
 بڑے تیز سن۔ تاریخ وچوں وی اوہناں ای گلاں کڈھیاں تے
 قصے کہانیاں راہیں وی اوہ اگے سن۔ ہندوستان دا آج دا
 قومی ترانہ بندے ماترم وی اک بنگالی ہندو ناول نگار نے اپنے
 اوس ہیرو دے مونہہ وِچ پایا سی جو اک مسلمان حاکم دے خلاف
 بُدھ کر رہیا سی۔

برصغیر پاک و ہند اندر مسلماناں دی ہزار سالہ حاکمی غلطیاں،
 ہندوؤں توں پاک نہیں سی نہ اوہناں نوں اسلامی حکومت اکھیا
 جاسکدا سی کیوں جو عام مسلماناں دا خیال اے کہ خلافت راشدہ
 مگروں دُنیا دے کسے تختے اُتے کوئی اسلامی حکومت قائم نہیں
 ہونی، اہاں مسلمان حکومتاں بڑیاں ہوئیاں۔

پھر ایہناں مسلمان حاکماں حکمرانی ڈھنگ تے ولاں پاروں ای
 اپنے کتے پتھراں، بھراواں نوں وی مروا دتا جیویں اورنگ زیب
 عالمگیر اپنے بھرا دارا شکوہ، پتھرتے پیو نال کیتی۔ لازم اے پئی
 اچھے حکمراناں دے ہتھوں ہندوواں نوں وی نقصان ہویا ہوٹاے
 پر ایہنوں "مسلم ہندو" عینک نال نہیں سی ویکھنا چاہیدا، پر
 ویکھیا اینویں گیا۔

انگریز دی حکمرانی اندر ہندوواں جو رنگ ڈھنگ کدھے اوہناں
 توں صاف لگدا سی پئی اوہ پچھلیاں مسلمان سرکاراں دے پتھے
 یا گھرے گھڑائے ظلماں دا انتقام مسلمان لوکاں کوں لین گئے۔
 ہندو، مسلماناں دیاں حکومتاں نوں صرف حکومت نہیں سن سمجھدے
 تے نہ اوہناں دیاں کاروائیاں نوں سرکاری کاروائیاں سمجھدے سن۔
 ایہدی تھاں اوہ ساری کاروائیاں نوں مسلماناں دی ہندوواں دے خلاف
 کاروائی سمجھدے سن۔ جیہڑا حساب ویہویں صدی اندر اوہناں نوں
 اودوں دیشا پوسے گا جدوں انگریز ٹر جاوے گا، جدوں برصغیر
 یعنی ہندوستان دی حکومت اکثریت یعنی ہندوواں دے ہتھ
 آ جاوے گی۔

مسلماناں دا ایہہ ڈر اینڑی نہیں سی - بندوواں خاص کر کانگریس
ایس خوف نوں گھٹاؤں دا کوئی خاص چارہ نہیں لایا - اُٹا ۱۹۳۷
اندر جدوں جوناں مگروں ہندو اکثریت ولے صوبیاں اندر کانگریس
ویاں حکومتاں بنیاں تاں اینہاں اپنے عمل پاروں ثابت کر دکھایا
کہ مسلمان کانگریس یا کسے وی ہندو جماعت توں اچھے سلوک دی
امید نہ رکھن -

ایس ہندو مسلمان (پنجاب اندر سکھ وی) اٹ کھڑکے پاروں
مسلماناں ایس اوکڑ نوں نبھٹن لئی سوج شروع کر دتی - اگست
۱۸۹۰ء وچ ناول نگار عبدالحلیم شرر ہوریاں لکھیا پتی - عقلمندی ایسے
گل وچ ہے کہ ہندوستان نوں ہندو تے مسلمان صوبیاں اندر ونڈیا
جاوے تے آبادی دا وٹاندر کیتا جاوے -

پانی پت والے مولانا الطاف حسین حالی ہوریاں پہلاں ہی
آکھ دتا سی -

الوداع اے کشور ہندوستان، جنت نشان

رہ کچکے تیرے بہت دن ہم بدلیسی مہاں

ایہناں حالاں پاروں لاہور دے اسلامیہ کالج دے اک پڑھیاد

چودھری رحمت علی ہوریاں جو ضلع ہوشیار پور دے رہن والے سن

کالج اندر اک بزم شبلی بٹانی - ایس بزم دی چھتر چھاں وچ

اونہاں ہندوستان دی ونڈ دی منگ کیتی اونہاں ۱۹۱۹ء اندر

انج لکھیا -

* ہندوستان دے شمالی حصے اندر مسلماناں دی گنتی بوہتی ہے -

ایہوں اسیر مسلمان آکھاں گے تے ایتھے اک مسلمان ملک بناواں
 گے لیکن ایہ کم اودوں ای سرے پڑھے گا جدوں اسیں اک نئٹھ
 قوم (یعنی ہندو، مسلمان، سکھ، عیسائی، بدھ سب مل کے اک قوم
 ہین) نوں چھڑ دیواں گے تے اپنا ملک نپاک ہندوستان نالوں
 اجوڑ کر لواں گے۔ ایہ کم جتنی چھیتی ہووے ساڈے واسطے کیہ
 سارے ملک تے سارے مذہباں وایاں واسطے چنگا ہووے گا۔
 ایہ اک کالج دے پڑھیار دا وچار سی۔ کالج دی نئی جیہی
 پتھر اتے گروں ۱۹۲۲ء وچ پشاور دی انجمن اسلام دے صدر
 سردار گل خان ۱۹۲۲ء وچ ای آگرہ دے وکیل نادر علی تے
 ۱۹۲۲ء وچ پنجاب دے مولانا عبید اللہ سندھی ہوراں وی اچھی وٹ
 نوں مسئلے دا حل آکیا۔ ۱۹۲۷ء اندر یو پی دے مولانا حسرت موہانی
 وی رانج دی ای ہلدی جلدی تجویز کدھی۔ فیر پنجاب دے اک ہندو
 لیڈر لالہ لاجپت ہوراں برصغیر دے مسئلے نوں حل کرن واسطے
 مضمون لکھے تے اونہاں وی لکھیا۔

”میرے وچار مطابق پنجاب نوں دو ٹوٹیاں وچ ونڈ دینا چاہیدا
 اے۔ اک مغربی پنجاب جتھے مسلمان وودھ گنتی وچ ہن۔ ایہ مسلمان
 حکومت دا صوبہ ہووے۔ اک مشرقی پنجاب جتھے ہندوواں، سکھان
 دی گنتی بوہتی ہے تے ایہ صوبہ غیر مسلمان حکومت نال ہووے۔“
 ایہ تجویزاں متے تے وچار وکھ وکھ صوبتاں وچ ساہنے آوندے
 رہے پر ایہناں دی اک ساخت تے بھرویں شکل مسلم لیگ دے
 ال آباد دے سالانہ جلسے وچ علامہ اقبال دی تقریر اندر ابھری۔

۱۹۳۰ء وچ علامہ اقبال اکیا ۔

”جے کر اکبر دا دین الہی یا (جگت) کبیر دا پنہ لوکاں اندر
 ٹر پیندا تے ہو سکدا اے اج ہندوستان اندر صرف اگو قوم ہندی
 پر ہندوستان وکھ وکھ قوماں دا دیس ہے جیہناں دی نسل ، زبان ،
 مذہب سبھ وکھ وکھ ہے ۔ اوہناں دی سوچ تے عمل اندر اوہ
 سانجھا احساس ہو ہی نہیں سکدا جو اگو نسل دے وکھ وکھ بنڈیاں
 اندر ہے ۔ ایس پاروں ایہہ گل صلاہن جھگی نہیں کہ وکھ
 وکھ مذہباں تے واڈیاں دا خیال کیتے بناں ہندوستان اندر مغربی
 جمہوریت لاگو کیتی جاوے ۔ مسلماناں دی منگ ہندوستان دے اندر
 اک مسلم ہندوستان بنایا جاوے ، بالکل سچی تے سچتی ہے ۔ میری
 اپنی سدھر ہے کہ پنجاب ، سرحد ، سندھ تے بلوچستان نوں دلا کے
 اگو ملک بنا دتا جاوے ۔ جے کہ شمال مغربی ہندوستان دے
 مسلماناں نوں موقع دتا جاوے پئی اوہ اپنا ملک آزادی نال
 چلاؤں تے ایہدے اندر ودھن پھلن تاں اوہ ہندوستان دے
 ودھیا داکھے وی ثابت ہو سکدے نیں ۔ پنجاب اندر مسلماناں
 دی آبادی چھوٹا (۵۶) فی صد ہے پر ہندوستان دی پوری فوج
 اندر ساڈا حصہ چھوٹا (۵۴) فی صد ہے ۔ ہندوواں دے دلاں
 اندر ایہہ شک نہیں ہونا چاہیدا کہ انج دے آزاد اسلامی
 ملکاں دے بنن نال اوتھے کوئی مذہبی حکومت بن جاوے گی ۔“
 ”ہندوستان دے مسلمان کسی وی اچھی آئینی تبدیلی نوں
 قبول نہیں کرن گے جس دے ذریعے اوہناں نوں بنگال تے

پنجاب اندر نوکیلیاں چوٹاں راہیں اپنی اکثریت نہ مل جائے
یا مرکز اندر اوہناں نوں ترجیحاً حصہ (۳۳ فیصد) سیٹاں نہ مل
جاوے۔ — ایسے ویلے تائیں مسلماناں دے آگو دوکھڑیاں وچ
ڈھے پٹے نہیں۔ پہلا لکھنؤ دا ردیا ہویا معاہدہ جس دی نینہہ ای
ہندی قومیت دے غلط وچار اُتے رکھی گئی۔ دوجے پاسے
پینڈو آبادی دے پردے وچ اسلامی اتحاد دی قربانی دیوں۔
”پنجاب کونسل دے سرکاری ممبراں اک سکیم بنائی سی۔ ایس
سکیم راہیں پنجاب اسمبلی اندر مسلماناں دیاں کل پینتالی (۴۵) فیصد
سیٹاں بندیاں نہیں۔ ہندو سیکھ ممبراں کولوں صرف دو ودھ۔ پنجاب
دے مسلمان اجیہی کوئی سکیم نہیں منن گئے جس راہیں اوہناں
نوں پوری اسمبلی اندر اکثریت، نہیں مل جاندی۔ جے ہندوستان دی
حکومت مسلماناں دی ایس شکایت نوں سچے جاندی اسے تے پھر
اوسنوں ایہہ جُرت کیوں نہیں ہوئی کہ اوہ پنجاب تے بنگال اندر
مسلماناں دی اکثریت دی سفارش کر دی۔“

”ہندوستان دے مسلماناں نوں اجیہی کوئی تبدیلی منظور نہیں جس
سببوں سندھ نوں وکھ صوبہ نہیں بنایا جاندا یا شمال مغربی سرحدی
صوبہ دا درجہ اوہو نہ ہووے جو ہندوستان دے دوجے صوبیاں
دا ہے۔“

علامہ اقبال دے ایہناں وچاراں تہجے ۱۸۵۷ء توں لے کے
۱۹۳۰ء تائیں دی کرنی تے گزرنی بولدی اے۔ لکھا چڑھا جھکدا
اے۔ علامہ اقبال مسلم لیگ کانگریس دا لکھنؤ پیکٹ، ہندو مسلم

فسادات ، علم دین شہید ، بنگال دی ونڈ ، تحریک خلافت ، جلیانوالہ
 باغ ، پہلی جنگ ، اندر جبری بھرتی پاروں پنجاب وچ ہووَن والے
 واقعے ، غدر پارٹی ، کانگریس دی سیاست ، انگریزاں دی چالاکی ، اسلامی
 دُنیا اندر بے دسی دی حالت دیکھی بیٹھے سن ۔ اوہناں پنجاب اندر
 اوہ منظر وی دیکھیا جہدے اُتے اج دی یقین نہیں آوندا تے
 اوہ سین سی جلیانوالہ باغ دی فائرنگ توں پہلاں ہندوواں تے
 مسلماناں دا ہل کے اک دوجے دے بھانڈیاں وچ روٹی کھاوَن ۔۔۔
 پر ایہناں ساریاں گلاں دا جو اہتمام ہویا یا اوہناں دیکھیا اوس
 توں ای اوہناں ہندوستان دی آزادی دی اک راہ کڈھی تے ایس
 راہ دا ای تاں اقبال دی موت گمراہ "پاکستان" پے گیا ۔

۱۹۱۹ء دا مارشل لاء

پنجاب نوں جلیانوالہ باغ اندر ڈھیر قربانی دے کے ہندو مسلمان
اتحاد دی اک دین دے کانگریس نوں احسان مند کیتا ۔ پنجاب
دیاں اجینیاں قربانیاں تے ایتھے دا ہندو مسلم اتحاد کسے نوں
بھاؤ نہا نہیں سی ، تے مہاتما گاندھی ایسے پنجاب بارے ۱۹۳۹ء
اندر انگریز نوں آکھیا کہ اوہ ایس ویلے ہندوستان نوں چھڈ کے
نہ جاوےں نہی تاں پورے ہندوستان آستے پنجابی قبضہ کر لیں گے
(مطلب اسے پنجابی سکھ تے مسلمان) ۔

علامہ اقبال :- ہر زائرِ چین سے یہ کہتی ہے باغِ خاک
غافل نہ رہ جہاں میں گردوں کی چال سے
سینچا گیا ہے خونِ شہیداں سے اس کا تخم
تو آنسوؤں کا بھل نہ کر اس خیال سے

حکیم عبداللطیف عارف :-

جلیانوالہ باغ سی لال ہو یا انھے واہ جد گویاں آٹیاں نیں
ڈاڈھا بھار چلاؤندے حق تائیں دیکھ نالماں پھیاں چٹیاں نیں
ایہر دیکھیا رت دیاں بندیاں نیں اوہناں حاکماں نے اتناں چٹیاں نیں

اوہر گویاں نہی دے پاک روئے اتے ظالماں جا برسایاں نہیں
 غیرت والیاں بیڑاں شور یا کرٹیاں عاشقاں واسطے آہاں نہیں
 خوشی عاشقاں نوں، جھوڑا چتواں نوں، جہاں کچیاں یاریاں لہیاں نہیں
 بھرے جیل خانے کھچی کھچ پورے، ظفر علی نوں مکھ و دھانیاں نہیں
 جس پنجاب اندر زمیندار بن کے سبھے سنگتاں جھون جگائیاں نہیں

دندا پنجاب کیتا فرنگیے دی چال نے۔ باگے دا بوا کوئی نہ

بارصین برسیں کھن گیتے کھٹ کے یاندا چلتا
 امرتسر دیاں گلیاں وچ پنجابیاں دا ہوا ڈلھا

مولانا ظفر علی خاں کہیا :-

جب امرتسر میں ہم پر گویاں برسیں تو ہم سمجھے
 کہ لونڈیاں ہیں یہ اہل ہند کے خون تمنا کی

پہلی جنگ لڑائی اندر انگریزاں کانگریس تے مسم یگ ناں قول کیتا
 سی کہ جنگ ختم ہوون تے اوہناں نوں حکومت اندر ودھ حقہ دیواں
 گے۔ جنگ مک گئی تے ہندوستانیوں نوں ودھ حقہ دین دی خاطر
 برطانیہ دی اسمبلی رولٹ ایکٹ دے ناں اتے اک قانون منظور
 کیتا جس موجب کسے وی ہندوستانی نوں بناں کجھ دسیاں پچھیاں
 پھڑکے سزا دتی جا سکدی ہے۔ ملزم وکیل نہیں کر سکداتے نہ
 کوئی گواہی دے سکدا ہے۔ ایہ بل فروری ۱۹۱۹ء وچ اسمبلی اندر

پیش ہوا۔ ۱۸ مارچ نوں قائد اعظم نے ایس بارے اک بیان دتا۔
 "کوئی منہذب قوم ایس بل نوں منظور نہیں کر سدی۔ جے برطانیہ
 دی سرکار نے ایہنوں قانون بنا دتا تے ٹھک دے اک سرے توں
 دوجے سرے تائیں اک لگ جاوے گی۔" قائد اعظم ہر رکھالی دتی
 تے اسمبلی دی سیٹ اتوں ای استعفیٰ دے دتا۔ ایس گروں
 مہاتما گاندھی ہوراں وی ایہوجیہا بیان دتا پر انگریزاں قانون منظور
 کر لیا۔ ایس تے ایہرے خلاف اک لہر ٹوٹن دا فیصلہ ہوا۔ ایس
 موقعے اتے لاہور وچ ہندو مسلم اک ٹھٹھہ ہوون دے بڑے یادگار
 کم وی ہوئے۔ کانگریس نے مسلم لیگ دا سانجھا جلسہ ہویا، جلوس
 نکلیا، گولی چلی تے کئی جی مارے گئے۔ مہاتما گاندھی پنجاب آونا
 چاہندے سن پر اوشیاں نوں گوڑ گاؤں توں واپس بھیج دتا۔ پنجاب
 اندر جلسے، جلوس ٹر پئے۔ امرتسر دے دو آگواں ڈاکٹر سیف الدین
 کچھ تے ڈاکٹر سستیپال نوں گل بات کرن لئی ڈپٹی کمشنر اپنے ڈیرے
 اتے بلایا تے مڑ پچھ لیا۔ ایس مکر پچھوں ۱۱ اپریل نوں امرتسر اندر
 بڑا رولا پیا۔ ۱۲ اپریل نوں جنرل ڈائرفوج سے کے امرتسر اپڑ گیا۔
 ۱۳ اپریل نوں دساکھی وی سی تے آگواں دی گرفتاری دے خلاف
 جلیانوالہ باغ اندر اک جلسہ کرن دا ہوا کا شہر اندر دتا گیا سی۔
 جلیانوالہ باغ اندر میہے والے وی آگئے۔ انج کوئی ویہ پنجیہ ہزار
 دا جلسہ سی۔ تقریراں ہو رہیاں سن کہ جنرل ڈائرفوجاں لکھایاں
 جلسے وایاں اتے اتھے واہ فائرنگ دا حکم دتا۔ سو ڈیڑھ سو
 گز دے فاصلے توں سولہ سو یاؤنڈ چلے۔ پل وچ چار سو بچہ

ملایا گیا تے بارہ سو پچھتر ہویا۔ اوہے دن بریگیڈیئر ڈائٹرنوں
جنرل بنا دتا گیا۔ اوہوں سنہتے بندیاں اُتے اُتھے واہ گولی چلاوٹ
دے کارن جنرل بنایا گیا۔ جتھاں واسطے باغ وچوں نکلیں لئی اک
راہ وی نہیں سی چھڈی گئی۔ جنرل ڈائٹرن ایس کارے گروں آکھیا۔
• میں صرف امرتسر نوں نہیں پورے پنجاب نوں سبق سکھانا چاہندا
ساں۔“

۱۳ اپریل دے امرتسر دے ایس قتلیم توں پہلاں پنجاب اندر
۶ اپریل توں ای ہنگامے شروع سن۔ لاہور، قصور، جالندھر، ملتان
اندر مظاہرے ہوئے ملتان اندر دوسری وڈی لام جتین دی خوشی
وتج میونسپل کمیٹی ووں اک فوجی رجمنٹ دی دعوت سی پر شہریاں
فوجیاں دی راہ ڈک لئی تے فوجیاں نوں کٹر چھاوٹی پرتنا پیا۔
۱۰ اپریل نوں لاہور اندر اک اکٹھ نے انگریزاں دے علاقے
سول لائن اُتے دھاوا بولیا۔ پولیس ڈکن نوں ودھی، اسٹ کھڑتا
ہویا، فائرنگ ہوئی تین چار جی مرے۔ ایہناں وتج کالجاں دے
منڈے وی سن۔ اک دوجے اکٹھ مال روڈ اُتے تارے
دفتر اُتے بد بولن دی کوشش کیتی پر اک فوجی دستہ اُپر گیا۔ اوہناں
سنگیناں تان لئیاں تے لوکاں نوں پچھانہ دھک دتا۔ ایہو جلوس
لوہاری دروازے اُپر یا۔ پولیس نال جچھا پیا۔ فائرنگ نال اک
بندہ ملایا گیا۔ کئی زخمی ہوئے۔

اندرون لاہور شہر لوکاں دا قبضہ سی۔ ۱۲ اپریل نوں پولیس
نوں اندرون باہر بلانا پیا، فوج گئی۔ پھر پولیس فائرنگ کیتی

کئی بندے مَر گئے۔ پھر شہر اندر فوج ای رہی، قابو پا لیا،
فوج اخیر تائیں اوتھے ای رہی۔

اوپنیں دنیں لاہور اندر خلافت عثمانیہ تے امیر افغانستان
زندہ باد دے نعرے وی گئے۔ ر برطانیہ تے اتحادی کچھ جتے اگدوں
ترکی نوں ہراٹی بیٹھے سن تے ہندوستان دے مسلماناں نوں انگریزاں
آتے بڑا فٹ سی۔

ریلوے ورکشاپ اندر بڑے زور دی ہڑتال ہوئی۔ لاہور
اندر مارشل لا لگ گیا۔ ۱۲ اپریل نوں قصد دے ریلوے اسٹیشن
آتے ہڈ بویا گیا، پڑھیاں جلوس دے آگے بنے ہوئے سن۔ دو
انگریز مارے گئے۔ سٹیشن سڑ گیا۔ خزانے آتے حد ہويا۔ پولیس
گولی چلائی۔ کئی بندے مارے گئے۔ امرتسر تائیں کئی ریلوے
سٹیشن آتے چلے ہوئے۔ ترنٹارن وچ خزانے آتے حد ہويا۔
اگلی سویر امرتسر دے لاگے پٹری پٹ دتی تے اک گڈی پٹریوں
آتر گئی۔

جنرل ڈائرتے گورنر ڈائری بے گناہاں معصوماں دیاں لاشاں
دے ڈھیر لا کے پنجاب نوں سبق سکھانا چاہندے سن پر امرتسر
مگروں انگریز دے خلاف نفرت دی لہر ہور اُچی ہو گئی۔

۱۴ اپریل نوں گوجرانوالہ اندر پوری ہڑتال ہوئی۔ لوکاں ریلوے
سٹیشن تے دوویں پُل ساڑ دتے۔ ڈپٹی کمشنر فوج منگی۔ فوج
نہ مل تے گورنر ہوائی جہازاں توں بمباری دا حکم دتا۔ بمباری
ہوئی جہازاں وچوں سٹین گناں نال فائرنگ وی ہوئی۔ درجنوں

بندے بارے گئے ۔

۴۔ توں ۱۶ اپریل تائیں وزیر آباد ، اکال گڑھ (علی پور) حافظ آباد ،
 رام نگر (رمول نگر) ، شیخوپورہ ، چوہڑکانہ ، سانگلہ ہل وچ حال خراب
 رہیا ۔ وزیر آباد وچ اک تار گھرتے اک پادری دا گھر ساڑ وتا ۔
 گڈی پشڑیوں لاہن دا چارہ لایا ۔ اکال گڑھ تے حافظ آباد وچ
 تار گھراں تے ٹیلی فون دا پٹ پٹیا ہویا ۔
 چوہڑکانہ ، شیخوپورہ ، سانگلہ ہل اندر ریلوے سٹیشن تے تار گھر
 تباہ جیتے ۔ ریلوے دے محلے تے انگریز مسافراں اُتے حملے ہوتے
 لاہور وں اک ریلے والی ریل گڈی بھیجی گئی جس چوہڑکانہ اندر
 گول چلائی ۔

گوجرانوار توں سیپا کرنل واسے گجرات تے لائل پور ول
 نکل گئے ۔ ہارڈاپہیل نوں گجرات دے ریلوے سٹیشن اُتے حملہ
 ہویا ، لوکاں اُتے فائرنگ ہوئی ، سکوال ریلوے سٹیشن کول گڈی
 پشڑیوں لاہی گئی ، لائل پور وچ کئی دیہاڑے جلوس نکلے ہر سائے
 ضلع اندر نقصان لیڈا نہیں ہویا سرف تار دیاں تاراں کٹیاں گئیاں ۔
 امرتسر ، لاہور ، گوجرانوار وچ مارشل لاہ لگ گیا ۔ ہل گجرات تے
 لائل پور ضلعیاں اندر وی مارشل لاہ لگ گیا ۔

گورداسپور وچ لوکاں انگریز تے امریکی مشنریاں ، ریلوے سٹیشن ،
 پرائے دفتر تے تھانے اُتے کئی وار تے بولے پر جنرل ڈاکٹر
 دے بھیجے فوجیاں حال سنبھالی رکھیاں ایتھے ایسے نئی مارشل لاہ
 نہیں لگا ۔

ایہناں فساداں یا آزادی دی لہر مگروں سینکڑے بندیاں نوں
 پھاہے لایا گیا، عمر قید، جرمائے، جائیداداں دی ضبطی۔ انوس ایس
 گل دا۔ اسے کہ آزادی دی خاطر لڑن مرل وایاں وچوں بہتیاں دا
 لوکاں نوں ناں پتہ وی نہیں آوندا۔ مارشل لاہ اندر انگریزاں شہریاں
 نوں کوڑے مارے، نکال نکیراں کڈھوئیاں، ڈھڈ بھار ٹرن دی
 سزا دتی۔ جھک جھک کے سلام کرن تے اچھے ہوہر نموشی واسے
 کم کیتے۔ آزادی منگن وال قوم نوں اپنی نظروں گراون وایاں
 ایہناں کاروائیاں اتے وائسرائے دی قائم کیتی کمیٹی دی انوس
 کیتا تے آکھیا۔ ”پنجاب دے مارشل لاہ وچ اندر ناجائز دتیا گیا لے۔“
 ایسے سے مسلماناں واسطے ترکی دی خلافت عثمانیہ دا مشد بڑا
 وڈا سی۔ جدوں ترکی مار گیا، برطانیہ تے اوہدے ساتھیاں ترکی
 نال ودھیکی شروع کیتی تاں مولانا محمد علی جوہر تے مولانا شوکت علی
 انگریزاں دے خلاف اک ہوہر تحریک چلاون دا متا پکایا۔ ایہناں
 دناں وچ مہاتما گاندھی دی گڈی بڑی چڑھی ہوئی سی۔ اوہناں دناں
 اندر ہی کانگریس ولوں ٹیکس نہ دیون، سرکاری نوکریاں توں وکھ
 رہون، سرکاری سکولاں کالجاں دے بائیکاٹ تے بدلیسی کپڑے دی
 تھاں کھڈی دا کپڑا پاوٹ دیاں لہراں ٹریاں ہوئیاں سن۔ اک تحریک
 خلافت ہند ٹر پئی۔ ایہ بڑی مذہب دوست لہر سی۔
 پہلی لام اندر ترکان جرمنی دا ساتھ دتا۔ جرمنی دی مار مگروں
 برطانیہ تے ساتھیاں ترکی دی ”خلافت عثمانیہ“ دے علاقیاں نوں
 آپس وچ ونڈ لیا۔ فلسطین وچ یہودیوں نوں آباد کرن دا متا

پکایا۔ تحریک خلافت دا مقصد سی کہ انگریز اُستے زور پاکے خلافت عثمانیہ دے ٹوٹے نہ ہون دتے جاون۔ کانگریس وی ایس تحریک اندر آوری۔ مسلمان انگریزاں نال حقہ پائی بند کیتا۔ دلائی مال دا بائیکاٹ کیتا۔ ایسے جوش اندر ہندوستان توں ہجرت کر کے افغانستان وی جانا شروع کر دتا۔ مسلماناں سول نافرمانی کر کے جیلاں بھر دتیاں۔ ایس تحریک راہیں لوکاں نوں بکاون تے جنگاون دا ڈھیر کم ہویا۔ انگریز توں آزادی منگن دا مطالبہ ہور تگڑا ہویا۔ مگر اس اندر مسلماناں خاص کر پنجاب، سندھ تے سرحد دے مسلماناں نوں وڈا نقصان ہویا۔ قائد اعظم محمد علی جناح تحریک خلافت وچ ہجرت کرن والی گل دی مخالفت کیتی۔ اوہناں آکھیا ”ہندوواں لئی ایہ تحریک نقصان دہ نہیں پر مسلماناں نوں ایس توں ہلاکت اتباہی تے بربادی توں دکھ ہور کجھ نہیں بچتا۔“

تحریک ستمبر ۱۹۲۰ وچ شروع ہوئی۔ قائد اعظم ستمبر وچ ای کانگریس دے سالانہ جلسے اندر ایس تحریک دی سخت مخالفت کیتی۔ ہندوستان دے کوئی سوا اٹھ سو مذہبی عالماں فتویٰ دے کے ہندوستان نوں دارالحرب (حقہ جنگ، ہووے) آکھیا۔ ظالماں تے غاصباں دے خلاف لڑن دا حکم دتا۔ اوہناں دے کہن اُستے سندھ، پنجاب، سرحد تے دوجیاں صوبیاں توں لکھن مسلماناں افغانستان ول ہجرت کیتی پر افغانستان دی سرکار اوہناں نوں جی آیاں نہیں آکھیا۔ اوہ ٹٹ بھج کے واپس [مُڑے]۔ کجھ مُرکھپ گئے، کجھ دوجے مُلکاں اندر سیاسی آوارہ گردی کردے رہے۔ واپس

آون والیاں دی اک بدبختی ایہہ سی پئی اوہ جدوں ہجرت لئی
چلے اوہناں اپنا سارا مال جائیداد و بیج و قے دے سوچو کئے مسیتے
بھاء ایہہ سودا کیا ہونا اے تے ایہہ مال مسلماناں گھٹ تے
غیر مسلماناں بڑیتا خریدیا ہونا اے)

تحریک خلافت وی بیٹھ گئی تے کانگریس دی تحریک وی خود
مہاتما گاندھی ڈیڑھ ورے مگروں تحریک ختم کرن دا ہوکا دے دتا
پر خلافت تے ہجرت دی تحریک توں مسلماناں دے دل اندر اک
شک بہ گیا کہ مہاتما گاندھی تے دوسرے ہندو لیڈر اصل وچ مسلماناں
توں ہجرت کروا کے مسلماناں نوں ہندوستان وچوں خاص کر صوبہ پنجاب
وچوں باہر کڈھوانا چاہندے نیں تاں جے ایہتھے اوہناں (ہندوواں
سکھاں) دی اکثریت ہو جاوے ۔

جیلا نوالہ باغ اوہرے مگروں مارشل لا دے سے مسلماناں دیاں
دیتیاں قربانیاں اوہناں دے کم نہ آئیاں نہ تحریک خلافت دوہاں
دھراں (ہندو مسلمان) نوں نیڑے لیاندے تے برصغیر دے ہندو
اکثریت والے صوبیاں وچ فساد ہوندے رہے ۔

۱۹۱۹ دے مارشل لا وچ اوہناں ضلعیاں اندر انگریز دے
خلاف لہر بوہتی اچھلی جتھے مسلماناں دی اکثریت سی جتھے ہندوواں
دی اکثریت سی اوتھے امن امان رہیا ۔ ایسے طرح ۱۹۲۰ء دی
تحریک خلافت تے بدیسی مال دے بائیکاٹ دی تحریک اندر
وی صرف مسلماناں وطن چھڈیا ۔ مسلماناں وڈیاں معیشتاں بھجیاں
ہندوواں تے دوسرے فرقیاں نوں ایڈے جفر نہیں جالنے پئے ۔

برصغیر پاکستان ، ہندوستان ، بنگلہ دیش شے آج پوری مشیاں
 توں وکھ کجھ ہور مشکلاں وی سن ، جیہناں واساں گا صوبیاں
 نال سی ۔ مثلاً سندھ اندر مسلماناں دی بھاری اکثریت سی پر
 صوبہ وکھ نہیں سی ، ہندو اکثریت والے صوبے بمبئی نال جڑیا
 ہویا سی ۔ سندھ دے مسلمان وکھ صوبہ بنانا چاہندے سن پر
 ہندو ایہدے خلاف سن ۔ مسلم لیگ وی سندھ نوں وکھ کرن دی
 حامی سی پر کانگریس ایہدی مخالف سی ۔ پنجاب سندھ نال رلدا
 اے ایس کارن اوہنوں سندھ نال ہمدردی سی ، ایہہ ہمدردی
 پنجاب دے مسلماناں تے ہندوواں وچ ہور پاڑ پا رہی سی ۔
 پنجاب واسطے صوبہ سرحد وی نیڑے واساک سی ۔ صوبہ سرحد
 وایاں نوں اک عمر تائیں صوبے والے حق نہیں سن دے رہے ۔
 مسلمان تے مسلم لیگ واسے سرحد دے حقاں نئی دوڑ بھج رہے
 سن پر ہندو ایس معاملے وچ مخالفت کر رہیا سی ۔ ایہو حال
 بلوچستان واسی ۔ گدھی ایہ کہ ہندو مسلمان علاقیاں تے مسلماناں
 دے حقاں دی کھل کے مخالفت کر دے ۔ مسلمان جتنے تائیں
 ہوندا اک دوجے دی حمایت کر دے ۔

اک ایہو جیہا مشد کشمیر واسی اومراں تے جموں کشمیر وچ
 مسلماناں دی آبادی ستر فی صد توں ودھ سی پر راجہ ہندو ڈوگرہ سی ۔
 ریاست نال پنجاب جڑیا نہیں سی ہویا ۔ کشمیریاں آتے پوری
 تاریخ وچ جد کدی اوکڑ پٹی پنجاب اوہناں دی مدد کیتی ۔ اوہناں
 وطن چھڈیا تے پنجاب دی دھرتی اوہناں نوں بُدا سدا دے وتا ۔

پنجاب دے سرحدی ضلعیاں راولپنڈی، جہلم، گجرات، سیالکوٹ، گوجرانوالہ
 لاہور، گورداسپور، امرتسر اندر صدیاں توں کشمیری مہاجر پناہ لیندے
 رہے تے اوس ویلے وی پنجاب واسطے کشمیر اک مسئلہ بن گیا
 سی۔ کشمیریاں دیاں اکثر سنگتاں تے تنظیمیں پنجاب اندر ای بنیاں
 رہیاں جو کشمیریاں دے حقائق دیاں گلاں کر دیاں، پروگرام بنادیاں۔
 ۱۹۳۰ وچ کشمیر اندر مسلماناں دی آبادی اسی فی صد دستی جاندی لے
 پر سرکاری ملازماں اندر مسلماناں نئی ادھا حصہ وی نہیں سی۔ اوس
 سہے محکمہ تعلیم وچ نوکریاں دی ونڈ انج سی۔

نام عہدہ	غیر مسلم	مسلمان
گزٹڈ افسر	۲۳	۲
انسپکٹر	۱۱	۳
پروفیسر	۲۹	۲
ڈیپارٹمنٹل	۷	۱
ہیڈ ماسٹر ائی سکول	۱۳	۱
مڈل سکول	۲۶	۳
استاد	۱۲۸۳	۷۱۸

دوبے محکمیاں دا حال ایس توں وی اوتر سی۔ ہندو ڈوگرہ
 حکمراناں دا سلوک اپنی مسلمان رعایا نال کدی وی اچھا نہیں سی۔
 جے کوئی ہندو مسلمان ہو جاندا تے اوہدی جائیداد ضبط کر لیندے۔
 کوئی اخبار ایس طرح دی گل چھاپ نہیں سی سکدا، لاہور دے

روزنامہ "انقلاب" جہوں مسلماناں نال ودھیکی دیاں گلاں کھل کے
کیتیاں تے ریاست وچ اخبار لیاوَن دی مناہی ہو گئی۔

کشمیر وچ لاوہ تاں کپہا ای رہیا سی، اک پاسے کشمیر دے
ڈوگرہ ہندو حکمران تے اوہناں دے ہندو اہلکار تے دوجے پاسے
مسلمان سن۔ ۱۹۳۱ء وچ کشمیر اندر کجھ لگاتار اچیہاں گلاں ہویاں
جنہاں نال مسلمان بچھر گئے۔ قرآن دی بے حرمتی ہوئی۔ نماز پڑھن
نہیں دتی گئی، پوسٹر نہیں لگن دتے۔ ایس توں جلے جلوس دا
سلسلہ چلیا۔ ۱۳ جولائی نوں سری نگر اندر ہڑتال ہوئی۔ اک
مسلمان عبدالقدیر دے مقدمے دی پیشی جیل اندر ہوئی۔ مسلماناں
زبردست مظاہرہ کیتا۔ کشمیری آگوشیخ عبداللہ مرحوم، چودھری غلام عباس
مرحوم تے اوہناں دے ترے سوساقتی پھرے گئے۔ بھیسٹر آتے
گوئی چلی۔ اکیہ^۲ مسلمان شہید تے سینکڑے زخمی ہو گئے۔

پنجاب دے مسلماناں دے دلاں اُتے وی قیامت گذر گئی۔
لاہور اندر اک جلسہ ہویا ایس اندر ڈاکٹر علامہ اقبال، نواب سرذوالفقار
خاں، شیخ رحیم بخش، تیر محسن شاہ، خواجہ حسن نظامی تے ہور وڈے
لوک شامل ہوئے نیں۔ آل انڈیا کشمیر کمیٹی بنائی گئی۔ کشمیر دے حاکیاں
توں منگ کیتی کہ مسلماناں دے حق دیو۔

اخیر پنجاب وچ مجلس احرار (جو مڈھوں پنجاب دی ای اک
تحریک یا پارٹی رہی) کشمیر واسطے ابھی ٹیشن کرن دا فیصلہ کیتا۔ تن
طرفوں (سیالکوٹ، میرپور، منظر آباد) رضا کاراں دیاں گرفتاریاں شروع
ہوئیاں۔ سیالکوٹ توں اکیہ^۲ اکیہ^۲ جواناں دے جتھے رات ویلے

ٹردے سریر ویلے جوں شہر وِج نعرے مار دے ٹردے تے
 سارے شہر نوں جگا دیندے۔ ستان وِناں اندر دس نہراں پنجابیاں
 سرحد پار کر کے کشمیر وِج گرفتاری دتی۔ جہلم رستے میرپور جاون
 لشہر اکہ دوما مسجد س۔ ایقتہ ٹنگر دہاکہ بیٹہ، الہی بخش نرس
 سنگین مار کے شہید کر دتا۔ مظفر آباد وچوں سوہرا دے پل آتے
 قبضہ کرن واسطے پنجابی جوان اگے ودھے، تریہہ جوان اگے ودھے،
 کئی وچوں پل توں تھتے تینر پانی وِج ڈب کے شہید ہوئے۔ اخیر
 پل آتے قبضہ ہو گیا۔ کشمیر دی تجارتی راہ بند ہو گئی۔ دو دیہاڑے
 وِج نہراں لاریاں رُک گئیاں۔

۳ نومبر ۱۹۳۱ء نوں مولانا ظفر علی خاں نے شہید ہووَن والے

اک رضا کار الہی بخش بارے شعر لکھے :-

مے کشو مژدہ کہ یثرب کی شراب گلزم
 ہو کے کشمیر کی بھٹی سے کشید آتی ہے
 منتظر حلقہ توجید تھا جس ساعت کا
 خوش ہو لاہور کہ ساعت وہ سید آتی ہے
 قاصدِ احرار کا چنیوٹ گیا خط لے کر
 کاغذِ سُرخ پہ اس خط کی رسید آتی ہے
 کچھ بھی ڈر ملت بیضا کو فنا کا نہ ہوا
 لے کے بیٹھا ہے بقا نقشِ شہید آتی ہے

تے ۱۰ نومبر نوں اک ہور شہید میراں بخش بارے نظم

دے شعر :-

قباۓ دولتِ اسلام جس سے رنگیں تھی
 پھر اک زلٹنے کے بعد اس لہو میں جوش آیا
 سیالکوٹ میں بانڈھے ہوئے کفن سر سے
 نظر ہر ایک، مسلمان سرخ پوش آیا
 ہزار سلطنتیں صدقے اس مجاہد کے
 عزا کے واسطے جو عاقبت بدوش آیا

کشمیر دیاں جیلاں بھر گئیاں - رضا کاراں نوں کھلے احاطیاں
 اندر تاڑیا گیا - صرف پنجاب توں پنتالی ہزار رضا کاراں جموں کشمیر
 وِج گرفتاری دتی - اخیر انگریز نوں وِج گدنا پیا - اک کمیشن بنیا ،
 اوس کچھ متے پکائے تے سفارشاں کیتیاں ، مسلماناں نوں کچھ نہ کچھ
 حق ملے - پنجابیاں (مسلماناں) دیاں قربانیاں دا رنگ آیا - کشمیر
 وِج مسلماناں دیاں مذہبی تھاواں زیارت مدنی صاحب ، میدان عید گاہ
 (سری نگر) ، خانقاہ شاہ درہ تے خانقاہ صوفی شاہ (جموں) دا انتظام
 مسلماناں نوں مل گیا - نوکریاں وِج مسلماناں لئی لازمی کوٹ رکھیا گیا -
 مالیہ وی گھٹ ہو گیا -

پنجاب والیاں کشمیریاں دے مڈھلے سیاسی تے مذہبی حقائق لئی
 جویدہ کیتا ہندوواں سکھاں اوہدا ساتھ نہیں دتا سگوں اوہناں
 ایہدی مخالفت کیتی - اوہناں نوں ایہہ تحریک اک ظالم تے آمر
 حکمران دے خلاف نہیں اک ہندو حاکم دے خلاف نظر آئی -
 پنجاب دے مسلماناں تے غیر مسلمان وِج وِتھ ہور ودھ گئی -
 اچھی اک تحریک کپور تھلے وِج وی چلی - مسند اوتھے وی

مسلماناں دے حقان واسی پر اوہا وی رنج رنج بن گیا جیویں
اکثریت نے نہیں مسلماناں اصل وچ اک حاکم دے نہیں، راک
سکھ حاکم دے خلاف مورچہ لایا ہے۔ ہندوواں سکھان دیاں
ہمدردیاں مسلماناں پر جا دی تھان سکھ راجے نال سن۔ رنج پنجاب
دے مسلمان تے غیر مسلم اک دوجے توں ہور دراڑے ہو گئے۔
ریاستی مسلماناں (بلکہ ساریاں ای بندیاں دے) حقان دیاں ایہناں
تحریکاں اُتے آل انڈیا کانگریس وی چپ ای رہی تے اندر خانے
اوہدیاں ہمدردیاں کشمیر تے کپورتھلہ دے ہندو تے سکھ حاکماں
نال ای رہیاں۔

پاکستان دا نقشہ تے ناں

پنجاب دے مسلماناں نال جو کجھ واپری اوس مگروں اوہ اپنا اک
 نواں سیاسی مرکز بھہ رہے سن ۔ علامہ اقبال نے ۱۹۳۰ء وچ پاکستان
 دا تصور پیش کر دتا سی ۔ مسلم لیگ نے تصور پاکستان نوں سرکاری طور
 اُتے اپنا لین نئی آکھیا ۔ ۱۹۴۳ء وچ لندن انڈر گول میز کانفرنس
 ہوئی۔ چودھری رحمت علی اپنا ۱۹۱۵ء والا وچار، اک پمفلٹ تے تن
 نقشیاں نال چھاپ دتا ۔ ایہناں تن نقشیاں وچوں اک وچ پنجاب،
 سرحد، بلوچستان، دلی تے کشمیر نوں اک مسلمان ملک دکھایا گیا ۔
 دوسرے نقشے وچ بنگال تے آسام دکھایا گیا ۔ ایس مسلم ریاست
 دا ناں بنگلستان سی، تہی آزاد مسلم ریاست دکن وچ حیدر آباد
 والی سی، ایس ملک دا ناں "عثمانستان" رکھیا گیا۔ چودھری رحمت علی
 نے نقشے تے پمفلٹ ہندوستان وچ تھان تھان بھیجے ۔ لندن
 آون والے مسلمان آگواں نوں دتے ۔ پمفلٹ اُتے چودھری رحمت علی،
 کوہاٹ دے اسلام ٹیک، چارسدہ دے عنایت اللہ خاں تے
 پنجاب دے صاحبزادہ شیخ محمد صادق دا ناں چھپیا ہویا سی ۔
 مسلمان آگواں ایہناں ملکاں دے ناواں پاکستان بنگلستان تے

عشاقستان (دا ذکر کدی نہیں کیتا ، ست ورے مگروں ۱۹۳۰ وِچ جدوں لاہور اندر قرارداد لاہور (پاکستان) منظور ہوئی اودوں وی ایہدا ناں پاکستان نہیں رکھیا گیا ۔ اگلے ورے ۱۹۳۱ اندر وی قائد اعظم طالب علماں نوں " پاکستان " دا ناں دتین توں ہوڑیا ۔ پر ۱۹۳۳ مگروں مسلمان آگواں تے مسلم لیگ نوں چڑاون واسطے ہندو لیڈراں تے ہندو اخباراں پاکستان دا ناں لینا شروع کیتا سی ۔ ۱۹۳۰ وِچ وی جدوں لاہور قرارداد منظور ہوئی تے مسلم لیگ اوہے ناں نال پاکستان دا لفظ نہیں لایا ۔ ہندو پریس نے ایہ مہربانی شروع دن توں کیتی ۔

۱۹۳۵ وِچ انڈیا ایکٹ منظور ہویا تے ایسے توں ۱۹۳۷ اندر پورے ہندوستان وِچ چوٹاں ہوٹیاں ، کانگریس مسلم لیگ وِچ ڈاڑھا فرق پے رہیا سی پر قائد اعظم تے کانگریس وِچ کج تعاون ہویا ۔ چوٹاں مگروں کانگریس ایہناں صوبیاں اندر سرکار بنالسی ۔ سندھ ، بنگال تے پنجاب اندر اوہ حکومت نہ بنا سکی ۔ کانگریس جتن مگروں قائد اعظم نال کیتے وعدے توں پھر گئی تے مٹر اوہی سرکار والے صوبیاں اندر ای مسلماناں نال دھرو ودھدا گیا ۔

۱۹۳۷ وِچ جو انتخاب ہوئے اوہناں اندر پنجاب وِچ یونینٹ پارٹی اقتدار سانبھیا ۔ اوہدا تے مسلم لیگ دا مقابلہ سی ۔ مسلم لیگ نے صرف ستاں سیٹاں اتے بندے کھڑے کیتے ۔ اوہناں وچوں دو چوٹاں جت گئے ۔ ملک برکت علی تے راجہ غنصنصر علی خاں ۔ راجہ صاحب یونینٹ پارٹی نال دل گئے ۔ سکے ملک برکت علی رہ گئے ۔

سکندر حیات وزیرِ اعظم سن۔ اودوں صوبیاں دے اعلیٰ وزیراں
 دن تھاں وزیرِ اعظم ورتیا بازارا سی۔ پنجاب، دے ایہناں مسلمان
 ممبراں دا صوبے دی پدھر آتے تعلق یونینسٹ پارٹی نال سی
 پر قومی سطح آتے ایہناں واسطے مسلم لیگ توں دکھ ہو رکھوئی
 جماعت نہیں سی۔ ایسے پاروں وزیرِ اعظم سر سکندر حیات اکتوبر
 ۱۹۲۷ اندر لکھنؤ وِچ مسلم لیگ دے سالانہ جلسے وِچ گئے۔ اپنے
 تے پارٹی دے مسلمان ممبراں دے مسلم لیگ، دے ممبر بنن دا اعلان
 کیتا۔ اوس زمانے وِچ سیاسی پارٹیاں دی ممبری دوہری ہوندی
 سی۔ پنجاب اندر اصل مسلم لیگ، علامہ اقبال، ملک برکت علی،
 غلام رسول خاں، پیر تاج دین، خلیفہ شجاع الدین، محمد معظم قریشی
 تے ملک زمان مہدی نال سی۔

۱۹۳۷ دیاں چوٹاں مگروں پنجاب وِچ سردار سکندر حیات، بنگال
 اندر مولوی اے کے فضل الحق تے آسام وِچ سر سعد اللہ وزیرِ اعظم
 بنے۔ ایہناں سبھناں لکھنؤ والے جلسے وِچ ہوکا دتا کہ اوہ مسلم لیگ
 وِچ شامل نیں۔ سرحد، یوپی، اُتر پردیش، بہار، سی پی
 وِچ کانگریس دیاں حکومتاں بنیاں۔ جیویں پہلاں دیاں اے چوٹاں
 توں پہلاں کانگریس تے مسلم لیگ وِچ صلح جیہی سی پر جدوں
 کانگریس جت کے حکومتاں بنائیاں تاں مسلم لیگ دے جتے ممبراں
 نوں ایس شرط آتے وزارتیں دین دی گلی ہلائی پئی اوہ مسلم لیگ
 چھڈ دیوں۔ کانگریس وِچ آون تے ایہدے پروگرام نوں منن
 دا ہوکا دیوں۔ رانج کانگریس، مسلم لیگ نوں توڑن دا جتن

کیتا۔ ایسے پاروں ۱۹۳۷ دے جیلے اندر قائمِ اعظم آکھیا۔
 "ہندوستانی مسلماناں نوں کانگریس توں وکھ کرن دی اصل ذمہ داری
 اج دے کانگریسی لیڈراں دی اے۔ اپنے چھوٹے اکثریت والے صوبیاں
 اندر جدوں وی اوہناں حکومت بنائی اے، اوہناں اپنے پروگرام
 عمل تے قولان نال ایہ ثابت کر دتا اے کہ اوہناں دا حق
 تے انصاف نال کوئی شربندھ ای نہیں۔ اوہناں مسلم لیگ نال
 سانجھ بناؤن توں انکار کر دتا۔ اوہناں منگ کیتی کہ لیگی اوہناں
 دے عہدنامے اُتے دستخط کرن۔

● ہندی نوں ہندوستان دی قومی زبان تے بندے ماترم نوں
 قومی ترانہ ستدیا۔

● کانگریس دے جھنڈے نوں قومی جھنڈا آکھیا۔

● تھوڑے جیسے اختیار ملے سن پر وکھا دتا کہ اوہناں دی نظر
 وچ ہندوستان ہندوواں واسطے ہے۔

● ایس پالیسی دی اخیر ایہ وے کہ فرقہ وارانہ فساد ہون گے۔
 ایس دی پھٹ جس نال انگریزاں دے ہتھ مضبوط ہون گے۔
 انگریز حکومت کانگریسی وزارتیں دی حامی ہے۔

مسلم لیگ دے ایس جیلے وچ میرپور دے راجہ سید محمد مہدی
 دی پردھانگی ہیٹھ اک کمیٹی بنی۔ ایس کمیٹی کانگریسی حکومتاں وچ
 مسلماناں اُتے ظلم زیادتی بارے تحقیقاتی رپورٹ لکھی۔ ایس رپورٹ
 دا ناں "میرپور رپورٹ" پے گیا۔ بھانویں ایس رپورٹ وچ
 اوہناں صوبیاں دا ذکر سی جتھے کانگریس دی حکومت سی پر پنجاب

دے مسلمان دیاں اکھاں وی کھل گئیاں - ایس کارن پنجاب اندر
ہندو مسلم وٹکرا ہور ودھ گیا -

ایس الیکشن توں ترے ورھے پہلاں لاہور وچ مسجد شہید گنج
والی بیتا بیتی - ایہ مسجد سکھاں اپنی حکومت وچ لے لئی سی -
ایہا ناں شہید گنج ایس واسطے سی جی سکھاں دا خیال سی کہ پنجاب
دا اک منل گورنر میرمنو سکھاں نوں مار مار کے ایس مسجد شے کھر
وچ سٹ دیندا سی - ۱۹۳۵ وچ مسلماناں ایہدی واپس لے گئے کیتی -
مولانا غفر علی خاں تے اوہناں دی جماعت نیلی پوش ایس کم وچ لگے
لگے سن - پر انگریز عداوت دا سارا زور سکھاں دے حق وچ سی -
لاہور اندر زبردست تحریک مری ، کاوڑ ہور ودھی - اوس ویٹے
سرفضل حسین دی یونینسٹ وزارت اوہو کجھ کروں جرائیہ چاہندے
پنجاب اندر مسلمان آگو (ساریاں پارٹیاں) ایس مسئلے اُتے گونگے سن -
قائد اعظم پنجاب اندر آکے اینہوں سلجھاوَن دا چارہ لایا - اوہناں دا
چارہ سرے نہ چڑھیا پر پنجاب دے مسلماناں اُتے قائد اعظم دا
نکس چنگا پے گیا - مسجد شہید گنج پاروں سکھاں تے مسلماناں
وچ وی کھٹ پٹ ودھ گئی -

مسجد شہید گنج بارے استاد کرم امرتسری دے شعر :-

دیکھیا ای مسلم ، کم کفار دا	گھر ڈھا چھڈیا رت جبار دا
توں این محمود توں ای ایاز این	بندہ نواز این بڑا جاں باز این
محرم راز این خنجر دواز این	تینوں کیہ خوف کے مردار دا
دیکھیا ای مسلم ، کم کفار دا	

اک لوک بول : —

مکملے رونوے نیں جتن والیاں نوں تے سکھاں نے مسیت کل لئی

سکھ مویا مسیت دی کندھ توں ، اللہ والیاں دی خیر ہوئے

ایمان ویاں وچ ای روجی وڈی لام شروع ہو گئی ۔ جنگ

وچ بھگتوں انگریزوں دے نال سی ایسے موقعے آتے اوں انگریز

کوہوں ایہ عنوان دا چاڑھ لایا کہ کانگریس سارے ہندوستانیوں دی

خواہ تے نمائندہ سیاسی جماعت ہے ۔ مسلم لیگ کوئی شے نہیں ۔ ایس

توں مسلم لیگ تے کانگریس وچ فرق ہووے گیا ۔ جدوں کانگریسی

وزارتوں استعفیے دتا اودوں قائد اعظم مسلم لیگ نوں ہدایت دتی پئی

مسلمان اینہاں توں " یوم نجات " مناون ۔ ۲۳ مارچ ۱۹۳۶ء نوں

" یوم نجات " منایا گیا تے ایس توں اگلے ورھے ایس تاریخ نوں

لاہور اندر قرارداد لاہور یا قرارداد پاکستان منظور ہوئی ۔ لاہور دی

قرارداد دی منظوری مگروں ہندوستان دے مسلماناں دے سامنے

اصل منزل کھل کے آگئی تے اگلے ست ورھیاں وچ ایس

خواب خیال نوں پاکستان دی شکل وچ پورا کر دتا ۔

۱۹۳۸ء وچ علامہ اقبال پورے ہو گئے ۔ ایہ تھوڑے پنجاب نوں

آئی پر پنجاب دے مسلماناں دا مسلم لیگ تے قائد اعظم نال سلوک

ودھدا جاندا سی ۔ پنجاب نے اپنا سارا ای بھار مسلم لیگ دے

پیرے وچ پا دتا ۔ انگریز نے بری چالاکی نال مسلم لیگ تے

قائد اعظم دے مشورے بغیر تنان نصوہیاں دے وزیراعظماں —

اے کے فضل الحق ، سرسکندر حیات تے سرسعد اللہ نوں " جی کونسل "

دا ممبر میتھ دتا - ایہناں وزیراں ممبر ہونا من وی لیا - ایہہ قائدِ عظم
تے مسلم لیگ دی بڑی آزمائش سی - اوہناں نبیہی وِتھ مسلم لیگ
دا جلسہ بلایا تے اوہناں تیناں وزیرِ اعظماں نوں "جنگی کونسل" چھڈن
لئی آکھیا - پنجاب (جس دی فوج اندر سارے ہندوستان توں
ودھ گنتی سی) نے پہلی واری جناح صاحب دا بھرواں ساتھ دتا -
تے سر سکندر جیات کونسل نوں فارغ خطی دے دتی - بنگال
دے مولوی فضل الحق بھڑاں انکار کر دتا - اوہناں نوں مسلم لیگ
وچوں کڈھ دتا - ایہدے ناں ای مسلم لیگیاں نوں حکم ہویا پئی اوہ
ضلع تے تحصیل وِتھ بٹائیاں گئیاں جنگی کمیٹیاں نوں چھڈ دیوں -
پنجاب دے بہتے ممبر جنگی کمیٹیاں توں وکھ ہو گئے -

ہندوستان دے مسلماناں نوں چار دھڑیاں نال بٹھٹنا پے
ریاستی - ۱ - انگریز ۲ - کانگریس تے دوجیاں ہندو پارٹیاں -
۳ - لیگ توں وکھ مسلماناں دیاں خاص کر مذہبی جماعتاں تے
سرکار دے حامی ٹوے اتے پنجاب اندر ۴ - سیکھ -

۲۰-۱۹۳۹ گروں پنجاب دے مسلماناں اندر وڈی سیاسی
تبدیلی آئی - مسلمان طالب علم پڑھے لکھے بے روزگار، شاعر، ادیب
اخبار نویس تے دچلے طبقے دے سیاستدان، وکیل، استاد،
چھوٹے سرکاری نوکر، مسلم لیگ دے آل دوائے جمع ہوئے، لیگ
پئے - اوس سے پنجاب اندر مسلماناں دیاں تین پارٹیاں دی گل
بات سی ۱ - علامہ مشرقی دی خاکسار تحریک ۲ - مجلس احرار - تے
۳ - یونینسٹ - نال ای کانگریس تے جمعیت العلمائے ہند ۱۹۳۹ گروں

مسلمان واسطے اینہاں پارٹیاں دی کچھ گھنٹن تک، پتی تے صرف چھ سال گروں اینہاں جماعتاں دے امیدواراں نوں مسلم لیگ دے سامنے ضمانتاں پچالیاں وی اوکھیاں ہو گئیاں۔ جس مسلم لیگ ۱۹۴۹ وچ سارے پنجاب اندر صرف دو سیٹاں جتیاں سن۔ اوس مسلم لیگ ۱۹۴۵ اندر مرکزی اسمبلی دیاں ۳ فیصد تے صوبے در اسمبلی اندر نوے فی صد سیٹاں جت تھیاں۔

پنجاب دے ایس سیاسی انقلاب دی اصل وجہ کانگریس، ہندو مہاسبھا، اکالی دل، انگریز دی حامی یونینسٹ پارٹی، مجلس احرار، خاکسار تحریک تے مولویاں دی منفی سیاست تے پنجاب دے طالب علماں، انجمن نویس، زنانیاں تے وچلے طبقے دے سیاسی کامیاں تے سیالیاں دا بڑا حصہ سی۔

۱۹۴۴ اندر سرسکندر حیات دے جانشین خضر حیات ٹوانہ نے اپنی یونینسٹ پارٹی نوں مسلم لیگ توں آزاد کرن دا حید کیتا، قائد اعظم لاہور اپڑے۔ ادبہاں نوں پتہ لگ گیا سی پتی کوئی مسلمان کانگریس یا انگریز دی مدد نال وی مسلم لیگ دے سامنے نہیں کھد سکدا۔ پنجاب اسمبلی دے ضمنی الیکشن وچ نوجوان مسلم لیگی سردار شوکت حیات، میاں ممتاز دوتانا، نواب افتخار حسین ممدوٹ ہوری مسلم لیگ دے پرانے ایم این اے ملک برکت علی دے ساتھی بن گئے سن تے ادبہاں دی خواہش سی کہ یونینسٹ پارٹی یا تاں مسلم لیگ نال آ جاوے یا اینہوں مسلم لیگ توں وکھ کر دتا جاوے۔

وزیرِ اعظم خضر حیات، ٹوانہ مسلم لیگ دی ودھدی واہ واہ توں
گھبرا رہے سن۔ سرسکندر حیات دی تھاں اوہناں دے پتر سردار
شوکت حیات، نوں وزیر بنایا گیا سی۔ سردار صاحب وزیر بن کے
وہ مسلم لیگ لئی کم کر رہے سن۔ ہراناں، وچ اوہناں دی منتا
سی۔ اوس ویلے گورنر پنجاب تے وزیرِ اعظم خضر حیات ٹوانہ اوہناں
نوں وزارتوں لاء دتا۔ ایس مگروں سردار صاحب دے حق وچ
بڑا روں پیا اوہ مسلم لیگ دے "سیاسی شہید" بن گئے سن۔

جیہو جیہی سیاست کانگرس تے مسلم لیگ کر رہیاں سن، اوس
وچ اخبار، جلسے، جلوس تے اسمبلیاں دی گل وڈی سی۔ بعضے
ویلے صرف اک جلوس کسے حرکت نوں اٹھن لئی بڑا ہوندا سی۔
بعضے ویلے اسمبلی اندر اک ممبر دی تقریر یا اک ممبر دا اک پاسیر
دوہے پاسے جاوٹ وخت پا دیندا سی۔ ایس ویلے سردار شوکت حیات
دی وزارت کھسٹ نال اسمبلی دے اندر تے باہر مسلم لیگ دی ڈاڈھی
چڑھ پھب گئی۔ ایس دا ویروا اوس تقریر توں ہر سکدا لے جو
راجہ غنسنر علی خاں، شوکت حیات، دی وزارت کھن اُتے اسمبلی
دے اندر کیتی۔

۱۹۴۴ء وچ قائدِ اعظم لاہور آئے۔ خضر توں مسلم لیگ دی
مانتا کروائی چاہی۔ خضر سر ماریا، سردار شوکت نوں وزارتوں لایا
تے قائدِ اعظم یونینسٹ پارٹی دے سر خضر حیات سمیت سارے
ممبراں نوں مسلم لیگ وچوں کڈھ دتا۔ اسمبلی اندر وکھ مسلم لیگ،
پارٹی بنی۔ خضر دا سیاسی سفایا کرن مگروں سیکوٹ وچ مسلم لیگ

دی کانفرنس تے جلسے وچ گئے تے آکھیا: "پنجاب دا گورنر ایس قابل ای نہیں کہ ایہوں گورنر رہن دتا جاوے۔" ایسے گورنر سردار شوکت نوں لا بیا سی۔

سرخضر حیات نے کئی مہینے مکروں سردار شوکت دی برطرفی بارے اسمبلی اندر بیان دتا۔ ایس اُتے ۱۸ مارچ ۱۹۴۵ نوں راجہ غضنفر علی خاں اسمبلی وچ اجیہی تقریر کیتی جس توں پنجاب دی اسمبلی دے اندر تے باہر سیاست وچ اک وکھرا ای ہڑھ آ گیا۔

اونہاں آکھیا: "ایس مدتوں توں آٹھ رتہ ساں سردار شوکت حیات دی برطرفی دی گل اسمبلی اندر کرو پر وزیر اعظم (سرخضر حیات) نوں ایہوں تجزات نہیں ہوتی۔ اچ اونہاں جھدیاں والا بیان دے رہا اے۔ وزیر اعظم ایس گلوں ان سنگت سن کیوں بے برطرفی نہ حکم بڑا جابرانہ اے۔ گورنر کول ایس تے آئینی کارروائی دے کہن جوگی گل ای کوئی نہیں سی۔

"سردار شرکت حیات ضمنی انتخاب وچ مسلم لیگ دے ٹکٹ اُتے کھلتے تے مسلم لیگی حیثیت وچ الیکشن جتیا۔ پارٹی وچ ہر ممبر نوں پچھ کے اونہاں نوں وزیر بنایا گیا (جبر کہ دوجے وزیراں بارے ایہہ کچھ نہیں کیتا گیا) ایس وزارت اندر صرف اوہو اک وزیر سن جنہاں مسلم لیگ نئی کم شروع کیتا تے اونہاں لوکاں نوں لیگ نال رٹل دی صلاح دتی۔ جدوں شرکت کراں اندر مسلم لیگ دے جلسے وچ تقریر کیتی تے یونینٹ

ساتھی چیک پئے۔ شملہ اندر وزارتی پارٹی دا جلسہ ہويا۔ سردار صاحب سدے گئے اوہناں نوں گورنر ساہمٹے پیش کیتا گیا۔ گورنر دا خیال سی شوکت مسم یگ دا لڑ چھڈ دیون گئے پر سردار شوکت قوم دی خاطر وزارت چھڈن اُتے تیار ہو گیا شوکت نے خضر نوں آکھیا: ”میں قائد اعظم نال غداری نہیں کر سکتا“ شوکت نے خضر دی میز اُتے بہہ کے استغفے لکھیا تے اوہناں دے حوالے کر دتا۔

” ایس ذیل، رجعت پسند تے ظالم وزارت دا ایہ کارنامہ اے پر ایماندار بندے محسوس کیتا کہ اچھے صوبے وچ جیہڑا پاکستان دا دل ہے، ایسی تھاں جو پاکستان دی راجدھانی لے ایچھے مسلماناں دا مٹ جاوے وڈے افسوس والی گل لے۔ گھابر نہیں، تیرے (سر خضر حیات ٹوانہ) کر توت ڈپٹی کمشنر سرگودھا دی دے گا، کمشنر دی رپورٹ بگ ساہمٹے آوے گی۔ توں سکندر دن جانشینی دا دعویدار ایں۔ تیرا پہلا کارا ایہ ہے کہ توں اوے سکندر دے پتر دے سینے وچ چھرا ماریا اے۔“

” وزیر اعظم (سر خضر حیات) جاتا شوکت لیڈر بن جاوے گا۔ اوے ویٹ وزارت، دا جلسہ سدیا۔ گورنر صاحب قاتل بھل وچ دبی آ گئے۔ پنجاں ستاں دناں اندر سردار صاحب نوں جر عطف کر دتا۔ کابینہ دا جلسہ مکمل گمروں میں وزیر اعظم نوں ملیا۔ میں پچھیا تے تنی منٹیں اپنے بیل دا گل گھٹ دتا۔ تے تے فائل پڑھی سی، آکھن لگے: ”میں نہیں پڑھی۔“

” ایس حکومت دے اشارے اُتے ڈپٹی کمشنر اسمبلی دے
 ممبراں نوں ترغی کراندے نیں کہ اوہ یونینسٹ پارٹی وِج
 رل جاوَن، ایماندار افسراں نوں ایس لئی پریشان کیتا جاندا
 اے جے اوہ مسلم لیگ دے حامی نیں۔ مسلم لیگ دا جلوس
 دیکھن اُتے سرکاری ملازماں نوں سزا دتی جاندی اے۔ ڈیڈاراں
 نمبرداراں نوں (DIS MISS) کیتا جاندا اے۔ کھنڈ دی اک
 اک بوری دے نال زمینداراں نوں یونینسٹ پارٹی واسطے ویہ
 دینہ روپے وی لیتے جاندے نیں۔ ایسے ٹامک دا سمجھ
 توں وڈا اداکار سرپرست گورنر پنجاب گلینسی ہے۔“

” وزیر اعظم دا فرض سی، اوہ ایس اسمبلی اندر آن کے
 کہندے یں شوکت نوں ایس واسطے (DIS MISS) پیا
 کرناں کیوں جو اوہ مسٹر جناح دا چیلہ ہے پر اوہناں نوں ی
 ایہ جُرت نہیں ہوئی۔ ایہ آل انڈیا مسلم لیگ دے بانی
 ہن۔ ایہناں دا نعرہ ہے۔ ”پنجاب پنجابیاں لئی“ ۱۹۴۵ء
 پر ایہ خضر حیات ٹوانہ کپہو جیسے پنجابی سن کہ اب دی جامع
 نوں اوہناں دا سکتا چاچا ملک ممتاز خان ٹوانہ خوشنریا، غیر مسلماناں
 مسجد وِج تقریر کروایا آکھدا اے۔ ”میرا بھلیل کروان دا چارہ
 نال رل کے سارے جگ دے مسلماناں نوں لُٹے مینوں مان
 لا رہیا اے۔ میری طرے والی پگڑی جبر سر توں ڈھے
 سی اوہدے (خضر) دے کارے پاروں میرے
 پٹی اے۔“

پنجاب اندر زرے یونیٹسٹاں دی ای نہیں انگریزاں تے
 ہندوواں دی کلغی وی قائد اعظم ساہنٹے ڈھے پٹی سی تے ۱۹۴۵، ۴۶
 دیاں چوٹاں توں پہلاں پہلاں پنجاب دے جران سیاستداناں تے
 پڑھیاراں ایناکم کر دکھایا کہ پنجاب مفاد پرست گروہ دیاں پیداکیتیاں
 رجعت پسند طاقتاں توں آزاد ہو گیا۔

ایہہ لفظ قائد اعظم اودوں ورے جدوں ۱۹۲۹ وچ گوجرانوالہ
 دے جسٹس شیخ دین محمد ہوراں منظر علی اظہر نوں الیکشن وچ
 ہرایا سی۔ قائد اعظم جسٹس دین محمد نوں مبارکباد دتی سی تے
 شیخ دین محمد ہوراں اسمبلی وچ پہلی ای تقریر کردیاں آکھیا،
 ”ہندو تے مسلمان دو وکھ وکھ قومیں نیں، اوہناں دا دین
 فائدہ، کلہر تے زبان وکھ وکھ اے۔ مسلمان، حکومت نوں اجازت
 نہیں دیوں گے کہ اوہناں دا مفاد قربان کر دتا جاوے۔“
 ایس تقریر اُتے لاہور دے اک ہندو اخبار ”بندے ماترم“
 دین محمد دے ناں اک نفم چھاپی جس دا اک بند اے۔

مہری پا کے ہوئے قوم سے احرار جدا
 بے دھڑک آج وہ دینے لگے اظہار جدا
 مختلف دین ہوا، ہو گئی گفتار جدا
 نسل ہے اُن کی جدا اور ہیں اطوار جدا
 ہند سے دور کوئی ملک، وطن ہے اُن کا
 گویا پنجاب نہیں اور چمن ہے اُن کا

طالب علم زنانیاں تے اخبار نویس

پنجاب دیاں چوٹاں وِچ اوہناں طالب علماں دا بڑا ہتھ سی جنھاں ۱۹۳۷ء توں ۱۹۴۷ء تائیں پنجاب دے اک سرے توں دُوبے تائیں مسلم لیگ تے پاکستان دا سنیہا لوکاں نوں اپڑایا۔ قائدِ اعظم ایہناں پڑھیاں اُتے اپنے راضی سن پئی اوہناں دے سڈے اُتے ۱۹۴۰ء مگروں اوہ کئی واری پنجاب وِچ لَئے، گوں ایہ آکھن جوگا اے کہ مسلم لیگ دے سڈے اُتے گھٹ تے مسلم سٹوڈنٹس فیڈریشن دے سڈے اُتے بوہتی وار آئے۔ مسلم سٹوڈنٹس فیڈریشن علامہ اقبال دی جیاتی تے اوہناں دی مدد تے دُعاواں نال ۱۹۳۷ء وِچ بنی۔ ۲۷ توں ۴۷ تائیں ایہدے آگو ایہ سن - حمید نظامی ۳۷ - عبدالستار نیازی ۳۸، ۳۹ - مرزا عبدالحمید ۴۱ - ۴۰ - میاں بشیر احمد ۴۲ - ۴۱ - حمید نظامی ۴۳، ۴۴ تے ضیاء الاسلام ۴۷ - ۴۵ -

صرف پنجاب دے پڑھیاں ای نہیں، علی گڑھ یونیورسٹی تے دُوبے صوبیاں دے مسلمان طالب علماں دی تحریک پاکستان دا وڈا کم کیتا۔ ان گنت کامیاں دا ناں تاریخ وِچ لیکارڈ نہیں

ہو سکيا۔ فیروی پنجاب اندر جیہڑے طالب علماں دین رات اک
کر کے پنجاب نوں "وڈے جاگیرداراں" توں آزاد کرایا تے
پاکستان بناوڻ وچ پنجاب دے حقے نوں ودھایا، اوہناں
وچوں بعضیاں دے ناں (فیڈریشن دے عہدیدار ہون پاروں)
انج نیں :-

"میاں محمد شفیع (م۔ش) چودھری محمد صادق، امین ترین،
ظہور عالم شہید، تاج محمد، ظہیر الحسن ڈار، آفتاب احمد قریشی،
احمد نواز خاں، شیخ رفیق احمد، سید امجد الطاف، مخدوم عباسی،
نورشید احمد، محمد ایاس قریشی، فقیر محمد خالد (لالہ پور) عبدالکریم
(ہوشیار پور) خواجہ اقبال احمد (راولپنڈی)، ظفر احمد قریشی (گوجرانوالہ)،
منظف علی ہاشمی (سیالکوٹ)، اصغر سوداٹی، عبدالرشید ارشد، اکرام الحق،
شیخ انوار الحق، ذکی الدین پال، چودھری نصر اللہ خاں، شاہد حسین،
منظور الحق صدیقی، سید قاسم رضوی۔ راجہ افتخار اللہ خاں، شیخ
حامد محمود، احمد سعید کرمانی، چودھری قسیم الدین، ریاض الدین پراچہ،
محمد شریف (جاندھر) بدیع الزمان (جاندھر) مس فرخندہ اختر تے
طالب علم محمد مالک جو ۱۹ مارچ ۱۹۴۶ء نوں خضر جیات دے
خلاف پہلے مظاہرے وچ ایم اے او کالج دے ساہنئے غیر مسلم
پڑھیاں دی رات باری پاروں شہید ہویا۔

ایہ پڑھیاں لاہور وچ سن پے ایہناں دا علاقہ وچکارا پنجاب
سی۔ ایہناں ہر پدھر اتے مسلم لیگ داکم کیتا۔ امرتسر، گوجرانوالہ،
لدھیانہ، جاندھر، سیالکوٹ تے دوجے وڈے شہراں اندر فیڈریشن

دیاں شاخاں بنائیاں، جلسے کیلئے۔ طالب علماں دے ایہ گروپ
پہلاں علامہ اقبال تے اوہناں دے مرثیہ چھوٹے ملک برکت علی
والے گروپ نال رہے۔ جدوں اسمبلی اندر نوجواناں، افتخار حسین
ممدوٹ، ممتاز دولتانہ، سردار شوکت حیات تے مٹریاں افتخار الدین
اُجھے تاں طالب علم ایہناں نال ہو گئے۔

قرار داد لاہور یعنی ۳۰ مارچ ۱۹۴۰ء تاہیں ایہناں چنگا چوکھا
کم گیتا سی۔ یکم مارچ ۱۹۴۱ء نوں اسلامیہ کالج لاہور اندر مسلم
سٹوڈنٹس فیڈریشن دا جلسہ ہویا جس اندر قائد اعظم تقریر کیتی۔
جولائی ۱۹۴۱ء نوں لائل پور وچ پاکستان کانفرنس ہوئی جس اندر
قائد اعظم، محترمہ فاطمہ جناح، خواجہ ناظم الدین تے وزیر اعظم سرسکندر حیات
آئے، صدارت ملک برکت علی کیتی۔ کامیاں وچوں ظہور عالم شہید
ہوری وی اُگھے کاسے سن۔

مسلم سٹوڈنٹس فیڈریشن دی دوجی سالانہ کانفرنس ۸ مارچ
۱۹۴۲ء نوں راولپنڈی اندر ہوئی۔ منظور الحق صدیقی، احمد مسعود،
سید اصغر علی تے تاج محمد کاسے سن۔ مسلم لیگ دے لیڈراں
وچوں سرحد دے وزیر اعظم سردار اورنگ زیب، یوپی دے
چودھری خلیق الزمان، مولانا جمال میاں فرنگی محلی، حمید نظامی،
فاطمہ بیگم، نفیس خلیلی، ثریا جبین تے یوسف سلیم چشتی
تقریراں کیتیاں۔ پڑھیاں وٹوں شیخ مصباح الدین، راجہ افتخار اللہ
مس فرخندہ اختر، محمد صادق، قاسم رضوی تے پیرزادہ گلزار بولے۔
۱۴ نومبر ۱۹۴۳ء نوں جالندھر سٹوڈنٹس فیڈریشن دی کانفرنس

دی بسم اللہ قائد اعظم کیتی۔ آؤں والے سن سردار عبدالرب نشتر،
ایم اے اصفہانی، قاضی عیسیٰ، سردار اورنگ زیب خاں تے
میاں عبدالعزیز۔ پڑھیاں ولوں حمید نظامی، راجہ افتخار اللہ،
قاسم رضوی تے احسان الحق۔ ایس کانفرنس توں قائد اعظم ایڈے
راضی ہوئے کہ اوہناں مسلم لیگ کونسل دیاں باراں ممبراں مسلم
سٹوڈنٹس فیڈریشن نوں دے دتیاں۔ ایہناں آتے حمید نظامی،
قاسم رضوی، راجہ افتخار، یحییٰ بختیار، شیخ حامد محمود، الیاس مسعود
ضیاء الاسلام، امین ترین ہوری ممبر بنے۔

۱۹۴۳ اندر حمید نظامی ہوراں لاہور دے نواں کوٹ وچ
”جناح اسلامیہ کالج“ ناں دے ادارے وچ ”سمر سکول
آف پالیٹکس“ دے ناں نال پڑھیاں دی سیاسی سکھلائی
دا پروگرام شروع کیتا۔ ایہناں کامیاں نوں لیاقت علی خاں،
سردار عبدالرب نشتر، قاضی محمد عیسیٰ، مولانا ظفر علیخان، مولانا
راغب احسن تے ذاکر علی ہوراں لیکچر دتے۔ لیکچر لین والیاں
وچ اوہو پڑھیاں سن جنہاں دا ناں پہلاں آیا ہے۔

پہلی مئی ۱۹۴۴ نوں سیالکوٹ وچ سٹوڈنٹس فیڈریشن دی
کانفرنس ہوئی، صدارت قائد اعظم کیتی۔ ایہہ کانفرنس خضر حیات
ٹوانہ نوں مسلم لیگ وچوں باہر کدھن مگروں ہوئی، ایس لئی
بڑا جوش جذبہ سی۔ ایس کانفرنس وچ مسلم لیگ دے مشہور
لیڈراں تقریراں کیتیاں۔ اسمبلی دے مسلم لیگی ممبراں یونینسٹ
سرکار تے انگریز گورنر نوں چنگا رگڑا لایا۔ اتوں جلوس آئے

پولیس لاٹھی چارج وی کر دتا۔

قائد اعظم پنجابی طالب علماں دے سدے اُتے چار واری
پنجاب آئے سن۔ لاہور ۱۴، کال پلہ ۱۴، جالندھر ۲۲، تے سیالکوٹ
۱۹۴۲ وچ۔

۲۰ جون ۱۹۴۲ نوں پنجاب دے وزیر اعظم خضر حیات ٹوانہ
تے گورنر گینسی ہوئی برطرف ہوئے۔ وزیر سردار شوکت دی صدارت
وچ سٹوڈنٹس فیڈریشن دا جلسہ راولپنڈی وچ ہویا۔ بسم اللہ
لیاقت علی خاں کیتی۔ سرحد دے وزیر اعظم سردار اوزنگ زیب خاں
سردار عبدالرب نشتر، بلوچستان دے قاضی محمد عیسیٰ، سندھ دے
ہاشم گزدر، تے پنجاب دے راجہ غضنفر علی خاں تقریراں کیتیاں۔
۱۰ اکتوبر ۱۹۴۲ نوں امرتسر وچ سٹوڈنٹس فیڈریشن دی
ڈویژنل کانفرنس ہوئی۔ صدارت آل انڈیا مسلم سٹوڈنٹس فیڈریشن
دے صدر راجہ محمود آباد کیتی، سردار شوکت حیات ہوراں تقریر
کیتی۔ ایس مگروں سٹوڈنٹس فیڈریشن دیاں شاخاں تھان تھان
کھل گئیاں تے ایہناں ہر تھان جلسے جلوس دا آہر کیتا۔

پنجاب دیاں پڑھن والیاں گڑیاں وی پھوں آریاں۔ ۲۵ مارچ
۱۹۴۰ نوں نواں کوٹ اندر فاطمہ بیگم دے ”اسلامیہ کالج فار گرلز“
کالج دیاں پڑھیاراں ساہنئے قائد اعظم تقریر کیتی۔ کالج دا ناں
جناح اسلامیہ کالج رکھیا گیا۔ ۱۹۴۲ وچ لاہور دے کمیٹی باغ
وچ قائد اعظم پھیر زنانیاں ساہنئے تقریر کیتی۔ ایہدا انتظام فرزندہ اختر
عذرا خانم، سلمیٰ عبدالمجید تے سلمیٰ عبدالرب کیتا۔ ایہتھے پنجاب

مسلم گرنز سٹوڈنٹس فیڈریشن بنائی گئی تے میڈیکل کالج دی امینہ عثمانی،
 عذرا رشید، خورشید حیات، اسلامیہ کالج فار گرنز دی فرخندہ اختر،
 جمید زاہد، عشرت، نذیرہ مشتاق، راشدہ عزیز، لاہور کالج دیاں
 جمید عبداللہ، مس ظہور حق نواز، مس ظہور سلامت علی، کنوینٹ کالج
 دی مہر نگار عزیز، شوکت عبداللہ، کوئٹہ میری دی ثروت بشیر،
 فتح چند کالج دی فہمیدہ ایس ایم رشید، محمودہ رشید، جناح گرنز کالج
 دی حمیدہ ملک، امینہ خاتون تے پرائیویٹ طالبات وچوں راحت افزا،
 مس یوسف علی، تے سیدہ نواز بڑا کم دکھایا۔ اسلامیہ کالج دیاں
 لیکچراروں وچوں مسعودہ عنایت تے جمید عبداللہ اونہاں نوں راسے
 پائی رکھیا۔

اسمبلیاں دے ممبر باہر دی ہوا ویچھ کے رنگ تے دھڑا
 بدلے رہندے نیں۔ علامہ اقبال تے ملک برکت علی ورگے ممبر
 ورلے ورلے ای ہوندے نیں۔ ایہناں پنجاب اندر مسلم لیگ وا
 بوٹا لایا، ایہدی ٹہل سیوا کیتی، ودھایا پھلایا تے ایہنوں آگے
 چل کے پنجاب دے اخباراں، طالب علماں تے وچکارے لے تے
 غلطیے طے دے سیڑیاں اچھا پھتر چھاں والا بوٹا بنا دتا کہ
 اسمبلی دے پرانے ممبر وی ایہدی پھاں تھتے آوندے گئے۔

۱۹۴۵ اندر مرکزی اسمبلی وا الیکشن ہویا پنجاب وچوں مسلم لیگ
 دے چھ دے چھ ممبر یا بلا مقابدا یا مخالفان دیاں ضمانتاں ضبط
 کرا کے چوٹاں جت گئے۔ پورے ہندوستان اندر ہر تھاں توں
 مسلم لیگ مسلمان سیٹاں جت لیاں رائج نتیجہ سو فی صد رہیا۔

پنجاب توں مولانا ظفر علی خاں ، غلام بھیک نیرنگ ، سید مہر شاہ ،
کرنل عابد حسین ، حافظ عبداللہ تے شیر شاہ چُنے گئے ، سید مہر شاہ
غلام بھیک نیرنگ تے شیر شاہ بلا مقابلہ چُنے گئے ۔ مولانا ظفر علی خاں
تے کرنل عابد مخاشاں دی ضمانت ضبط کرا دی ۔

۱۹۴۷ء دے الیکشن اندر پنجاب وِج مسلم لیگ نوں بُریاں
دو سیٹاں ملیاں ۔ مارچ ۱۹۴۷ء دیاں چوٹیاں وِج اٹھاسی مسلمان
سیٹاں اُتے تہتر مسلم لیگی جتے ۔ چھ آزاد الیکشن جتن مگروں
مسلم لیگ نال آ رے ۔ پر ایٹھوں ای پنجاب دا دردناک
قصہ شروع ہوندا اے ۔ ایس انتخاب وِج پنجاب اسمبلی اندر
مسلم لیگ سبھ توں وڈی پارٹی سی پر انگریز گورنر سبھ توں وڈی
پاؤٹی نوں حکومت بناوٹی لئی نہیں آکھیا (بنگال تے سندھ وِج
مسلم لیگی وزارتیں بن گئیاں) گورنر نے یونینسٹ پارٹی دے
سر خضر حیات ٹوڈا نوں حکومت بناوٹی دا سدا دتا ۔ ٹوڈا دی
اپنی پارٹی وِج صرف ست مسلمان ممبر سن ۔ گیارہاں غیر مسلم
کل اٹھاراں ، ایہناں اٹھاراں نال کانگریس تے اکالی دل والے
آ رے ۔ رنج ایہ وزارت بن گئی ۔ ایس نا انصافی اُتے پنجاب
مسلم لیگ نے احتجاجی جلوس کڈھن دا ہوکا دتا ۔ لاہور وِج دی
جلوس نکلیا ۔ جدوں کھنڈن پھنڈن تے آیا تے ایم اے اوکالج
کول غیر مسلم طالب علماں اٹماں مارنیاں شروع کر دتیاں ۔ اٹماں
لگن نال اک جلوس والا لالاب علم محمد ماکھ شہید ہو گیا ۔ ایس
شہید دا خون سارے ہندوستان نوں لال رنگ نال رنگ گیا ۔

پڑھیاں دے ال نال پنجاب اندر اخباراں وی پاکستان
 بناون وچ حصہ پایا۔ ۱۸۵۷ء مگروں بڑے اخبار نکلے۔ اوہناں
 مسلماناں دے حقان دی گل کیتی پر ایس صدی دے شروع وچ
 مولوی محبوب عالم دے "پیسہ اخبار" تے مگروں مولانا ظفر علی خان
 دے "زمیندار" اوس مگروں "انقلاب" تے "احسان" تے پھیر
 "نوائے وقت" پیہ ہفتہ وار تے پھیر (۲۲ مارچ ۱۹۴۲ء توں)
 روزانہ، اردو پاسے ول بڑا کم کیتا۔ اخیر انگریزی روزنامہ "پاکستان ٹائمز"
 (۲۴ مارچ ۱۹۴۷ء) چنگا بھرواں حصہ پایا۔ "نوائے وقت" دے
 ایڈیٹر حمید نظامی ہوراں اپنے اخبار بارے لکھیا۔

"پنجاب دے مسلماناں مسلم لیگ تے پاکستان نوں صرف دو
 دھراں راہیں جانیاتے سمجھیا ہے۔ اک قوت قائد اعظم دی سی۔
 دوجی "نوائے وقت" دی۔ نوائے وقت آپی اک تحریک سی۔
 انتہائی مہم اندر پنجاب دے سبھ مسلم لیگی لیڈراں داکم اک
 پاسے سی۔ دوجے پاسے نوائے وقت داکم۔ پلّا پھیر وی
 "نوائے وقت" دا ای بھارا سی۔"

سول نافرمانی توں آزادی تائیں

سچ وی ایہو ہے کہ قائد اعظم تان پورے ہندوستان دے مسلماناں دے لیڈر سن۔ پنجاب اندر پاکستان لئی علامہ اقبال تے مولانا ظفر علی خاں ڈھیر کم کیتا۔ فیر پنجاب دے اخباراں، طالب علماں تے پڑھیاں گڑیاں، دچلے تے نچلے طبقے دے سیاستیاں تے کامیاں بڑا کم دکھایا۔ پنجاب دے اک پاسے صوبہ سرحد سی جس اندر ۱۹۴۶ء وچ وی کانگریس جیتی سی تے ۱۹۴۷ء اندر وی کانگریس ای سی۔ انگریز، پاکستان دے ویری مسلمان خاص کر مولوی صاحبان تے کانگریس صوبہ سرحد دے حوالے نال آخری اڑیکا پاونا چاہندے سن پر پنجاب اندر سول نافرمانی دی تحریک (۲۵ جنوری - ۲۶ فروری ۱۹۴۷ء) نے صوبہ سرحد اندر وی اک اگ لا دتی۔ سرحد والیاں پنجاب توں تحریک دا دل سکھیا تے اخباراں توں دکھ پنجاب دیاں ادبیاں شاعراں انگریزی، اردو تے پنجابی راہیں آزادی تے پاکستان لئی اپنا حصہ پایا۔ اقبال تے ظفر علی خاں مگروں فیض احمد فیض جیسے نامی وی پاکستان ٹائمر دے ایڈیٹر بن کے تحریک پاکستان نوں اگاندہ لے

گئے، ایسے اسیں پنجابی دے شاعراں دے کجھ شعر دیاں گے۔

ایہ نعرہ گھر گھر اے

بندی مسلماناں دا قائدِ اعظم لیڈر اے

پاکستان لئی ساہ ساڈے

جیلاں انگریز دیاں ڈک سکھن نہ راہ ساڈے (صحرائی گودا سپدی)

بتھ ہندو سمجھ تجارتاں، کھرباں تے قلم چلان

منڈیاں وچ ہندو آرہتی اتے پانڈی مسلمان

دے دھیلی لکھن حویلیاں در سود دے چکر لان

افسر ہندو، انگریز سکھ — چیڑاسی مسلمان

دھیاں پالے بھل مصیبتاں ہل واہ واہ مرے کسان

ہودے دیہلا کاہ مڈھ کے چک لالے گھر لے جان (فضل کریم بٹ)

قائدِ اعظم کرم کماے نکتے وڈے اک بناے

پاک چین دے بھاگ بھاگے

رہن سدا بہاراں مسلم لیگ دیاں

کھڑیاں نہیں گلزاراں مسلم لیگ دیاں (دائم اقبال دائم)

گاندھی، نہرو، پٹیل دی کم نظری مسلماناں تائیں مسلمان کر گئی

میں تاں بڑا مشکور اں کانگریس دا بھتی تنگ نظری ایہ مسلمان کر گئی (آغا غلام حسین غالب)

مٹے گما سمجھ نوں امن آزادی : نہیں کر سکنی کسے اپادھی

حق حقوق ملن بنیادی : خوشیاں ملک بنا دے گا

کوئی دن پاکے قائدِ اعظم : پاکستان بنا دے گا

(چراغ دین جونیکا)

سرحد والیاں پنجاب توں ودھ کے زور دار تحریک چلا کے ثابت کر دتا پئی بھادویں ۲۶ دے الیکشن وِج کانگریس جت گئی سی پر مسلم لیگ عام لوکاں وِج باندی لے گئی تے سرحد اکھنڈ ہندوستان دا نہیں صرف پاکستان دا حقہ بن سکدا اے ۔

پنجاب اندر سول نافرمانی مسلم لیگ دی ساری تاریخ وِج اک نویکی تے اچرچ گل سی ۔ یونینسٹ وزارت پنجاب وِج بن تے گئی سی آپر اوہرا ڈھونہی سی ڈھک سکدا ۔ ڈیرہ غازی خاں وِج ضمنی انتخاب ہويا ۔ یونینسٹ کانگریس تے اکالی حاکم پارٹی سن، پر چون مسلم لیگ جت گئی ۔ خضری سرکار تے مسلم لیگ نوں زور ناں دہاؤن دا آہر کیتا ۔ مسلم لیگ نیشنل گارڈز اُتے پابندی لا دتی ۔ جلسے جلوس اُتے ہٹک لائی ، اخباراں اُتے سنسر لایا تے جدوں نیشنل گارڈز دے دفتر دی تلاشی دا چارہ لایا گیا تاں میاں افتخار الدین نے جو ۱۹۴۵ اندر کانگریس دی صوبائی صدارت چھڈ کے مسلم لیگ نال آن رے سن ، دوجے آگواں ممتاز دولتانہ ، نواب ممدوٹ ، سردار شوکت حیات نوں نال رلا کے دفتر دی تلاشی دیوں توں انکار کر دتا ۔ اوہناں نوں گرفتار کیتا گیا ۔

پھر نیشنل گارڈز دے سالار تید امیر حسین شاہ ، لطیف افغانی ، بیگم شاہنواز ، ملک فیروز خاں نوں تے بیگم کمال الدین چڑے گئے ۔ ایس مگروں پورے پنجاب وِج گرفتاریاں داسسد چل سوچل ۔ ہر دیہاڑے دفعہ ۱۴۴ دی انگھن لئی جلوس نکلدے تے گرفتاریاں دتیاں جاندیاں ۔ قائد اعظم وی ایس سول نافرمانی دی حمایت کر دتی تے

یونینٹ کانگریس تے اکال دیویں حکمت بہنی سختی کر رہی تحریک ہور
ودھدی جاندی ۔

۹ فروری توں لاہور وچ مسلم لیگ دے جلوس اُتے بیڈن روڈ
دے نیڑے اک بندو دے گھرتوں اٹاں ماریاں گئیاں۔ اک مسلمان
گجھرو ہور شہید ہویا ۔ پچھلے سال طالب علم محمد مالک رنج ای شہید
ہویا سی۔ ایس سال ایہ جوان تحریک دے کم آیا ۔ بعضے ویٹے
سینکڑے بندیاں دا مرث وی بنا اثر لنگھ جاندا اے، پر جدوں
تحریکاں جوان ہووٹ، اوس سہے اک گننام بندے دی موت دی
پوری قوم دی واپری بن جاندی اے۔ ایس طرح لاہور دا مالک
لدھیانے دا صادق تے لاہور دا ایہ جوان مر کے پاکستان دی
تحریک، نوں ہور تگڑا کر گئے ۔

پنجاب وچ ایس سول نافرمانی سہے ہر بڑے شہر قصبے تے
پنڈ گراں دے بندیاں خاص کر طالب علماں نہراں دی گنتی وچ
گرفتاری دتی ۔ ایہ تحریک کدھرے غصے وچ نہیں آئی ۔ بڑا نظم
سلک تے قرینہ رہیا ، ایہدا امن امان ناں چلنا اک ریکارڈ سی۔
بڑے صغیر وچ اجیہیاں تحریکاں کدھرے نہ کدھرے مارکٹ دا موڑ
مڑ جاندیاں رہیاں سن ۔

پنجاب، دیاں زندانیاں کسے نہ کسے روپ وچ سیاست وچ
تھوڑا بولتا نیونڈرا پاوندیاں سن، پر ۱۹۴۰ مگروں اوہ ہور دلیر
ہو گئیاں ۔ سول نافرمانی سہے مسلمان زندانیاں خاص کر پڑھیا گڑیاں
جو کم دکھایا، مسلم لیگ دا جھنڈا جیویں سیکرٹریٹ، ہائی کورٹ،

ڈسٹرکٹ کورٹ تے سنٹرل جیل آتے جھلایا ، پولیس دیاں ڈانگاں وی
کھا دیاں ، اتھرو گیس دی مار سہی ، اوہ تحریک پاکستان داماں جوگ حصے
جدوں پولیس مسلم لیگ نیشنل گارڈ دے صوبہ سالار سید امیر حسین شاہ
دے گھروں تلاشی لین گئی ، مسلم لیگ دیاں زانیاں اکھیاں ہو گئیاں ،
اونہاں ست گھنٹے تائیں پولیس نوں ڈک رکھیا تے آکھیا پھلاں اونہاں
نوں ہتھکڑی لاو و فیر گھر دی تلاشی دیاں گئے ۔

مسلم لیگ دے نائب صدر شیخ صادق حسین ہواں کہیا صرف اک
زانی دی گرفتاری دی اجازت ہووے گی ۔ موقعے آتے کئی عورتاں
گرفتاری دیشیاں ، چاہندیاں ، ستاں دی قرعہ اندازی ہوئی ۔ فاطمہ بیگم ،
مسلمی تصدق حسین ، بیگم سعیدہ ، بیگم اسحاق ، بیگم کمال الدین ، بیگم
عبدالعزیز تے بیگم حبیب اللہ ۔ بیگم کمال الدین داناں نکلیا تے گرفتاری ہوئی ۔
اگے دیہارے ریگل چوک وچ اتھرو گیس اندر مس ممتاز شانباز
بیگم کریم داد خاں تے پروین قمر قریشی گرفتاری دتی ۔ پھیر چیزنگ کلاس
آتے بیگم وقار النساءون ، سر سکندر حیات دی دھی زابدہ سلطان ،
ڈاکٹر حسن آراتے دو جیاں زانیاں پھریاں گئیاں ۔ ایہ کم ۲۵ فروری
تائیں جاری رہیا ۔

۲۶ فروری نوں یونینسٹ کانگریس تے اکالی دل دی سرکار
ہتھیار سُٹ دتے ۔ مسلم لیگ دے ہزاداں لیڈر تے کاسے چھڈ
دتے گئے ۔ مسلم لیگ دا مطالبہ من لیا گیا ۔ ۲ مارچ نوں مسلم لیگ
دی اپیل آتے یوم فتح منایا تے خضر حکومت استعفیٰ دے دتا ۔
پنجاب اندر چلائی گئی سول نافرمانی دی تحریک اگے سرحد ول

نکل گئی تے ۲۱ فروری توں اوتھے وی جلسہ جلسے تے بیٹیاں والی گل
ہل پئی تے ایہہ تحریک اودوں تائیں چلدی رہی جد تاںیں پاکستان
بارے سکیم دا ہوکا نہیں پھر گیا۔

۱۸۵۷ء دی تحریک آزادی تے تحریک پاکستان دا پنجاب دے
ہندوواں، سکھان تے انگریزاں پنجاب نوں ایہہ بدلاؤ تا کہ ۱۳ اگست
نوں ایہہ دے دو ٹوٹے کر دتے۔ ایہہ سن ضلع گورداسپور، ضلع امرتسر
دیاں دو تحصیلاں، ریاست کپورتھلہ، ضلع جالندھر دیاں دو تحصیلاں
تے ضلع فیروز پور دیاں دو تحصیلاں جتھے مسلمان وڈی گنتی وچ سن،
کھوہ کے ہندوستان نوں دے دتیاں گئیاں۔ ناں ای آپاشی دے
دو وڈے بند (ہیڈ وکس) مادھوپور تے فیروز پور وی اوہناں
دے ہتھ دے دتے۔ انگریز جاندیاں جاندیاں مسلماناں دی اکثریت
والے کئی علاقے ہندوستان نوں دے دتے جد کہ غیر مسلم اکثریت
دا اک چتہ رقبہ وی پاکستانی پنجاب دے حصے نہیں آیا۔
۱۳ اگست ۱۹۴۷ء گروں ہجرت دی صورت وچ پنجاب دے
مسلماناں توں جو قربانی لئی گئی اوہناں بیان نہیں ہو سکدا تے نہ ہی
تاریخ کول کوئی ایہی مثال ہے۔

سادیاں کتاباں

نالا کتاب	مُل	نالا کتاب	مُل	نالا کتاب	مُل
احسن القصص	۲۰/-	سیتیاں اکھاں والے	۱۲/-	سورج مکھی	۲۵/-
ہیر وارث شاہ	۲۰/-	مٹی اُتے لیک	۱۰/-	آزادی گردن پنجابی ادب	۲۸/-
وگدا پانی	۲۰/-	شہر تے سُننے	۱۲/-	نکھیرے	۲۰/-
کالیاں اناں کالے رڈ	۱۵/-	چونویں کہانی	۳۵/-	گوجری ادب	۲۰/-
وحدت الوجود تے پنجابی شاعری	۲۵/-	اک اوپری گڑی	۱۵/-	پشتو ادب	۱۵/-
بول تے تول	۱۵/-	گوک	۱۵/-	گلزار سسی	۲۳/-
کن لیکھا	۲۰/-	کرکڑ دے پھل	۲۰/-	نیکھیاں سوللاں	۱۲/-
آکھیا بابا فرید تے	۲۰/-	پہا ج	۲۵/-	کال بلندی	۱۲/-
ہیر دمودر	۳۰/-	چٹّر رنگی مورتی	۱۵/-	پنجاب دے بچیاں پتر	۱۵/-
کلیات لالی	۳۰/-	تانی	۱۵/-	جنگنامہ امام حسین	۲۶/-
کہندا سائیں	۱۸/-	ٹٹ بھج	۲۰/-	دلیں پردلیں	۱۱/-
ہیر چراغ اعوان	۱۰/-	بار دے گیت	۲۰/-	ٹیکسلا	۱۵/-
پنج تارے	۱۸/-	رکھ تاں ہرے بھرے	۳۰/-	قائدِ اعظم سوتھ تے سیاست	۱۰/-
ملتان مرثیہ	۳۰/-	جھٹھ پل دی ٹھنڈی چپاں	۳۵/-	چونویں انشائیے	۲۰/-
کافیاں شاہ حسین	۱۲/-	قصہ دو بھراواں دا	۱۰/-	پنجابی ادب دی کہانی	۶۵/-
اکبر کہانیاں	۲۵/-	بول مٹی دیا باویا	۱۵/-	اعوان کاری	۵۰/-
چرخے دی موت	۱۵/-	جزیرہ	۱۸/-	لہندی شعریت	۳۵/-
قصہ کہانی	۱۲/-	شام رنگی گڑی	۱۵/-	دیوان خواجہ غلام فرید	۲۰/-
ڈونگھیاں شاماں پنجاب دے	۱۵/-	بُوہ کوئی نہ	۱۶/-	نظراں کردیاں گلاں	۱۵/-
چنے دے اوہلے	۱۵/-	لہو سہاگ	۲۰/-	گککارے	۱۵/-